

# *KUBONAHALISA LINZWI LA HAE*

 Halu yemeñi ona cwalo ni ku inamisa litoho za luna. Mulena Jesu, lu itumela ku Wena kakusasana cwana kwa litohonolo la kutaha fa Pila Hao mwa ndu ya Hao, ko ku kopanezi sicaba sa Hao mwa Libizo la Hao. Mi lika kaufela ki za Hao, Mulena. Mi lu ipa ili luna ku Wena cwale ka tibelelo ye lu nani mwa lipilu za luna kwa—kwa sebelezo ku bani baba sina Mulimu ni baba sina Kreste, kuli ba piliswe, mi ni bakuli ba foliswe, mi baba kenile ba fuyolwe. Lumeleza cwalo, Mulena. Mi cwale kwa mafelelezo, lu ka inamisa litoho za luna ka kuishuwa ni ku Kufa milumbeko ka lika kaufela Zo eza mwahala luna lizazi le. Kakuli lu kupa ka Libizo la Jesu. Amen. Mwa kona kuina.

<sup>2</sup> Ni itumezi luli bakeñisa litohonolo la kuba mo hape kacenu, mi ni ku mina sicaba baba zamaile misipili ye mitelele cwana kutaha kwa Liñusa, kutaha kwa sebelezo kakusasana cwana. Ni ziba kuli ha mu si ka taha fela ku to ni bona kamba ku to ni teezeza, mu tile ku to kopana ni Mulena Jesu. Mi kacwalo Ni sepa kuli Uka mifa litakazo za pilu za mina.

<sup>3</sup> Cwale Ni—ni kutile, ki kale ni kuta, ni isa lubasi kwa Tucson ni ku yo kuta. Ni katezi mi ni botehile. Mi Ni bile ni zamaya mwahala mbumbi kaufela, kukala ka Sope yefelile, mi cwale Ni tile kuli ni ye Kentucky biki ye, kuyo zuma ni balikani cwalo, kulika ku i katulusa nyana. Za ni utwisanga bumaswe, mwa ziba, kacwalo Ni... Billy mi Na se lu sutelezi fela ni kuya, kacwalo lu—lu lapela kuli Mulimu alutuse biki ye kuli lu i katuluse.

<sup>4</sup> Mulena haiba alata, Ni bata ku to kuta kwanu hape ka la Sunda ye taha haiba Mulena alata. Mi Ni bata sebelezo ye ipitezi ka la Sunda ye taha. Kihande, Ni bata kueza nto yeñwi ye shutana nyana ku za kamita. Cwale, Ni bulela taba ye ili kuli sicaba baba ka...tokwa takazo habana kuba ni kutaha, kono luna kamita lwa lapelelanga bakuli, haiba Mulena alata, fo sicaba ha si taha. Mi ka la Sunda yetaha Ni bata ku utwa se si li mwa lipilu za mina. Ni—Ni bata kuli mu ñole, kacenu, ha mu ka kotoka, ni ku li beya fa sipula, mi Muzwale Neville uka lifa ku Billy Paul, mi yena uka ni tambeka, ona zeli fa lipilu za mina. Mu bulele fela...haiba ki puzo ya Bibele, kamita Ni banga ni zona ona cwalo. Ni ka i kwalula fa nako nyana cwale, mwendi kuna ni matata cwalo mwa lipilu za mina ao—ao mu—mu palezwi ku tuseha ka mukwa omuñwi, inge ha ne lu kali muna ni, oh, mwendi ki butata bwa mwa ndu. Ha mu lukeli kuñola libizo la mina fateni, kono fela, “Bo muuna ka ba eza cwana-ni-cwana mi sa ni sitatalisa.” “Bo musala ka baeza cwana-ni-cwana.” “Mi—mi kuna—kuna ni nto yeñwi ye ezahala mwa bupilo,” kamba—kamba taba yeñwi, mwa ziba, ki sesili mwa pilu ya mina fela, si ka se si mi kataza. Ni sepa sani si kaba

hande. Mina bo? Konakuli mu batisise fela mo, mi mwendi mu buze puzo mi hakulata Ni ka alabela yomuñwi fela. Mwabona, bakona kuba ni butata bo bu swana. Mi se sili fa pilu ya mina fela, mu kusufaze fela ka mo ku konahalela, sina cwana, "Nina ni mwana ya bonahala ku zamaya mwa bumaswe, ki sikamañi se Ni lukela kueza?" "Nina ni—ni muuna ya sa lati kutahanga ni na kwa keleke. Wa ni hanyaukelanga, ki sikamañi se Ni lukela kueza?" Kamba, musala ka, ka mukwa o swana. Kamba—kamba, mwa ziba, "Bibele ibulela *cwana* mwa sibaka sesiñwi mi ni *cwana* mwa sibaka sesiñwi, Hani utwisisi. Ze, Ni tabela kuziba se Li talusa." "Mi kana Na cwale, kakuba Mukreste, ha Ni sebeza kwa ofisi mi malena ka ba bulela lika za kuli-ni-kuli, mi ba ni kupa kuli ni ye ni bona kwa mukiti, mi mwa mukiti mo ba nwa, ki sikamañi se Ni lukela kueza?" Mwabona, fela, mwa ziba, litaba cwalo ze li mwa munahano wa mutu. Lu bata kuli mueze cwalo.

<sup>5</sup> Mi, kabakaleo, cwale Ni—Ni lukela kukuta, kasamulaho wa fani, ku ya kwa Arizona. Mi Ni hupuzi kuli Ni ka—ba ni sibaka sa ku mitusa kuli mu utwisisi, ni zende ze Ni kona kueza. Ni ka tabela kubeya zeñata ze Ni kona kubeya fa katala kacenu musika zwa kale. Mu liñole fela ni ku li beya fela ona fa, mi—mi Muzwale Neville kamba alimuñwi wa bona uka ni tambeka zona. Mi biki ye, ku shetumuka kwa lilundu, Ni kaba ni—ni kolo ya kubala za teñi ni—ni ku li lapelela, ni ku mi fumanela kalabo ya Mañolo kwa lika kaufela ze Ni kona, ku mitusa. Kakuli kona libaka ha lu kopani mo, ki ku tusana. Mwabona? Muka ni tusa ka ku ni lapelela, mi Ni sepa kuli Ni ka mi tusa. Cwale, mi, musike mwa libala, fani ikaba ka la Sunda kakusasana.

<sup>6</sup> Mi cwale, kacenu, lu na...ni baenyi mwahala luna, sina kamita. Mi ki babakai baba zwa kwa butelele bwa libima ze mwanda, mu nanule mazoho a mina? Ki babañata luli mwahala puteho. Lisunda nyana kwa mulaho, Ne ni iize kuli, "Ki babakai ba bazwa *kwahule cwalo*," kamba nto yeñwi, mi Ne ni si ka bona mazoho a baba zwa kwa Jeffersonville. Huh! Habusa Na to utwa kuli, nihaike, ne ba bulezi kuli, "Muzwale Branham, baenyi kaufela mukene," mi bali, "lu ba lumeleze fela kunga libaka za luna mwa keleke." Kacwalo se bali ba taha, mianda anda ba taha mane ba palelwa kukwana mwahali, bali, "Kakuli lu boni baenyi, mwabona." Cwale, bwani kona bunde bwa batu ba mwa Jeffersonville mwa sibaka se. Lu—lu na—lu itumezi ka zeo, Jeffersonville ni New Albany, ni sicaba sa fa bukaufi kwanu. Lu itumezi ka sani. Ki babakai baba zwa kwa butelele bwa libima ze likana sikit? Mawi! Ki babaki baba zwa kwa butelele bwa libima ze sikit, mu nanule mazoho a mina? Oh, bunde! Ki hande. Cwalo kona...

<sup>7</sup> Sunda yefelile, neli biki yefelile, Ne ni kutilize fa tuto yeñwi, kuli *Munzi Wotaha Wa Munyaliwa Ni Munyali*, mi Ni sepa ne lu zwa kwa butelele bo bulikani ni limaili ze lishumi ka ze ketalizoho. Mi, ne ku ezahalile kuli, bwani neli butelele bwa

Munzi o ne Ni ambola ka ona, limaili ze lishumi ka ze ketalizoho kwa ni kwa. Ni bile ni ca ku Zona kuzwa kafoo, ka kuziba kuli bupilo bo ha buta fela, Ni ya kwa Muleneñi wani. Ni tamehile kuya kwa Muleneñi wani, mi hakuna taba isili ye ka ni tibela. Ku cwani haiba lizazi ha li monyehi kacenu, kamba kamuso ha li sa tahi, ki shutano ifi yo si nani? Luna ni Munzi, Sibaka sa ku pumulela. Mukatezi kamba hamusi ka katala, lu na ni sona Sibaka sa ku pumulela sani. Mu li, “Yeo ki tolo ya mutu ya hulile.” Batili, ha ki cwalo. Ha ki cwalo. Ki Niti ya Bibele.

<sup>8</sup> Busihu kasamulaho wa ku kutaza kwanu, neku na ni muuna ye ne ba matiselize kwa katala kwanu, hane Ni li ni zwele fande mwa munyako, ne ba lika kuni isa kwa mota. Mi mutangana yo a to bulela kuli, “Ni bata fela kubulela linzwi li liliñwi ku mina.” Billy ni mizwale yemiñwi ba lika ku ni isa kwa mota. Mi ali, “Kikuli Ni bulela fela linzwi nyana?”

Se nili, “Bulela, sha.”

<sup>9</sup> Mi ki hali, “No sweli ku bulela busihu bo, ka za kunyaza basali bani, mo ba tinelanga, mo ba tinelanga liapalo zani.” Ali, “Muuna wa myaha ya hao wa kona ku nahana cwalo, kono kambe no li mwa lilimo za ka no ka nahana ka kushutana.”

Se nili, “Una ni myaha ye mikai?”

Mi ali, “Nina ni myaha ye mashumi amabeli ka yesupile.”

<sup>10</sup> Mi se Nili, “Ne nili wa myaha ye lishumi, myaha ye lishumi ka ye ketalizoho mwatasi nyana ku wena, Ne ni sweli kukutaza nto yeswana.” Mwabona? Se nili, “Ki se sili mwa pilu ya hao, mushimani. Meto a hao abona ku punya mwa pilu ya hao.” Mi ainamisa fela toho ya hae ni kuikela. Ni sepa hakuna kalabo ku sani. Mwabona, ku itingile ku se sili mwahali *mo* kona se si ka zwelela *mo* ni *mo*. Mwabona, Jesu naize, “Haiba mu bulela ze shutana ku zeliteni mwahali *mo*, konakuli mu fetuha baipi.”

<sup>11</sup> Ni tabile kakusasana wo, kokuñwi mwahala puteho, kuna ni-ni mulikana ka yomunde, muzwale, Mukutazi Eddie Byskal ni musala hae ni bana. Ni sepa bateni mwa mukopano mo kakusasana cwana. Eddie, kana uteni mo nji? Na—Na hupula wena... Kihande, mwendi ha si ka taha. Muzwale, oh, eeni, kafoo... Cwale, seo ha ki sona sibaka sa ku bulela “amen” ku sona, Eddie. U amuhezwi kuli u toba ni luna kwanu kwa pata, hamoho ni bakutazi, haiba utabela ku taha. Mi cwale lu se lubile fa...

<sup>12</sup> Muzwale Eddie nali nina fani Mulena hana ni file pono ka za bere ni kwalata. Neli... Ki babakai baba hupula fani hane Ni mi bulelezi? Ku lukile, na liteni ni yena. Neli yena mucaha yana tinile hembe ya mibalabala ye fapahana, Muzwale Eddie Byskal. Mi na yemi fani fo ne... mi a buza... Ne—Ne ni ba buzize haiba ne bana ni wa hembe ya mibalabala ye fapahana, yomuñwi wa bona. “Batili,” hakuna ya na tinile cwalo. Se nili, “Kihande, ne ika ba... I lukela kuba hembe yena ni mibalabala ye fapahana.

Yena ni—ni mungundo wa silivera, mi—mi folofolo yeñwi yene na ni manaka a matelele ka mainci a fote tu, sina *cwalo*, ne i bonahala inge puti.” Mi fani neli likweli ze silezi, Na bulela fa kuli, mwa ziba, li si ka ezahala kale; kafoo, ka ze, oh, neli ka kuitahanelia nyana kwa nako ye mwa mwaha.

<sup>13</sup> Mi se Ni memiwa ku yena muuna yo, ku ya kwa kuzuma. Ne ni si ka ba kale mwa naha yani, ona kwani ko ne luile, mi se Ni bulela. Kono ka nzila ka kanyinyani, yani ki nzila ye kambama ya mwa Alaskan, nekusina sika kwanda likota fela ni malundu ni lifolofolo. Mi busihu bwani mwani ka ku latelela mwa ka nzila mo ne ku zamaya lifolofolo ne Ni bulelela Muzwale Byskal kwa mulaho kwani ni—ni Muzwale Southwick, ki hali, “Kihande, Ni—Ni . . . Lu ya mwa naha ya lingu,” ali, “haina kuba kwa neku lani.”

<sup>14</sup> Mi se Nili, “Eeni,” mi Na li, “neli alimuñwi wa micaha ba sanana yana li ni na yana tinile hembe ya mibalabala ye fapahana.” Nekusina yana ya na apezi hembe ya mibalabala ye fapahana, Muzwale Byskal ne ni sina iliñwi, ne ku sina ni yomukana wa luna yana nani yona.

<sup>15</sup> Busihu bwa bubeli ha se busile, ne lu boni, lwa latelela totolo kuimatisa ku ya mwahala macacani. Cwale, mwani ki mo ku sa melangi nihaiba likota, hakuna lika zeñwi kwanda likwalata ni lingu, mi ne lu latelezi zeñwi kwahule luli. Mi mwa mukwakwa ka kushetumuka musihali wani, Muzwale Byskal a sitatala mwa mezi ni ku koloba.

<sup>16</sup> Habusa le litatama lwa ya ka mapakela mi lwa kala ku latelela litotolo ze ne lu hupula kuli ne lu ka li fumana. Mi fa . . . Lwa yo fita kwani mi ne luna ni . . . ne se lu cile mulalelo wa luna, mi lwa palelwa kufumana litotolo zani, mi Muzwale Byskal a to kunupa kwalata. Kacwalo he Na, talima kafa ni kafa, mi lwaya lu pahama, Muzwale Southwick ali kuna, cwana, “Ni lumela kuli lu ka . . . haiba ubata ku zamaya hande, Muzwale Branham, lu ka pahama lilundu le, ku ya mwa njetumuko yani, likwalata zani hakulata ne li ile kwani,” ili musipili o mutelele ha uzamaiwa. Kono ha ku unsufalangi kapili mwendi konji busihu luli, fokuñwi ikona kuba ka teni kamba ilebene kiloko cwalo.

<sup>17</sup> Mi ki musipili o mutelele luli wa ku zamaya mwa mulaho wa zona mwahala malundu. Kacwalo Na lata ku zamaya, mi kacwalo ne lu yemi fela ni mazoho a luna a kumbatezi yomuñwi, milelu ya luna bababeli se i fetuha limbi, ni mazoho a luna lwa li kuswalana yomuñwi ni yomuñwi, inge lu lila ka kuziba ni kuziba, Se nili, “Muzwale Bud, Ni sepa kuli zazi leliñwi, mwa Mileniamu, Na kona ku zamaya mwa malundu ani kwani.”

<sup>18</sup> Ki hali, “Na sepa Ni inzi ni wena, Muzwale Branham.” Mi ne lu yemi ona fani, lunze lu nyakalala ku Mulena. Mi Na lata malundu hahulu luli!

<sup>19</sup> Mi cwale se lu shetumuka. Fani kona fo Muzwale Byskal fa na kunupezi yona—yona—yona kwalata yani. Yena, ki mulumiwa wa evangeli kwa ma Indian, mi na bata ku fepa se kwa ma Indian. Kacwalo se lu shetumuka cwalo, lwa ca mulalelo wa luna, mi lwa buha kwalata yani ni ku kuta.

<sup>20</sup> Bud ni Na ne lu ya lu kambama lilundu, mi ha ne lu to talimela fa buse, mi fa hule nyana, ni magilasi aka, Na nongana ni folofolo yene Ni boni yani, fa hule nyana fela cwalo, sina ha Ni mi bulelezi fa. Muzwale Byskal fani, na yemi fela fakaufi ni luna. Mi kacwalo se Nili, “Ki yani folofolo fani.”

<sup>21</sup> Mi atina magilasi, ni kubulela kuli, “Ki kwalata yetuna, ya ye hulile, ye kima ya poho.”

<sup>22</sup> Mi se Nili, “Nali kuba ni bone fateni, Ne ni nahana kuli lina ni manaka a sikami.” Kono ye neina ni a shengile, ne ibonahala kuba ye hulile luli, inge fela me ne Ni bonezi mwa pono. Ne ni sika kunupa fateni kwalata.

<sup>23</sup> “Kacwalo, kihande,” ki hali, “haiba Mulena uka ku fa yona,” ali, “sani si ka ba fela . . .”

<sup>24</sup> Se nili, “Eeni, yani ilukela kuba yona. Taba fela ye Ni bilaela ka yona kona hembe ya mibalabala yani.” Mi Na talima kafa ni kafa, mi Muzwale Eddie, musala hae mwendi na itinile, na li ni yena kwani, mwendi u ibeile mwa mukotana wa hae. Hana kolobile zazi la kwa mulaho, na cincize hembe ya hae, mi ki yani fani hembe ya mibalabala. Se nili, “Ye ki yona.”

<sup>25</sup> Hane Ni se ni shetumukile ku yonga kwalata, yena, Bud, ali ku na, ku, “Cwale, Muzwale Branham, u bulela kuli manaka a ki mainci a fote tu njii?”

Se nili, “Kona mwa ka bela.”

Yena ali, “Kuna na bonahala inge ki mainci a nainte tu.”

Se nili, “Batili. Ki mainci a fote tu.”

<sup>26</sup> Yena ali, “Cwale, kuya ka so ni bulelezi, lu si ka fita kale ku mushimani yani yana tinile hembe ya mibalabala, Eddie,” (kone ba ka lu katana kwa njetumuko ya lilundu, limaili zepeli), ali, “uka bulaya bere ye fubelu.”

Se nili, “Saki KISONA SA BULELA MULENA.”

<sup>27</sup> Ki hali, “Muzwale Branham, u zwelela kai? Na bona kufita fa limaili ze mashumi aketalizoho.”

<sup>28</sup> Se nili, “Usali yena Jehova-jaire. Mulena wa kona kuipumanela za Hae, mwabona. Wa kona ku bupa tumale mane twa bonahala. Haiba njii Wa kona ku bupa totolo mane ya bonahala, haiba U bulezi ka za bere, bere ya kona ku bonahala.”

<sup>29</sup> Luna ha lu lika ku nanula kwalata ye bukiti yani ka ku shetumuka, mupuzo, kwa njetumuko ya lilundu, mi Ne ni lwalanga tobolo yaka nako kaufela, mi ni yena na lwalanga tobolo, ni ku shutanisa. Mi hane se lu sutelela litwa le ne li

swalani le lituna, kiñi, lwa yo fita teni kwani. Ne ku cisa cwalo, lwa kena mwa litwa la puka, mi lwa inafafasi fa nako nyana kuli lui shumuse mwa muluti. Ki hali, “Mwa bona, Muzwale Branham, ha luyo kwahule ka maili kuzwa ku Eddie ni Blaine, bashimani bababeli bani, fo ne ba yemi. Bere yani ne i bonahala hande.”

Se nili, “Bud, Ni lumela kuli mwa kakanya.”

<sup>30</sup> Yena ali, “Muzwale Branham, munyaka wa muzwale na kula kanono fa myaha yeminiñata hahulu. Mi no ni bulelezi nako yeñwi, nako yapili kwanu, hane luile kwa sibaka sesiñwi, ne ba ni bulelezi mwa na bonahalela mushimani yani.” Mi Eddie na pahami fa pelesa, fakaufi ni na kwani, fani Mulena ha na file pono. Na ba bulelela sa kueza ku mushimani yani; kanono ka lisela. Mi cwale a bulela kuli, “Hanikoni ku kakanya.”

<sup>31</sup> Se nili, “Bud, Ha nizibi bere ko ika zwelela.” Kono Ne se nina ni myaha ye mashumi aketalizoho, Nina ni mashumi aketalizoho ka zeketalizoho cwale, konakuli seli myaha yemilalu kwa mulaho. Nenili wa myaha ye mashumi aketalizoho ka zepeli kamba mashumi aketalizoho ka zetalu. Se nili, “Hani si ka Li bona kale ha li palelwa. Mulimu uka ni fa bere tuna yani ye fubelu Ni sika fita kale kwa bashimani bani.” Mi ne lu li bukaufi ni kone ku melile likota zende ka bukwala.

<sup>32</sup> Fafasi nyana kwatasi a lilundu, ne se lukena mwa likota, ainafafasi. Neli yena yana lwezi mupuzo wateni, Na ne ni lwezi tobolo. Mi ki hali, “Bere ya kale yani ki hande kuli ikale ku bonahala, nji cwani?”

Se nili, “I kaba teni. Usike wa bilaela.”

Ki hali, “Na bona lilundu kaufela.”

<sup>33</sup> Se nili, “Ni . . . Kono Ni bona sepiso!” Mwabona? Mwabona, Na sepisize. Se nili, “Seo kaufela sa Ka . . .” Se nili, “Bud, ki sikamañi se si inzi fani?”

<sup>34</sup> A talima, ni kuli, “Ki kwalata ye seta yena ni manaka a shengile.” Ali, “Yani ki yona.” Hane lu i fumani kwalata yani ni ku yo kuta . . . Na hupula pono ye ne Ni mi bulelezi, Ne ni saba tobolo. Ne li ye nyinyani nyana ye bizwa .270, malumo amanyinyani, mwa bona. Liteni fa tepu. Mi se Ni nga bere yani, ki butelele fela kulikana ni libima ze myanda iketalizoho, sina mo ne I buleleezi. Bud ali, “Ki hande ukunupe bere yani fa mukokoto.” Ki hali, “Kana ukile wa kunupa fateni kwalata?”

Se nili, “Batili.”

<sup>35</sup> Yena ali, “Oh, ha li zibi kuli lifu ki sikamañi!” Ne ni zibile sani kasamulaho nyana. Kacwalo ki ha bulela kuli, “Ha li sabangi lilata,” ali, “ki hande u ikunupe.”

Se nili, “Kuya ka pono, Na i kunupela fa pilu.”

<sup>36</sup> Mi ali, “Ki hande, haiba nji pono yani ibulezi cwalo, Ni ka yema ni wena.”

<sup>37</sup> Mi se Nili, “Ki fo cwale.” Mi se lu sutelela fa kaufi, mi hane Ni nanuhile, bere ya ni bona. Sani kona sa na bata, kuli ni itukise. Mi Na—Na ikunupa bere yani, ne ku si ka bonahala mane kuli ne iholofezi. Ki yeo ya taha! Mi Ni si ka nga kale lilumo leliñwi mwa tobolo, bere yani ya shwa butelele bwa libima ze mashumi aketalizoho.

<sup>38</sup> Bud neli yo musweu kwa milomo ya hae, ki hali, “Muzwale Branham, Ne ni sa lati kuli i lobale fa mautu aka.”

Se nili, “Ni na ne ni sa tabeli cwalo.”

<sup>39</sup> Ali, “Ni tabezi kuli pono yani ibulezi kuli no i bulaile.” A bulela kuli, “Cwale, haiba sani, haiba manaka ani akuma fa mainci a fote tu, Ni ka ba ni . . .” Ni ka bulela inge mwa na bulelezi, kuli, “Ni ka ba ni kanono ka kuhuwa.”

<sup>40</sup> Se nili, “Kihande, ube fela ni yona ona fa, kakuli kona mo si ka bela.”

<sup>41</sup> Hane lu fitile ku Muzwale Eddie, Na li ku Muzwale Eddie . . . Se lu kaya lipelesa za luna, za saba hahulu bere. Mi, oh, mawi, za nunkelelanga. Ne lu si ka ibuha litalo, ne se ku felile nako; ne lu kutile ka zazi le litatama. Mi se lu puma muhala ka linako ze lishumi, mi lipeleza se li mata mata kai ni kai. Kacwalo he hane luilo fita kwani, abulela kuli . . . Lwa yo shimba muhala wa ku pimisa mwa mukotana wa hae wa fa mukokoto ya pelesa, ali, “Blaine.”

<sup>42</sup> Na li ku Muzwale Eddie, Se nili, “Mutalime lizoho lani cwale, kuya ka . . .” Ne ni hupula kuli ikona kuba Billy Paul, lizoho nyana leli nyinyani ne li sweli muhala wa kupimisa ku likanyisa lunaka. Se nili, “Mutalime lizoho nyana leo,” na nata Muzwale Eddie. Lwa kuta mwa mulaho. Ali kutisa kwa mulaho *cwalo*, ku yo fita ni fa ngo, mainci a fote tu. Mwabona, ona cwalo fela ka kuswana. Jesu ha palelwi! Linzwi lani halina ku palelwa haibile fela lizwa ku Mulimu.

<sup>43</sup> Ni lemuhile fela mwahala luna, Muzwale ni Kezeli Jackson kuzwa kwa South Africa. Ni sepa ba zibahalizwe. Mi—mi ni kuba ni mina, Muzwale Jackson? Kakusasana cwana, muyeme sha, wena ni Kezeli Jackson. Ni bata kuli ba bone. Muzwale wa ka, Eddie, ki yo fa mulikani wa muzumi kuzwa kwa South Africa, hape, kwa hule kwani. Mulena a ku tohonolofaze, Muzwale Jackson ni Kezeli Jackson, ki tabo luli ku ba ni mina mo. Ni bakutazi kaufela mwa muyaho mu nanule mazoho a mina, kaufela mina babali mwa bulumiwa. Kihande, sani ki sesinde mane bunde, hakalo. Mulena a mi fuyaule. Lu tabile ka kuba ni mina kaufela mo. Ni kaba ni mukoloko wa ku lapelela mwa mizuzu nyana, kacwalo Ni—Ni sa zibi . . . Ne ni ka tabela kuli mina kaufela mu yeme ni kutaha kwanu ku to ni kutaleza kwateni. Lu tabile hahulu kuba ni mina, mañi ni mañi wa mina.

<sup>44</sup> Mi, Ni nahana ka za ku ishuwa kwa mina, mi—mi ka kutaha mwa naha ye, ni zeñwi cwalo, ku ni utwa ha ni kutaza ka za Mulena Jesu ya latiwa, sepo ya mina ye munani kuli Wa teelezanga litapelo za ka. Ne ni sweli fela kuambola fa mizuzu yelikani yefitile fa lipuzo za kwa mukunda ku alimuñwi wa siemba sa keleke ye, mane ha ku si ka fita nihaiba mizuzu ye mashumi amane ka ye ketalizoho, me ya lobehile pilu. Mi hane Ni kalile fela kubulela taba yeñwi ku musali yo, (Hani zibi kamba wa kona kutabela ni punde libizo la hae kamba nee), ne ku tile ona Liseli leliswana lani le mu bona mwa siswaniso. Ne lili kaufela mwa sibaka, naile a tabezi. Lu tabile hahulu, kacenu, mwa lusika lo lu shekesha lo lupila ku lona loo, ko mu sa koni kubeya sepi mwa sika sifi kaufela, luna ni Mubuso o sa koni ku shekesha, haukonи ku zikinyeha. Ha ukoni Kushimbululwa! Ha ki licwe la Gibraltar, kono tumelo ya luna ikona ku yendamene fela fa Licwe la Myaha myaha, ku Jesu Kreste, puluso ya Licwe ye sa shimbululwi.

<sup>45</sup> Ni bata ku itumela ku kezeli ya na tisize ka putumende ka maneku amalalu ni Bibele mwateni ya musala ka ya inzi fa. Na bile ni buitamo ku Mulena ka za ka pundumende nyana ka. Na i latile hahulu. Ina ni zeñwi za...inge maswaniso a kale fateni. Mi a kupa Mulena...Na ka lata hahulu ka putumende kani, mwendi. Neli fela ka pundumende kaka likani mwa sibupeho sa piramidi. Mi aka tisa hamoho ni Bibele ku musala ka. Ni itumezi, kezeli. Liki za mina ze nyinyani kaufela ni limpo ni zeñwi ze mu file Billy Paul ni babañwi, za fitanga ku na. Ni itumezi luli kwa lika kaufela. Mulimu abe ni mina.

<sup>46</sup> Musike mwa libala cwale, ka la Sunda yetaha kakusasana. Onafa sebelezo i sa fela fela kacenu, muñole puzo ya mina. Haiba ha mukoni, mu itise la Sunda ye taha kakusasana. Ni ka taha ka kuitahanelia nyana, mi ba ka litisa mwahali, kuli Ni be ni kulibeya ka makalelo a Mañolo. Mi lu ka alaba lipuzo la Sunda yetaha kakusasana, Mulena ha lata.

<sup>47</sup> Cwale, kuna ni litaulo zeñata zeliteni fa. Mi Ni li kashelize kwa mulaho, ili fela kuli nibi ni—ni pampili ya ka fa, mi ni... hape ni Bibele ya ka, kacwalo, kamba Bibele ya ka ni pampili ya ka yena ni zeñozwi, nitaluse, ili kuli Ni be ni sibaka nyana. Kono Ni...Ni lapelele yeñwi ni yeñwi ya zona.

<sup>48</sup> Ni ka beya mañolo aka fa mapampili, Ni na ni fela nako yelikani. Hanina ku mi inisa singe mo ne Ni mi ezelize nako yefelile hane Ni li kwanu, mwahala lihola zene. Ni itomezi sepiso ili na, haiba Ni beile sani fa tepu se si cwalo, Ni ka li tepiña na kasibili fa, kamba sesiñwi cwalo, kuli Ni si ke na mi buluka nako yetelele.

<sup>49</sup> Kikuli Muluti Lee Vayle uteni mo kakusasana cwana nji? Ne ni bata kubuza haiba Muluti Lee Vayle...Kikuli uteni mo, Muzwale Vayle? Nanula lizoho la hao haiba uteni mo. Kana

uinezi mwa mulaho nji? Ku lukile, ni itumezi, Muzwale Roy. Mi Ni bata kuli u bone hande kuli wa lemuha mapampili añozwi ani, Muzwale Vayle. U inezi mwahala sicaba kwa mulaho kafoo kuli Ni palelwa kubona, kamba mwa muyaho koo. Luna ni kutokomela, ha lu koni ku lumeleza kuli babañata ba yeme, mapolisa habana ku lu tuhelela kueza cwalo, mwa bona, mi kacwalo ki luna ba. Ni bata kuli mutatube sinulo ya ka kuama Peu ya Noha, kuli ibeiwe mwateni pili, Lusika lwa Keleke ya Efese yasweli ku ñola, wa ni lukiseza hande sikuwa sa yona. I ezizwe hande! Mi Ni bata kuli mu tatube sani mi yomunwi abulele taba yeñwi ka Peu ya Noha cwale (kamba i lukile, kamba nee)! Kacwalo Mulena na ni file fela yona maabani, mwabona. Oh, i fitelezi foo! Mo Ni kona kungela liñusa, Ni ka itamaela mi Sesiñwi sa ni potela. Mi . . . Mi Ni ziba kuli ki Mulimu, Na liinga ni ku li batisisa mwa Mañolo. Mi Ni ba ni . . . Ha li si ka palelwa fateni, kono, kuzwa mwa Genese kuya mwa Sinulo, limata hande mwa niti, hakuna taba ka se ba nahana batu ka Sona. Mi li bile hahulu kuzwa sapili ka nako ya Maswayo Asupile ani. Mwabona, sani si konahalile ka nako yani. Kacwalo Mulena ami fuyole cwale halunze lu bala. Cwale ka likute kwa Linzwi . . .

<sup>50</sup> Mi Ni lumela kuli yomuñwi, muongaongi, kamba ki ku mañi kaufela ko li yendamena, ku utwahala kuli manzwi aswelí kukuta kwanu fa silimba. Cwale kana mwa utwa hande kwa mulaho kafoo, ku lukile? Mu nanule mazoho a mina haiba mukona. Kihande!

<sup>51</sup> Cwale ha lu apuleñi mwa Bibele, mwa libaka zepeli mwa Mañolo, mi Ni ka lika kunga liñusa ni ku zwa ka nako, haiba nji Mulena wa lata. Mi cwale ha lu apuleni mwa Mareka, kauhanyo ya 5, ni mwa Malena Bapili, kauhanyo ya 10; Mareka, kauhanyo ya 5; Malena Bapili, kauhanyo ya 10.

<sup>52</sup> Cwale, kono ku muenyi ya kona kuba mwahala muyaho wa luna, wo, lu beyanga Sikolo sa luna sa la Sunda mwa sikhata silisiñwi se situna. Mi seo kona sikolo se mo, kakuli libaka litezi batu kaufela zona mi ha lukoni ku ba ni likolo ze fapahana za kamita, mi lubale nyana mwa Linzwi, lube ni kopano hamoho. Ha lu ezi . . . Luna ha lu kopano ni hanyinyani. Haluna kopano ni yekana. Lu lukuluhile fela ku Mulena, mi ha lu talusi kuli lu fitelezi mwa tumelo. Lu luta fela Bibele, mi ki Yona fela inosi. Mi Mulena ki yomunde hahulu ku luna, kufitela A li yemela ni ku bonisa kuli ki yona niti. Mi Li lufa tiisezo yetuna.

<sup>53</sup> Mi cwale mu—mu amuhezwi kuba mwahala luna ka nako kaufela. Cwale, Na hani bangi mo ka nako kaufela, kono luna ni balisana babande kwanu; Muzwale Neville, alimuñwi wa balisana ba luna; Muzwale Capps, alimuñwi wa balisana ba luna; ni Muzwale—ni Muzwale Collins, Willard Collins, yomuñwi, wa balisana ba luna. Mi hape luna ni babashutana kuzwa mwa libaka ze shutana, likeleke za luna ze luswalisana ni zona. Haiba muteni mwa—mwa Texas, mizwale ba ha Martin kwanu, ni

Muzwale . . . Ki muzwale ufi yani ya tahanga ni wena kwanu? Hani boni Muzwale Blair kakusasana cwana. Oh, Muzwale Blair, Hani si ka ku bona, Muzwale Blair. Muzwale Ruddell, ona kwa mulaho kwanu, iliñwi ya likeleke kwa 62, iliñwi ya likeleke ze lu tusana ni yona kwanu. Muzwale Junior Jackson, ya inzi mo bukaufi ni Muzwale Blair, Na mu bona cwale, yeñwi ya likeleke za luna ze lu swalisana ni zona. Mi luna ni likeleke mwahala naha kai ni kai.

<sup>54</sup> Muzwale Jack Palmer, mwa musipili wa hae, Ni sepa kuli ne ba matisa mota nyana, ka mota ye nca ya mushimani wa hae, ya ye cwalo, mwa bona, neli kufitelela nyana kwa mu matisezo wa mota, mi baba ni kozi fa mukwakwa. U ikolofalize kwa mutahali wa hae, mi na palezwi kutaha, na kutile kwa ndu. Kacwalo usweli ku zuha hande. Mi ne luna ni . . . Muzwale Ben, kwanu, yomuñwi wa banabahesu kwani mwa Kentucky mo, na mu bizize kakusasana wo kubona haiba ne ba tokwa mashelleñi kamba sika kaufela se ne ika ba tusa keleke ka sona, na bulezi kuli lika kaufela ne lili hande. Mi na lomona fa manganandila ka lubilo lo lutuna, ni ku nata fa fasi, mi ya pyata mutahali wa hae kamba nto yeñwi. Mi ba liza kuzwa kwani, ha na fetuzi mota ya hae kuya neku leliñwi kamba taba yecwalo, mi—mi abizwa kuli a lapelelwé.

<sup>55</sup> Muzwale Billy Collins hape, lwa ziba, na lubile munwana wa hae omutuna wa kwa lizoho ha butuku luli, alobeha lisapo la ona, Ni utwa cwalo, mi nebana ni ku u comeka. Kacwalo lu bata ku mu hupula mwa tapelo.

<sup>56</sup> Mi cwale libaka le lu yemelanga. Ha lu fa likute la ku ipeya, kwa lindembela ha li fufiswa, kamba sika kaufela, lwa yemanga lwali ku omelela, kamba ku fa likute ka lizoho, kamba kuyema, mwendi mbwesha, ku bonisa likute kwa na ha ya hesu, ili ze lu swanelia kueza, ni kwa ndembela ya luna. Mi cwale ku cwani he ku Mulena a luna, ha lu bala Linzwi la Hae? Ha lu yemeñi cwale ha nze lu bala ku Muñoli Mareka 5, ni kukalela ka timana ya 21. Mulemuhe cwale ka tokomelo hanze lu bala.

*Mi Jesu a si no silela mwa buse ka sisepe, buñata bwa kubukana ku yena: mi nainzi fa likamba . . . la liwate.*

*Cwale, a mubone, kwa taha nduna yomuñwi wa sinagoge, wa libizo la Jairusi; a si no mu bona, awela mwa mautu a hae,*

*Mi a mu lapela ka tata, ali, mwana ka wa musizana ufa kaufi ni kushwa: Na ku lapela, taha u mubeya lizoho—mazoho fahalimu, kuli afole; mi . . . a pile.*

*. . . Jesu aya ni yena; mi nyangela ya mu latelela, mane ya mu pitihanyeza.*

*Cwalehe nekuna ni musali, ya na kula mwneya seli myaha ye lishumi ka yemibeli,*

*...na nyandile hahulu ha na nza alafiwa ki liñaka zeñata, mi na sinyize cwalo liliwo la hae kaufela, asa boni tuso ni hanyinyani, mane butuku bwa hae ne buekezehile,*

*Mi kakuli na utwile za Jesu, aikenya mwahala buñata mwa mulaho, mi aswala fa siapalo sa hae.*

*Kakuli na li, Kabe Ni ka swala fa kubo ya hae fela, kabe Na fola.*

*Isali ka nako yeo mweya wa hae wa yema; mi autwa mwa mubili wa hae kuli u folile kwa butuku bwa hae.*

*Honafo Jesu, ka kuziba kuli mata azwile ku yena, aitemuna mwahala...buñata, mi ali, Kimañi ya sweli fa liapalo za ka?*

*Mi balutiwa ba hae ba mu bulelala bali, Unzo bona buñata bo bu ku pitihanyeza, wa buza u li... Ya ni sweli ki mañi?*

*Kono yena a zamaisa batu ka meto abone ya ezize cwalo kuli ki mañi.*

*Kono musali ka kusaba ni ku njanja, ka kuziba sene siezahalile ku yena, ataha ku to ikwiseza fapila hae, ni kumubulelala niti kaufela.*

*Mi amubulelala kuli, Mwana ka, tumelo ya hao iku pilisize; zamaya ka kozo, mi ufolelele luli kwa butuku bwa hao.*

*Na sa bulela zeo, kwa taha batu babazwa kwa ndu ya nduna wa sinagoge ba mu bulelala kuli, Mwana hao u tokwahalile: kiñi so kataleza Mulena hape?*

*Kono Jesu a si no utwa manzwi ana bulezwi ao, ali ku nduna wa sinagoge, Si sa bi u lumele fela.*

*Ki ha hanisa batu ku mu latelela, konji Pitrosi,... Jakobo,...ni Joani munyana Jakobo.*

*Mi ki ha taha, hafitile mwa ndu ya nduna ya sinagoge, a utwa lilata lelituna, mi batu...mi ne balila ni ku silisa ka tata.*

*Mi ha sa keni, ali ku bona, Kiñi se mu ezeza lilata le kaufela, ni kulila? mwanana ha si ka shwa, kono u lobezi.*

*Mi bona ba mu seha. Kono yena a si no zwisa batu kaufela, anga ndatahe ni mahe, bo mahe mwana (nitaluse), mi babane bali ni yena, mi akena mwa na lobezi mwanana.*

*Mi ki Ha li ku mwanana, mi A... (muni swalele)... anga mwanana falizoho mi ali ku yena, Talitha kumi; kikuli, ha kutaluswa, Mwanana, Ni li ku wena, zuha.*

*Mi mwanana a zuha kapili, a zamaya; kakuli na li . . . kakuli nesili wa myaha ya lishumi ka yemibeli. Mi ba komoka hahulu luli.*

*Mi a ba laela katata kuli ku si ke kwa ba mutu ya utwa taba yeo; ki Ha li mwanana afiwe lico.*

<sup>57</sup> Mwa Buka ya Malena Bapili, kauhanyo ya 10, lubala litimana zetalu.

*Mi mulena wa musali wa kwa Sheba a utwa kabubo ka Solomoni kaka tahile ka libizo la MULENA, a to mu lika ka lipuzo ze tata malipa.*

*A fita mwa Jerusalema ni batu babañata hahulu, ni likamele ze lwezi minunkiso, . . . ni gauda yeñata hahulu, ni macwe a butokwa: mi a fita ku Solomoni, ki . . . ha mu bulelela linto kamukana za hupuzi mwa pilu ya hae.*

*Mi Solomoni amu—amu bulelela lipuzo za hae kaufela: kwa tokwa ni taba iliñwi ya palelwa mulena, ya na si ka mu taluseza.*

<sup>58</sup> Halu lapeleñi.

Mulena Jesu, ha nze lu bala makande a Bibele aa, lipilu za luna za tula ka tabo. Kakuli lu ziba kuli Wena u Mulimu, mi ha U cinci. Ha U cinci mikwa ya Hao, ha U cinci linzila za Hao, Usiala uli Mulimu kamita. Mi lwa lapela, Mulimu, kuli Uka fa toloko ku luna kakusasana cwana, ya Mañolo a O bata kuli lu a zibe, kuli pilu za luna li lemuhiwe, yena Moya o Kenile o mutuna atahe mwahala luna kacenu ni ku lemuha milelo ni lipilu za luna. Mi kutokwe se si ka siyala, kuli lipilu za luna li si ke za . . . libe ni tabo hahulu ha lu ka zwa mo kuli mane lu bulele sina bani bene bazwa kwa Emausi busihu bwani kuli, “Kikuli lipilu za luna ne li sa cisi mwahali ku luna ha Na sweli kubulela ku luna mwa nzila?” Wena kamita usiala uli Mulimu, mi luna lu bana ba Hao baba lapile baba kopani kakusasana cwana. Kakuli, ku ñozwi kuli, “Mutu uka pila ka Linzwi kaufela le li zwelela mwa mulomo wa Mulimu.” Lu fuyole mwa ku kopana kwa luna hamoho ni sicaba se kaufela, Mulena, baba zwile kwa butelele bwa myanda ni, eehe, limaili ze likiti. Lwa lapela, kuli ha banze ba ya kwa mandu, lipilu za bona li ka kuliswa ka lika zende za sishemo ni muhau wa Mulimu. Kakuli lwa li kupa ka Libizo la Jesu. Amen.

<sup>59</sup> Ki palo ye ipitezi luli, manzwi amalalu ao Ni bata kubulela ku ona mwahala palo ye kaufela. Mwa kona kubulela kuli, “Ki taba ye nyinyani luli, manzwi amalalu fela kuzwa palo tyuna yo balile yani, siemba sa likauhanyo zepeli za Bibele.” Kono Ni—Ni ezize sani kuli kube ni makalelo kuli kube ni manzwi amalalu ao: *Kubonahalisa Linzwi La Hae.*

<sup>60</sup> Mwa ziba, kuna ni Liñolo mwa Bibebe, mwa Matesalonika Bapili 5:21, ko ku ñozwi kuli, “Mu like lika kaufela; mu kumalele zende.” Liki kaufela ha se li likilwe, lika bonahaliswa kuli li “lukile” kamba “lifosahalile.” Mi ha kuna ni sika kaufela se si ka buziwa, si lukela ku alungutwa kufitela si ba se si lukile. Mi cwale ha se mu fumani se si lukile, I bulezi kuli, “Mu kumalele.” Ka manzwi amañwi, “Mu si kumalele, musike mwa si tuhela si kuli si bolomoke. Mu si swale katata!” Ka manzwi amañwi, “Mu si swale katata, kuli si si ke sa telela.” Mu kumalele ku se sinde, kasamulaho simano fumaniwa kuli si “lukile.” Mi sika kaufela se si bonahalile kuli “ha si si ka luka,” konakuli mu si tuhele kapili mo mu konela, muzwe ku sona. Musike mwa swalelela ku ze fosahalile.

<sup>61</sup> Cwale, kwa konahala kuli Bakreste baba sepilwe luli, batu babande, ba swalanga, fokuñwi ba swalelelanga kwa lika ze fosahalile, ka kunahana kuli kona ze lukile. Kono cwale lika ze li lukela ku likiwa, kamba ki ze “lukile” kamba “lifosahalile.” Mi ki musebezi wa luna kaufela, hanze lu kulubela ku ya kwa Lihalimu Jesu ha taha. Mi ki musebezi wa mukutazi, fo haiba kuna ni puzo ye tahile, kuli a talimane ni yona hande, mi ni ku bonahalisa kwa sicaba, kuli bakone ku utwisisa, kakuli hakuna ya tabela ku fumanwa kuba ya “fosize,” kono inza swalelezi ku ze fosahalile.

<sup>62</sup> Kacwalo luna ni Liñolo (mi Jesu naize, “Mañolo kamukana a swanelo ku talelezwa”) la kuli lu nyake lika kaufela. Mi kasamulaho, “mu kumalele katata,” kamba, “muswale ka tata, mu humalele inge kañoto ka lifu. Mi musike mwa li tuhela ku ikela, mu kumalele ku swalelela ku zende.”

<sup>63</sup> Ni hupula mwa sikolo, Ne ni itutile nto yeñwi, mi buñata bwa mina mu itutile tuto yeswana. Ha mu sebelize palo, mu i fumanezi kalabo, mwa kona kunga kalabo ni ku batísisa puzo ka yona. Ki babakai babakile ba eza cwalo? Kaufela mina, ku cwalo. Mi—mi fo hamu lukeli kubilaela kuli kalabo ya mina i lukile kamba batili, kalabo ya palo ipakilwe ka puzo ya palo. Kabakaleo, mwa ziba kuli mu fumani kalabo ye lukile. Haiba yeñwi ni yeñwi ya mina fa limati kamba fa pampili i pakilwe hande, palo i pakilwe ka . . . kalabo i pakilwe ka palo ya yona, konakuli mu i kumbile. Hakuna ya kona ku bulela kuli i fosahalile, mu lukela kuba ni . . . Mi haiba mueza musebezi wa mina ka bukwala ni ka swanelo, ni mo ku lukela ku ezezwa, mi kalabo ya mina i pakilwe kuli i kumbahalile, mwa kona ku itulela ku i pumulela munze muna ni sepo ya kuli mu ka pasa ka taku ya A mwa tatubo yeo, fa siemba sa pampili sani se mu ka apula, kakuli se i bonahalisizwe, kupakiwa ka puzo ya palo.

<sup>64</sup> Cwale, kuna ni nguli ya kale hape ye bulela kuli, “Ni bonise, mi Ni ka lumela.” Cwale, bana ni iliñwi ya litolopo za luna, iliñwi ya litolopo za luna mwa naha ya luna, bana ni pulelo yetwi, “Ni zwa kwa Missouri, ni bonise.” Mwabona, ka manzwi amañwi

kikuli, “Ni bonise, Ni zwa kwa Missouri.” Kono ye haibeleki kamita, kakuli Mulimu una ni, mwa lusika lufi kaufela, u pakile ni ku taleleza musebezi Wa tomile mwa lusika lwateni, ni ku ubulela mwa Linzwi la Hae. Mi nako kaufela yeo Linzwi la Mulimu li bonahalisizwe mwa lusika, buñata bu bile ba Li hana. Kacwalo, “Ni bonise, mi Ni ka lumela,” ha ku cwalo. Mukona fela kuba ni tumelo haibile Mulimu wa mifa tumelo. Tumelo ki mpo ya Mulimu. Hakuna taba ka mo mukabela ba bulapeli cwani, kono si lukela kulwala yona . . . mu swanelia kuba ni tumelo. Mi tumelo ya mina ikona fela kuina, haiba mu Bakreste, kuitingeta fa Linzwi la Mulimu.

<sup>65</sup> Cwale, muhupule, Mulimu na tomile Linzwi la Hae kwa lusika lufi ni lufi kaufela, mi azibiseza cimo ze ne ka ezahala mwa lusika lwa kuli lona lwa Na bulezi ka lona. Cwale, kambe Mushe na ka taha ni liñusa la Nuwe, ne li si ke la beleka. Kambe Jesu na ka taha ni liñusa la Mushe, ne li si ke la beleka. Kamba mupolofita yomuñwi atahne ni liñusa la mupolofita usili, ne li si ke la beleka. Kono kuya ka bapolofita ba Hae, U patuluzi mutalelela kaufela wa Hae ni mulelo wa Hae. Kabakaleo Bibele haikoni ku ekezwa linzwi ku Yona kamba kuzusa kwatensi Linzwi ku Yona.

<sup>66</sup> Konakuli haiba mu fumana kalabo ya palo ya mina ka . . . kalabo ya mina ka puzo ya palo ya mina, konakuli kiñi ha mu si ke mwa itusisa yona—yona kalabo yakuli se luutwa cwale Linzwi la lusika lo? Haiba Bibele i bulela kuli taba yeñwi ika ezahala mwa lusika lo, ki mwa Bibele mi si ka ezahala. Mi cwale haiba kalabo ya mina ki kuli mulika ku bulelela batu, haiba i pakilwe ki Buka, konakuli ki niti, ki niti. Kusicwalo, ha ki niti.

<sup>67</sup> Cwale lwa bonana yomuñwi ni yomuñwi, konakuli cwale, hakuna mukwa, mu ba utwile ha ba bulela kuli, “Kubona ki kulumela.” Yani ki nguli yeñwi ya kale ye lunani kwanu, kono yani ha i sa beleka. Ha i beleki, kakuli mutu wa kona kuina ni kutalima hande fa sika kaufela se ba si ke kubona. Linzwi la kuli “kubona,” linzwi la Sikuwa leo “kubona” lina ni litaluso zeshutana ku lona. *Nuka* ikona ku talusa “sibaka fo kuinelezi mezi.” Mi *kubona* ikona ku talusa “ku utwisisa.” *Kubona* ikona ku talusa “ku talima fa sika.” Mi, oh, kuna ni fela mifuta kaufela ya manzwi e mukona ku itusisa. Kono ha mu ka bulela kuli, “kubona ki kulumela,” mu fosize.

<sup>68</sup> Ha mu *utwisisa*, mwa ka lumela. Jesu na bulezi kuli, “Kwanda kuli mutu a pepwe sincea, hakoni *kubona* Mubuso,” mwa manzwi asili, “ku *utwisisa* Mubuso,” kakuli Mubuso ki Moya o Kenile ku mina. Kacwalo muna ni ku utwisisa se sili ku mina. Mi nzila inosi fela ye mu ka utwisisa ka yona, ki kubapisa se mueza ka se ibulezi Bibele kuli mu ka eza. Fo he kipeto butata bwa mina bu felile, mwabona. Mi, he, Yena ki yena Moya o Kenile wani.

<sup>69</sup> Kacwalo, kubona ha ki kulumela. Na kona ku bonisa seo ka maikuto a mubili, mubone, kuli kubona ha kona kulumela. Hani koni kubona botela ye ya oli. Hani koni ku ibona kakuli iinzi kwa mulaho wa ka, kono Ni na ni maikuto a—a kuswala ani bulelela kuli Ni isweli mwa lizoho la ka. Mwabona? Cwale, Hani koni kuibona, ha ku konahali. Mi cwale Hani koni ku iswala, ha ku konahali, mi ibo Na lumela cwalo. *Se*, kubona ki kulumela; *se*, kuutwa ka kuswala ki kulumela. Cwale Ni kwala meto aka, Ne ni sike na ibona kamba ku iutwa ka kuswala, kono Hane ni ka fita fakaufi ni ku inunkelela, Ni sa lumela kuli iteni fani. Kacwalo, “Tumelo ki kusepa ka kutiya ze libelezwi, ki paki,” ya ze sa bonwi, ze sa lwaziwi, ze sa swaliwi, ze sa nunkelelwi, kamba ku utwahala. Mwa lumela! Mi tumelo i lukela kuba ni sibaka fo i yendamena. Mi sika kaufela se si shutana kwa Linzwi la Mulimu, tumelo ku Mulimu haikoni kuba ni sibaka sa ku yendamena ku sona kwanda kuli ki sepiso ya Mulimu. Mi fani kona fo i ba ni mayemo ayona a Kuyakuile.

<sup>70</sup> Kono fapila ze kaufela ze sa bonaha-...linako za ku kakanya ni lika zeñwi ze se lufitile ku zona ni kupila kacenu, ze maswe ka kufitisisa ku zona, fapila ku kakanya kwa kaufela, Mulimu uwzelapili cwalo inza bonahalisa Manzwi a Hae kuba a niti, sina Mwa bile aezezanga mwa lusika lufi kaufela. Una... Ku salumela ha ku paleliwi Mulimu, ha ku Mu tibeli. Hanina taba kamba lifasi li palelwa cwani ku lumulela, Si ka ba ni ku ezahala. Ku salumela hakuezi sika kono ku nyaza fela ya sa lumeli. Kusa lumela ku ka luma ya sa lumeli kwa Lihele. Ku ka mu uzweza mbuyoti kaufela ya Mulimu ye sepisizwe ku yena, kono ha ku tibeli Mulimu kuli asike a zwelapili ni mulumeli. Mwabona, kusa lumela ha ku hanisi Mulimu, ku paleliswa fela ya sa lumeli.

<sup>71</sup> Mu li, “Ni...Lizazi halina ku benya kamuso, Ni ka li yemisa.” Mu like cwalo. Mwabona? Ku lukile, hamukoni kueza cwalo. Mulimu u li beile mwa mukoloko ni kubulela kuli li ka benya, mi li ka benya, ku felile, Na bulezi kuli ne li ka benya. Kwa kona kuba malu nyana mwatasasa lona, kono li sa monyeha fela ka kuswana. Mi ha mukoni ku tuhelisa Mulimu ka sani. Yena, sa na... .

<sup>72</sup> Kana U eza cwani Linzwi la Hae ku zibahala kwa sicaba? Pili, Mulimu ka kuziba kuli ne ku kaba baba sa lumeli... Cwale ha mu talime butali bwa Mulimu; ka kuziba kuli ne ku kaba baba sa lumeli, ni kuli buñata mane ba kaba baba sa lumeli. Yena, ka kuziba kwa makalelo, a lukiseleza cimo peu ya lusika lufi kaufela, yene ka Li lumela. Cwale haiba mu ka lemuha mwahali mwani, kakuli, lusika lufi ni lufi lu zamaelela hande ni Linzwi la Hae, lika kaufela liya ka nako, hakuna se si tibela Mulimu. U zamaya ona cwalo ka ku zwelapili, mi muzamaao kaufela u zamaya fela hande ka kuluka. Lwa nahananga, fokuñwi, kuli ha sina ku beleka hande. Kono musike mwa bilaela, waci ya Hae

itamehile fela hande kwa makauhanelo ayona hande, mi lika kaufela li beleka fela hande ka swanelo.

<sup>73</sup> Ha Ni talimanga kwa ni kwa fokuñwi ni kubona ba Ricky ba ni ma Ricketta be luna ni kacenu, mi ni fa mikwakwa, ni lika kaufela mo li zamaela, Na sepa, "O Mulimu!"

<sup>74</sup> "Mulibelele fa muzuzu," U bulela kuli, mwabona, "Nako yaka isweli kuzamaya fela ka swanelo. Nina ni ku mi beya ka mayemo a swana one Ni ezize ku mutu wa makalelo, mazazi ani. Mi Ni ku beile fa mayemo aswana a Luther, mi ni fa mayemo aswana a Wesley." Kakuli, mwa bona, sibi ne si sa zibwi ka mazazi ani inge mo si zibelwa cwale. Cwale ha lu se lu bile ni zibo yeñata hahulu cwale kufita mo ne lu bezi ka nako yani, mi ni sila ha si taha sina muunda, Moya wa Mulimu u nanula siyemo ku ulwanisa. Mwabona? Mi cwale kacenu, luna ni zibo yeñata, kutwisiso yeñata, kuli linuka za ku sa lumela lisweli kukena mwateni katata luli, kono Mulimu unanulanga siyemo ili ku lwanisa sani. Kono, muhupule, Yena kamita... Libaka leo Yena—Yena na tomile lika ze ku ezahala. Na ba bulelezi kale ka bapolofita ba Hae kuli ne li ka ezahala. Mi cwale baba lukile haba bona lika ze ku pakiwa, kipeto ba ziba kuli Li lukile. Hakuna taba ka sa bulela mutu usili kaufela, ba ziba kuli Li lukile.

<sup>75</sup> Lu fumana mwani mwa—mwa—mwa, Na lumela, ki mwa Matesalonika Bapili, Na ize, "U lu lemuhile kale ni ku lu añula kuba bana ba Hae ka Jesu Kreste." Mulimu, isi ku bulela kuli, "Ni ka mi keta, mi ha mi keti," kono temuho ya Hae ya kale ne izibile sene mu ka eza. Kacwalo ka temuho ya kale Na tomile kale lika ka swanelo, mi U ezize lika kaufela kuli libeleke hande kwa bunde bwa Hae, mi ni kwa bunde bwa mina.

<sup>76</sup> Mwa Genese, Mulimu na bulelezi Adama ni Eva sene si ka ezahala hane ba ka palelwa kulumela Linzwi la Hae. Cwale, Na beile bunde ni bumaswe fapila bona, mi A bulela kuli, "Lizazi le mu ka ca kwateni, lona lizazi leo mu ka shwa." Mi Mulimu na talusa ona cwalo fela ka mwa Na bulelezi. Yena wa ezanga cwalo kamita, U talusanga Sa bulela.

<sup>77</sup> Satani na mu isize kwa ku sa Li lumela, kakuli Satani yena kasibili na si ka Li lumela. Ha Li lumeli, ki ha mu isa kwa ku li lumela. Mi u sa eza taba yeswana, ni kuluta babañwi ze swana, mi ba tokwa ku Li lumela sina mwa na ezelize yena. Mulimu na baakanyise batu ba Hae kuba mwa mulaho wa Linzwi la Hae, yani kona silelezo ya mina fela. Isiñi kopano ya mina, isiñi ndate kamba maho, ku lukile, kono ki mwa mulaho wa Linzwi la Mulimu. Sani kona sibaka ili moo mulumeli aba ya silelelizwe, mwa mulaho wa Linzwi. Siemba nyana sani hane si lobilwe kwani, ni ku "kakanya kana Ki niti kamba kutokwa? Ne li sike la ba cwalo," ku nahaniseza kwa kena mwateni ni kutonga sibaka sa tumelo, ne ba lobile lisipi. Mi Mulimu abuluka Linzwi la Hae,

Na Li petahalize. Satani alika ku eza kuli musali atokwe ku lumela . . . kupalelwa ku Li lumela.

<sup>78</sup> Kamba, ku nahanelia, musike mwa nahaniseza lika ka Zona! Mu—mu ka li, “Kihande, Na lumela . . .” Hamuna tukelo. Mi Mulimu ha bulela sika, fela—fela ka mwa Na bulelezi, yani kona taba ya kueza. Mu li, “Kihande, Ni sepa kuli . . .” Kono hamuna muhupulo wa kutaha. Mutuhele muhupulo wo no li ku Kreste ube ni ku mina. Mi Kreste ki Linzwi! Mutuhele Linzwi li be ku mina. Manzwi asili kaufela abe a fosahalile, Manzwi a Kreste ki a niti! Babañwi ba mu lumela ni milelo ya hae kaufela, sina mwa na ezelize musali, ku nahaniseza, “Kihande, ki kabakalañi Mulimu ha na ka eza se? Cwale, kana se ha ki sesinde inge Sani?” Haiba sa shutana kwa Linzwi, ha ki cwalo! Kacwalo, sika kaufela, muluti kaufela, mubali kaufela wa Bibele, sika kaufela ne si ka mi luta kamba kulika ku eza kuli mulumele sika kaufela se si nyinyani se si shutana ni se i bulela Bibele, ki tuto ya buhata. Ki Satani, hape, inge fela mo ne kuinezi ku Eva. Mulimu wa zwelapili cwalo, hakuna taba ka sa eza, sa eza Satani, Mulimu u zwelapili ku Si paka kuba cwalo.

<sup>79</sup> Cwale mutualime sa na bulezi ku Eva, “Kaniti ha mu na kushwa. Mu kaba ni butali.” Sani kona se li bata lifasi kacenu, ze pakiwa ki sayansi, zibo yeñwi ya mutu. Mi a bulela kuli, “Kaniti hamuna ku shwa.”

<sup>80</sup> Kono Mulimu na bulezi kuli, “mu ka shwa,” mi Mulimu na bonahalize ona cwalo. Mi lwa kona ku bona cwalo, Na talusa sa Na bulezi. Mu zamaye mwa mabita mo kwanu, mu ka ziba kana Na talusa ona cwalo kamba nee. “Zazi le mu ka ca kwateni, lona lizazi leo mu ka shwa.” Mi ha mu ka zamaya kwanu ku yo bona mutu kaufela ye mu bata ku tatuba, wa myaha ifi kaufela, ne kusina mutu yakile apila myaha ye wani sauzaende. Mulimu na pakile Linzwi la Hae ona cwalo, Úkana a ezanga cwalo nako ka kaufela.

<sup>81</sup> Kono, muhupule, U bulukanga lisepiso za Hae kaufela inge Mwa a bulukelanga likuto za Hae. Kakuli ne ba ca ku zona, zazi lani ba shwa; mi Wa li paka ku mina, kuli ba shwa ka lona lizazi lene ba cile. Hape Wa buluka Linzwi kaufela la Na bulezi ka sepiso ya Hae. Sepiso kaufela, Mulimu wa bulukanga! Oh, Na lata sani. Mu lukela kuketa ye mu bata: limbuyoti za Hae, ka ku lumela; kamba likuto za Hae, ka ku Li lyanganisa. Haiba mu Li lyanganisa ni ku lumela siemba se si lyanganis sa Lona, konakuli mu kutilwe. Haiba mu Li lumela kuya ka mwa Na Li ñolezi, ni ku swalelele ku Lona, fohe mu fuyozwi. Mi kamita Za shutana ni sayansi, kamita la shutana ni—ni ka nzila ya sicaba sa ba sayansi mwa ku boniseza lika. Kakuli Ubuluka Linzwi kaufela, sibeli sa limbuyoti za Hae ni likuto za Hae.

<sup>82</sup> Mi baana ni basali hane ba ezize sibi hahulu mwa nako ya muunda o mutuna wa lifasi, nana ni . . . ku shutana ka Linzwi

la Hae la niti, Adama ni Eva ba eza sibi ku shutana ni Linzwi la Hae la niti. Kono, mi masika kaufela ana tatami akala kueza nto yeswana, A zibahalisa lifu ku bona, mi mafelelezo la to fita kwa mafelelezo, ku yundisa kwa mafelelezo mwa lika kaufela fa lifasi, ne li kwahezwi ka mezi, ku litapisa kaufela lona ka mezi.

<sup>83</sup> Cwale, yena Mulimu ya swana yana tisize sinyeho yetuna kwa sika kaufela mwa lifasi, simela kaufela, sibupiwa kaufela kwanda ba Na siile ni ku ba lwala fahalimwa lifasi, sika kaufela sa Na sepisize kuli Uka si eza, ki Sa ezize. Mi yena Mulimu ya swana yana sepisize mezi, ni kubuluka Linzwi la Hae, ki Mulimu yaswana ya sepisize mulilo, mi Uka buluka Linzwi la Hae. Uka buluka Linzwi la Hae.

<sup>84</sup> Cwale, cwale ki sikamañi sa Na ezize? Ne ba zibile cwani Linzwi la Hae? Kakuli mukwa wa Hae kaufela wa kueza lika, ka ku iponahalisa Iliyena A sika tisa kale sinyeho kaufela, kamba kutisa katulo ifi kaufela, Yena ulumalanga Linzwi kwa sicaba, mi kamita wa lemusanga batu. Oh, Na lata sani! Konakuli lwa kona kubona hande fo lu inzi.

<sup>85</sup> Neku nani mifuta kaufela ya bakutazi ni tutengo mwa mazazi a Nuwe, mi neku nani mifuta kaufela ya bulapeli mwa lizazi la Nuwe, kakuli Jesu naize kuli, "Sina mo ne kuinezi mwa mazazi a Nuwe, kona mo ku ka bela ni ka kutaha kwa Mwana mutu." Kono ki ha kutaha, mupolofita, mi akala kueza sika, akala kuyaha areka. Mi Mulimu a luma mupolofita wa Hae, Nuwe, ka ku paka kuli Na lumile Linzwi la Hae, ni kuba bulelela kuli neku ka taha sinyeho yetuna, kuli Na sike kuyema mwa nzila ye—ye ne baeza batu ka yona, kuli Na ka sinya mutu Ya kile a bupa.

<sup>86</sup> Cwale, Linzwi la taha ku mupolofita, kamita, Yena foo ha cincangi. Malaki 3, iize, "Kina Mułimu, mi ha Ni cinci."

<sup>87</sup> Nuwe na lumilwe kwa lusika lwa ba sayansi, asina Liñusa la za sayansi. Nuwe na lumilwe kwa lusika lo luna ni ngana hahulu, ana ni Liñusa le li sina ngana ya butu. Na lumezwi kwa lusika lwa sayansi, fani hana nani Liñusa la tumelo ni sepiso kwa lusika lwa sayansi. Cwale mwa kona ku lumela kuli lusika lwa sayansi ne lu ka lumela Liñusa le li la sayansi? Lusika lwa baituti ba ngana hahulu, mi cwale kikuli ne mu ka lumela kuli nebakaba ni tumelo ku sesiñwi sene si bonahala kuba sa bukuba kwa munahano wa butu? Kono Mulimu kamita u ezanga ona ka nzila yani. Nuwe neli mupolofita yana pakilwe wa Mulena, mi nali yena Liñusa la Mulimu la hola yateni. Nana ni ku lumela cwalo, sicaba ne si na ni ku lumela Liñusa la hae kasamulaho amano pakiwa ki Mulena, kuli neli Linzwi la Mulimu, mi Mulimu na ka buluka Linzwi la Hae.

<sup>88</sup> Cwale ki taba ye swana kacenu. Lu kwa nako ya maungulo. Cwale, batu bani ne ba lukela kulemuha, mwabona. Cwale, mu lemuhe, Nuwe neli mufuta wa Majuda baba ka fita mwa

Nyandiso. Enoke neli mufuta wa—wa Liñusa la niti, la—la—la ku ungelwa kwa Keleke, kakuli Enoke na ngezwi mwa lihalimu mi kona kutaha muuna mwa mulaho. Mi sibeli sa bona... Mupolofita wa pili, Enoke, na ngilwe kuzwa mwa nzila kuli Nuwe azwelepili ni—ni ba hae... Mulimu kuli zwelepili ni Nuwe. Mi cwale Keleke ika ngiwa ili kuli Mulimu atalimane hape ni Majuda, Majuda baba siyezi, babaeza handeleti ni fote fo sauzande, sina ha lu se lu utwile ka teni mwa Mañolo mo.

<sup>89</sup> Kono fapila litaba za sayansi kaufela, lusika lo lu sa lumeli, Mulimu u pakile Linzwi la sepiso ya Hae kuba niti, ka kuba lumela muunda. Cwale, muhupule, mwa mazazi a Nuwe, ne isikabe inela fateni pula mwa lifasi. Mulimu na wisanga puka mwa lifasi kipeto ya selaele limela, kono ne isanelangi. Kono Nuwe naize, “Ika nela.” Cwale sani neli . . .

<sup>90</sup> Ne ba ngile sipangaliko ni ku poseza mwahalimu mwani, ni kubulela kuli, “Hakuna mukamo kulo kwani. Hakuna pula kwani. Lwakona ku bonisa kuli hakuna pula teni kwani.”

<sup>91</sup> Hakuna taba ka se ne ibulezi sayansi, Mulimu na bulezi kuli ikanelia, konakuli sani kona se si eza lika. Cwale, ki sikamañi sa na ezize Mulimu? Kuya ka zibo ya ka, fani babañwi hane ba nyanganyize lifasi ni ku li nepela kwabuse, mi se li yumbelwa kwa mulaho neku *le*, mufutumala wa lifasi wakena mwa kubata, wa tisa fela ona—ona mukamo. Mi lifasi ne li kwahezwi kaufela lona, pili, ni lihalimu kwa halimu kwani, mukamo wa mwa mbyumbyulu, wa taha fela hamoho mwa mufuta wa lilu ni ku lulafafasi, ani neli mafelelezo.

<sup>92</sup> Cwale lwa ziba kacenu, kuli kuna ni mulimu kwa halimu kwani, kakuli moyo o cisa afumaneha mwa mubu. Mi Bibebe ibulezi kuli, “Lihalimu ni lifasi li kafela ka lilata le lituna, mi lifasi li ka shengunuka ka kucisa kokutuna.” Konakuli lu ziba kuli liinzi kwa halimu kwani, konakuli ka kuswana fela sina mo ne kuinezi mwa mazazi a Nuwe.

<sup>93</sup> Mi cwale muhupule, Liñusa la nako ya Nuwe ne lili fela ka tumelo, mi ne li si ka pakiwa ka sayansi. Kono, kacenu, Liñusa li zamaya kuya la Linzwi la Mulimu, mi li pakilwe ka sayansi. Elia natile pili, kueza limakazo, isiñi kueza kutazo ifi kaufela; ki kuya fela kwa sibaka ni sibaka, kueza limakazo. Nako yetatama, ataha mwa mufuta wa Joani Mukolobezi, na sa tahi ka kueza limakazo, neli kukutaza fela. Mi ka nako ya bulalu ha taha, kuna ni limakazo hamoho cwalo ni kukutaza. Mwabona? Mwabona mo kuinezi nji? Mutualime Mañolo mwa zamaela ka ku zwelapili. Ne luka ina fela nako yeñata foo, kono haluna kueza cwalo, lu ka li siya, kakuli Ni sepa mu sweli mulelo.

<sup>94</sup> Na ezize mwa lusika lwani sina mwa Na ezelize mwa masika kaufela, mi sina mwa Ka ezeza, sina fela mwa Na sepiselize kuezeza. Mulimu usepisanga sika kaufela, mi kipeto Utaha ku to paka Linzwi la Hae kuba la niti. Kaufela baba lumela, kaufela

baba lumela Liñusa la lusika lwateni, ne ba taha ni ku to piliswa. Kona mo ku kabela mwa lusika lufi kaufela. Kaufela bene ba si ka lumela Liñusa ni mulumiwa, ne ba yundile.

<sup>95</sup> Mi kaufela baba lumela ka niti Linzwi la Mulimu kacenu, ba ka banduswa. Bao kaufela baba sa lumeli Linzwi la Mulimu, baka yunda hamoho ni lifasi, kakuli ki ba lifasi, mi lika kaufela zeli mwa lifasi li lukela kuyunda hamoho ni lifasi. Mi lika kaufela ze bulukilwe ku Mulimu, li lukela kuba ku Mulimu, mi halikoni ku sinyeha, “Ni ka bafa Bupilo Bobusafeli, ni kuba zusa ka lizazi la mafelelezo.” Cwale, ki susuezo yecwañi ku mulumeli kaufela, ka kuziba kuli, hamuli ku Kreste, fo kinto yeswana fela sina Mulimu ha buluka Linzwi la Hae ni ku yundisa lifasi, Wa buluka Linzwi la Hae ni kuzusa sicaba sa Hae ni kuba pilisa. Wa paka cwalo.

<sup>96</sup> U paka Linzwi la Hae la sepiso ku ba la niti ku Abrahama mwa lusika lwa hae. Mulemuhe, ne li si la sayansi, mwa lusika lwa Abrahama, kuli muuna wa myaha ye mwanda ya kupepwa, ni musali wa myaha ye nainte, kuli bao babe ni mbututu, ba fitelezi kale siyemo. Kono Abrahama na si ka li toloka. Na ile ku dokota, ni kuli, “Dokota, kana kwa konahala njii?”

<sup>97</sup> “Haku konahali!” Muye kwa sipatela mi mu yo lukisa bo mahe mutu kuli babe ni mbututu, kamba seo kaufela mo si kabela haiba mubata ku bapisa kwa lusika loo, neba ka mubiza kuli ulyangani, “U latehezwi ki ngana ya hae.”

<sup>98</sup> Kono Mulimu naize! Mi yena . . . Bibebe ibulezi cwana mwa Maroma, kauhanyo ya 4, kuli “Abrahama na si ka kakanya fa sepiso ya Mulimu, kuya ka kusa lumela, kono na tiile, inza fa tumbo ku Mulimu. Kakuli na itiisa inge u bona Yena Ya sa bonwi, mi ka kukolwa, a swalelela.” Aswala katata, kakuli na kolwa kuli Mulimu sana sejisize, Mulimu na ka kona ku si buluka! Mi luna lu swanelia kuba bana ba hae. Amen! Cwale Ni ikutwa bulapeli, mwabona, ha mu nahana fela ka zeo. Oh, Na si pakile, kasamulaho wa lilimo zani kaufela, A fetula Abrahama, ni Sarah kukturila kwa kuba musali, mi aba ni mbututu. Mi Abrahama ni Sarah bapila . . . Myaha ye mashumi amane ka aketalizoho kasamulaho, Sarah atokwahala, mi Abrahama anyala hape hasamulaho wa kuba ni myaha ye mwanda ni mashumi amane ka aketalizoho ya kupepwa, mi apepa bana ba bashimani baba sebene kwanda basizana ba hae. Mi, na fitelezi nako ya kupepa, na sa tuhezi kupepa, na—na nani peu, nekusina bupilo bone bu siyezi ku yena, bukaifi hape ni myaha yeñwi ye mwanda sani sisika ezahala kale. Amen! Kiñi? Na si ka talima fa mibili wa hae, na si ka talima bu muumba bwa mba ya Sarah. Na tokomezi fela sa na bulezi Mulimu, mi na ziba kuli Mulimu u ka paka sa Na bulezi. Amen! Mulimu u bonisanga Sa bulezi kuli Uka si eza. Mwahala ku sa tokwa za sayansi ni ze na ni sayansi, mi—mi mwahala lika kaufela, seo kaufela sili sona, Mulimu upaka

kuli ki Ya lukile, kamita u pakanga Linzwi la Hae. Yena u lukile, babañwi kaufela ba fosize.

<sup>99</sup> Hape Na Li bonahalize ku Lota, fani ha Na ize kuli, "Haiba ha uzwi mwa mulemeñi wo, Ni ka u cisa." Mi A bulelela Abrahama, haiba Na ka kona "ku fumana baana ba balishumi," U bandusize mulemeñi. Mi Na palelwa ku fumana baana ba balishumi bani, kacwalo A pakile Linzwi la Hae kuli ne li lukile.

<sup>100</sup> "Kikai ko ku zwelela mulilo? Hakuna nihaiba alimuñwi mwa mabala aa, ona kwanu kwa misima ya sileze ye." Kono Mulimu naize cwalo, mi Abrahama na zibile kuli ne si ka ezahala. Lota na zibile kuli Ne kuli ona cwalo, mi ki ha sabela kwa malundu.

<sup>101</sup> Na sepisize peu ya hae kuli ikaba bayambaeli mwa naha ya kusili, mi sicaba sitokwe ku ba utwisisa, mi ne ba ka zamaya, peu ya Abrahama, fa myaha ye mianda yemine mwahala batu bayambaeli, batu basili. Mi A taleleza Linzwi la Hae ona cwalo fela mwa Na bulelezi kuli Na ka eza. Peu ya Abrahama ne iyambaezi mwa Egepita fa myaha ye mianda yemine. Na sepisize, hape, kuli na ka ba lamulela ka lizoho leli mata. Ki lizoho le li tiile, Na ka lukulula sicaba kuzwa mwa butanga bwa Maegepita. Mi A buluka Linzwi la Hae. Mutualime sa Na ezize kwa bana bani mwa Egepita. Ne ku bonahala kuli inge butata bwa wa, ne bu wa, ni lika kaufela. Ne ku bonahala cwalo . . .

<sup>102</sup> Neli nto yetata ku Josefa kuli a isiwe kwa ku bulaiwa, ni Isaka ya shebile, kamba, Jakobo, ndata he (kamba, Isaka, yena ndata he, nitaluse, ku Jakobo, yani neli yena, Isaka neli yena kuku wa hae) Jakobo, ndata he, kuli alumele kuli mwana hae na bulailwe ki lifolofolo. Haki butata ni boo mo ne kuinezi ku Josefa yomunyinyani ka kuziba kuli mucaha ya shebile yani, ali kwahule ni sicaba sa habo, inza betekilwe ki bana bahabo yena, ku nepelwa mwa musima, inza libelela ku shwa, mali a ngu asasiwa kwa koti ya hae, kone ba bulaezi, ngu yani kuli ba ce, ba sasa mali fateni mi ba iisa ku bo ndata he, ni ka kuziba ze kaufela. Kono Josefa ahupula nto iliñwi, kuli lizoho la Mulena nelili fa halimwa hae. Na ziba kuli neli mulumeli. Hakuna taba kamba bana ba habo yena ne ba mu hana cwani, kamba ne kusina swalisano kamba sika sifi kaufela, Josefa na zibile kuli Mulimu na ka buluka Linzwi la Hae. Fani hana boni pono ya bona kaufela inge ba mu kubamela, na zibile kuli sani ne si ka to ezahala kakuli neli kuli KISONA SA BULELA MULENA. Amen. Hanina taba mo ne li bonahalela kuba zesina tuso, Josefa na zibile kuli neli niti. Hakuna taba musebezi mo ne ubezi tata, ni zana na ni kufita ku zona, na zibile kuli zazi leliñwi mañi ni mañi wa bona ba ka to kubama kwa mautu a hae. Na ka eza cwani zateni kanti ne ba mu toile? Kono na zibile kuli Mulimu na ka bonisa Linzwi la Hae kuba cwalo, ka nako kaufela.

<sup>103</sup> Kona mwa Ka ezeza ni kacenu! Mulimu uka bonisa Linzwi la Hae kuba cwalo, hakuna taba kamba sayansi ibulela sikamañi,

“Kuli hakukoni ku ezahala.” Kamba luka ituta cwani, mo lu kabela ni ngana hahulu, ka mo likeleke likenezi mwa—mwa sikwata sa sitwaelelo ni zeñwi cwalo, Mulimu uka zwelapili kubonisa Linzwi la Hae kuba ka “kuluka.” Muinele hande mwa Linzwi lani.

<sup>104</sup> Eehe, Josefa na fitile ku zeñata hahulu, kono, kuli aye kwa Egepita, kono Mulimu amu lamulela sina mwa Na bulelezi; ki mufuta womunde wa kacenu, kambe ne lukaba ni nako ya kukena ku zona. Ni lumela kuli luna ni, kale, kwanu kwa tabernakele, lukeni kale ku zona. Kono Mulimu a buluka Linzwi la Hae, kakuli, neba pilile ona kwani. Nekuli tata kwa bana ba Siheberu kwani mwa Egepita mwa butanga, bene ba se ba fuyozwi ni kufiwa muselo wa naha, ili sibaka sesinde luli, sa Gosheni, ku to ipumana kuli neba li batanga; ni bahame bani bene ba ka fiwa mwa mazoho a musole wa Egepita, muselo wa limba za bona, mbututu wa bona yomunyinyani, ni ku mubona inza yemi fani, anga tipa yetuna ha mu pazula ni ku mu natafafasi, ni ku mu fepa kwa lihahabe za mwa nuka. Cwale, neli nto yetata ku bona, kuli bafite mwa lika zani.

<sup>105</sup> Kono zazi leliñwi peu ye lemuhilwe ya to pepwa, mwana ya nali mwana wa niti. Ne kuna ni sesiñwi ka yena se ne si bonahala bunca. Kwani kwa mulaho wa lihalaupa, zazi leliñwi, Moya o Kenile wa taha mwa mufuta wa Siita sa Mulilo ni ku to lula mwa sicacani, mi sali, “Ni utwile sitongo sa sicaba sa Ka, mi Ni hupuzi sepiso ya Ka. Mi nako ya kuliululwa isutelezi, mi Na ku luma kwani ku yo eza cwalo.” Ni kota mwa lizoho la hae, musala hae inge ainzi fa mule, mbututu ali kuina fa silipi, aeza cwalo ka mata a Mulimu ya Mata kaufela. Taba ye bukuba luli, ki sikamañi sene—sene si ka tusa ka kuba ni kota ye sikami sikami kwa miyawo ye teni sauzande? Kono, mwa bona, Mulimu uteni ku zona. Kuitingile ko kuna ni Linzwi la Hae. Mushe nana ni Linzwi la Hae, Faro nana ni miwayo. Mushe nana ni Linzwi.

<sup>106</sup> Kona fela za na tokwa, neli Linzwi. Kona fela ze mutokwa kacenu. Ha ki pampili yeñwi ye mipaka kuzwa kwa keleke yeñwi. Hamutokwi kopano kuli i mi pakele. Mu tokwa Linzwi, kuli mu ye mwa Kuungelwa ka Yona. Hamutokwi ma pampili amañwi a bupaki. Hamutokwi litaba zeñwi za kale za sikolo sesiñwi, kuli mufoliswe kakusasana cwana. Mu tokwa ku amuhela Linzwi, sani kona se si peta lika!

<sup>107</sup> Hamutokwi manzwi a dokota. Haiba nji dokota ubulela kuli uezize kaufela zakona kueza, zani kona za kona kueza fela. A bulela kuli muna ni kansa, kululuha, mwa ba libofu, mu shwile mazebe, simumu, seo kaufela sili sona, sani hasina taba. Kambe ne mukanga Linzwi lani kwa sepiso yani ya sicacani sene si tuka kafani, amen, sesiñwi ne si ka ezahala! Mulimu uka bonisa Linzwi la Hae kuba ona cwalo, nako kaufela ha Li amuhelwa ka mayemo a lukile. Sani kona se mu bala, Linzwi la Hae. Wa

Li bonisanga, Wa Li bulukanga. Mwakona kuba ni sepo yakuli Li lukile.

<sup>108</sup> U bonisanga Linzwi la Hae mwa lusika lufi kaufela, ka linzila zenza kamita, kono Yena u liezanga ka nzila yeswana kamita. Mwabona? Ki sikamañi sa Na ezize mwa mazazi a Nuwe, fani ha Na bata ku lamulela bene ba sialezi? Aba lumela Nuwe, ali mupolofita. Na ba lumezi Nuwe, kuba sisupo.

<sup>109</sup> Mi cwale mulemuhe, fani ha Na ti lo lamulela bana ba Isilaele, ki sikamañi Sa eza? Ka nzila ya Hae yeswana, U lumangi mupolofita wa Hae. Mupolofita wa Hae na sweli Linzwi. Lisupo ni limakazo za Linzwi ze sepisizwe kona ze paka ni ku yemela, kuli yani ki Niti luli. Isilaele na zamaile kuya kwa naha ya sepiso, kakuli ne ba lumezi cwalo.

<sup>110</sup> Mi mwa musipili wa mwa lihalupa, kwa to ezahala kuli ne ba lumezi ku mupolofita yoo, kasamulaho wa kubona Linzwi ha li talelezwa cwalo, Munyaliwa a to zwa mwa muhatelo (mwa ziba se Ni ambola ka sona, mwa pono, mwabona, “azwa mwa muhatelo”). Nekuna ni alimuñwi yana inzi hande, wa libizo la Joshua, ni Kalebu, ni ku lumela Linzwi la sepiyo ya niti, hakuna taba ka ze ne ezahala.

<sup>111</sup> Mutualime hane ba ilo fita fa Kadeshi-barnea. Fa Kadeshi-barnea, Mushe a luma kwateni alimuñwi kuzwa mwa lusika ni lusika, ku li ba yo twela naha, mutualime nzila yene ba lukela ku yo kena ka yona. Mi ki ha luma nduna wa masole wa hae, Joshua, yana li mupolofita, kacwalo alumia mupolofita yomunyinyani mwataswa Mushe. Mi Joshua ateeleza ku Mushe. Mi ba mu luma kuli azamaye, kacwalo ki hali, “Muzamaye mu yo twela naha yani kwani.”

<sup>112</sup> Mi nduna ki ha yo nopa muuna alimuñwi kuzwa mwa lusika ni lusika, mi ki ba funduka. Anga Kalebu, mulikana hae wa fa noka, kakuli na ziba kuli Kalebu ba lumezi. Mi baya mwa naha ya sepiso, mi ba yo kuta ni sisansa sa magilepu sene ba nanuzi baana bababeli. Ali, mi ali cwale, “Kuli Isilaele abe ni bupaki ba si ka kena kale mwa sepiyo. Mwabona, ba be ni bupaki kuli Mulinu na bulezi kuli ki naha yende, mi itezi mabisi ni linosi. Ki naha ya mbuwa. Ki naha yende. Cwale za mina... oh, ona galiki ya kale ye, nyanisi, ni ze munani kaufela mo mwa Egepita. Cwale lu miisa kwa naha ye nani mabisi ni linosi. Mwali kuba mutamune nihaiba iliñwi ya zona, mabisi kamba linosi, ona kwani kwa Egepita mwahala myaha ye kaufela. Ne ba fanga fela batanga ba mina kabelo ya sico. Kono cwale muya mwa naha ye.” Kacwalo kwa mafelelezo fela a nako yene ba keni mwa musipili mwendi wa lizazi lililiñwi, kwa Kadeshi-barnea, kone kuna ni sipula sesituna sa katulo sa lifasi, ba yema mwataswa lika ze—ze zetuna za mazoho kwande kwani, mihala ya lisipi, ni kuina mwa mafulo. Mi ali, “Cwale, kuli batu ba zibe...” Mutualime kupetahala kwateni, ha ki bupaki bwa niti, ni bo ka mo buinezi,

ona cwalo Mulimu mwa evezanga inge Mwa ezeza kacenu. Na ize kuli, "Cwale, Mulimu naize, 'Naha ki yetuna.' Cwale, mu si ka ya kale mwa buse, Ni bata kuli mubone naha kuli kiyetuna. Kacwalo ha mu yo ni tiseza bupaki bwa mwa naha mi mu to li bonisa kwa sicaba."

<sup>113</sup> Mi se bayá teni kwani. Mi, cwale, kamita ha mu taha ka kutisa bupaki, bwa kuli kuna ni sila mwa nzila. Fani babañwi ba kubona batu bani hane ba talimezi ni kubona mangangalume bani ba mwa Kanana, oh, mawi, se ba li, "Halukoni kueza cwalo." Kono ne batisize bupaki bwa kuli nahe neili teni kwani. Ne ba si ka iswa kwani ka bupumi. Mulimu na sweli ku ba bonisa Linzwi la Hae, mane ba si ka yo kena kale mwa naha.

<sup>114</sup> Kikuli ha mu boni, kacenu, kuli haiba mu ka tundanisa kuli limaili ze wani sauzande ba utwe Linzwi, mi ba Li talime ha li pakiwa ni ku talelezwa, ki bupaki kuli ki Naha yende njí? Mwa bona muluti wa muuna ya lobezi, inza shwa kwa kansa, "A foliswe." Ha lu bona Manzwi a Mulimu a Na bulezi kuli aka ezahala mwa lizazi le li pakilwe, kona bupaki bwa kuli U buluka Linzwi la Hae. Kuna ni Naha yetuna. Haiba bupilo bwa ka bu bata kufela, mi Mulimu utaha ku to li bukeleza hape, sani si bonisa kuli kuna ni bupaki bwa Bupilo Bobusafeli. Koo, nako yeñwi ko ne mu tabeli ku unsufaza munyako wa keleke yani, cwale muyeme mwa mukoloko kuli mube ku zona. Ki bupaki. Mulimu u buluka Linzwi la Hae ni ku Li bonisa ku mina, kuli Ki niti.

<sup>115</sup> Ku zamaisa mota ka limaili ze likana masauzande; kutaha kwanu kakusasana ni kutalima fande fani ni kubona batu bani inge ba anyisa limbututu zani kwa botela ya Coca-cola, ka litoze zeñwi, ka faifi kiloko kakusasana, bali kuina fa sibaka sani. Na hupula kuli, "Mulimu, Ne ni kaba muipi ka kufeleleza mwa lifasi, ka kutuhela sicaba sani kuzamaya musipili o mutelele wani kaufela, ni ku ba bulelela lika ze fosahalile. Kono Ni ba utwela makeke, pilu ya ka iya ku bona. Bana ni tala ni linyolwa la Mulimu. Ni tuse, Mulena, kuli ni ba bulelele Niti, kamba u ni zuse mwa lifasi. Ni bulelele sicaba se Niti, kacwalo ni tuse, Mulimu." Se nili, "U swale lizoho la ka, mi tuhela kuli ni zibe Niti, mi cwale ni ku paka sani ka tiisezo ya se ne Ni bulezi kuli kona Niti, kuli ba zibe kuli Kona Niti. Usike wa tuhela kuli batu baba pumiwe. Batili." Kamo pilu yaka iya ku zisili ze cwalo, ku to bona batu baba sepahala!

<sup>116</sup> Ni hupula Joshua na hupuzi nto yeswana, zazi lani hana ba kopanyize hamoho, aba bona ha ba tapisa libyana za bona ni ku itukiseza lizazi la bulalu. Eeni, Na pakile ona cwalo. Cwale Joshua ali sikamañi? Fani hane baize kuli, "Oh, halu koni kueza cwalo. Hamukoni fela kueza cwalo. Lu lukela kuzwa mwa kopano ya luna. Lu se—lu se—lu se lu felile. Mwabona, ne lu palezwi kueza sani cwale. Fela halu koni kueza sani, kakuli ha li utwahali kuiketa." Mi cwale Joshua hana ba etelezi cwalo kwani,

neli ka kweli ya Lungu, fani mezi hanali amañata, mi Jordani ne ika likana mwa bukimwa ni Nuka ya Ohio. Kwa bonahala inge kuli Mulimu na ezize mafosisa amatuna.

<sup>117</sup> Mwa ziba, fokuñwi mwa kula, mi muli, “Kihande, Ni Mukreste. Mulimu, Na—Na ezize mafosisa, Na ni tuhelezi kuba ya kula, kono Ni Mukreste.” Kana ha mu zibi kuli Bibele ibulezi kuli lika kaufela li ka belekela hamoho kwa bunde ku ba ba lata Mulimu?

<sup>118</sup> Kwani kwana ba isize Joshua, cwale, Jordani ya kalanga mezi. Mwakona ku capwaela mwateni mwendi kafa ni kafa, konji ha mu ka tupwikela mwa musima wa mezi mo ku tungile luli; mwa kona, mi ni libaka zemu mwa mezi ze si ka tunga ni zeñwi mwateni fa—fa makamba a Jeriko kona fone kuli zani. Kiñi, ki, hamukona ku capwaela mwateni, ki kuli kuna ni fela akuma mwa lingongo, konji ha mu ka hata mwa buliba, fa kandumbwi, kwa matuko kwa fiteha, kuzamaya mane kusila, kamba nto yeñwi. Kono yena na ba fitisize kwani ka nako ya Lungu, fani na ha ye bayulanga mezi hane ibayuzi butelele bone bu ka likana ni maili. Mezi neli amañata ka buliba bobu kona kueza liñokolwa ze mashumi amalalu kamba mashumi amane mwa butungi. Mi ki hali, “Ka zazi la bulalu, lu ka sila. Mulimu ubulezi ona cwalo! Uize u bize sicaba hamoho mi u si kenise, kakuli, ka zazi la bulalu, mu ka sila Jordani.” Kana mwa bona moo Mulimu atuhela lika zani ku ezahala? Ili ku panga fela, kueza sicaba . . . kuli sihohe fela sikwata sa Hae. Ki sikamañi se ne ba ezize? Ne ba ikenisize ili bona ni kuitukisa, hakuna taba kamba mezi neli mo kutungile cwani, ni mo ne kubezi sileze, ni ka mo mezi na matela ka bubebe. Mwabona, ne ba ziba kuli Mulimu na ka bonisa Linzwi la Hae.

<sup>119</sup> Hakuna taba kamba ki sikamañi, mo mu bezi bukaufi ni Jordani, hakuna taba kamba buino bwa mina bucwaní, mukona fela kuswala sepiso ya Mulimu yani mwa lipilu za mina, Mulimu uka li paka, kuli Ku cwalo. Mwahala ku sa lumela kaufela, Uka bonisa niteñi kuli Ku kaba ona cwalo. Eeni, Wa ezanga. Mi likezahalo ha li Mu paleliswi, Yena ukana a ezanga ze swana sian Mwa kile a ezeza ka nako yani.

<sup>120</sup> Mulemuhe, neli ka balumeli ba Hae bao Na bonisize Linzwi la Hae ka bona. Yena ukona fela ku bonahalisa Linzwi la Hae . . . isiñi ka baba sa lumeli, kono ki ka balumeli fola fo Akona ku bohanalisa Linzwi la Hae. Hakuna taba kamba babañwi ba kubona ne ba bulezi cwani, “Oh, Na lumela, muzwale!” Mwabona, haiba mu cwalo, Mulimu uka li bonahalisa cwalo, kakuli lu talima ni kubona babañwi. Lu kona ku bulela cwani, he? Mwabona, ki ka balumeli ba niti fo Akona ku bonahalisa Linzwi la Hae; isiñi ka bani baba *bulela* kuli ba lumela, kono ki bani baba lumela luli. Ki ka bana ba Hae baba lumela kona ko Aka bonahalisa Linzwi la Hae.

<sup>121</sup> Cwale, nana ni balumeli. Sicalo sa kale ne se si shwile kwateni, baba sa lumeli ne ba ize, “Lu palezwi ku iluwa,” Na siile kuli mañi ni mañi wa bona a shwe (kiñi?), mañi ni mañi wa bona kwanda balumeli. Ki mañi ya na siyezi? Mushe na sa shimbilwe kwa Kanya. Mi baba sa lumeli ba shwela ona mwa lihalaua mwani, mi ba neli bana ba bona. Nekuna ni fela bababeli bene ba silezi mwa buse, mi bani neli balumeli, Joshua ni Kalebu. Bona kona bene bali balumeli, ki bona bene ba silezi mwa buse. Kona fela nzila inosi yeo Mulimu akona kueza ka yona, ki ka bana ba Hae baba lumela. Mwa lumela cwalo? Ku lukile. Balumeli ba Hae ki bona bene ba ezize seo. Na itusize bona ka kusila. Mwabona?

<sup>122</sup> Cwale Ni bata kuli mulemuhe, U ezanga ona cwalo mwa lusika ni lusika. Wa ezanga cwalo nako kaufela ka mukwa o swana, Una ni kunga balumeli. Mi he, kuli balumeli ba kopane li Linzwi lani, Una ni ku li tomela mwa lusika lwani. Mwa bona kana? Una ni kutoma kuli sika se si be teni fa ku kopana ni butata bwa lusika lwani. Kikuli muuntwile kafoo? Kana mu ikutwezi sona? Kikuli mu si boni naa? Kana mwa utwisisa? Zeo kona ze ezahala kacenu, U li tomezi ku lo, ka kulemuha kwa Hae kwa pili. Fani ha Na lelide kale, mwa Malaki 4, sina ni kuezahala. Mi ha Na ti lo lemuha sika kuli si ka ezahala mwa Linzwi la Hae, Nana ni kubonisa Linzwi la Hae kuba ona cwalo. Fani ha Na lelide sika kaufela kuli si ka ezahala ni kubulela kuli si ka ezahala, U ziba kuli peu yani ne ikaba teni ka nako yani. Na lemuhile kale Munyaliwa, ku U kaba teni! Ku kaba ni Kuungelwa, U kaba teni! U li lemuhangwa ka mulelo wa Hae. Mwabona, hakuna se si ka li paleliswa.

<sup>123</sup> Mi Mulimu hana ba bulelezi, “Cwale, Ni mifa sepiso ya naha ya sepiso. Ni bulelezi ndata mina, Abrahama, kuli bana ba hae ba ka yambaela ona mo ka myaha ye mianda yemine.”

<sup>124</sup> Cwale, Mushe ali, “Na ni mupolofita wa Mulena. Cwale mutualime mubone se Ni polofita. Haiba si ka to ezahala, konakuli mu ka ziba kuli Ni lumilwe ki Mulena, kakuli muziba kuli Mulimu u mi bulelezi kale cwalo. Cwale, fa Ni polofita *cwana* mi si ka ezahala, mi sa *kuli* si ka ezahala, ni *cwana* si ka ezahala, nako kaufela ka kuswana fela, cwale mwa ziba kuli Ni lumilwe ki Mulena ku to mi bulelala. Cwale, kuna ni naha ya sepiso, yeo Mulimu na sepisize. Mwabona? Mi Mulimu na sepisize ona naha ye. Cwale, ki naha yende, ibuba mabisi ni linonsi. Mu ni latelele.”

<sup>125</sup> Mi hane ba zamaya cwalo kukena mwa lihalaua kwa na swanela kuya, ku baisa mwa lihalaua, kwani, ko Mulimu na mu bulelezi kuli abaise kwa Lilundu la Sinai, mi Mulimu ki ha sa shetumuka fapila Isilaele, ana ni Siita sa Mulilo, ni kupaka kuli yani neli Mushe yana bulezi kuli, ne sil teni fani, ili kupaka kuli neli niti, kupaka Mushe fani, “Mushe na bulezi kuli Ne nili fa lilundu le, Ne ni bonahalile ku yena mwa mufuta wa sicacani sesituka. Mi fa Ni nani lilundu mutumbi le lituka.”

<sup>126</sup> Ki ha bali, “Cwalo! Usike wa tuhela kuli Mulimu abulele, mutuhele ku bulele Mushe. Lu ka shwa.”

<sup>127</sup> Mi ali, “Ha—Ha—Ha ni sa eza taba ye ni kamuta. Ni ka ba fa mupolofita, uka—uka bulela ku bona ka Libizo la Ka.” Kacwalo sani kona Sa ezanga, ona cwalo fela Mwa belekela Linzwi la Hae.

<sup>128</sup> Mulemuhe, cwale, bani bene ba si ka lumela, kasamulaho bamano ba bukaufi hahulu ni naха ba tokwa kulumela. Cwale, mina baba sweli kuñola, a muñole Maheberu 6, ona fani fo ibnulezi kuli, “Bona baba bonisizwe liseli pili, baba lazizwe kwa Moya o Kenile; bona bao, ha ba ka wa, ku ba ancafaza kwa kubaka; ka kubona kuli ba kokotela Mwana Mulimu sinca, ni ku Mu shwaulisa ku babañata; ha ku konahali kuli bao ba piliswe.” Mwabona, ha ku konahali fela kuli bao basilele mwabuse mwa naха ya sepiso.

<sup>129</sup> Batu ba tahanga kwa Kolobezo ya Moya o Kenile, ba ka taha hande kwa Linzwi, ba ka taha mwahala likopano kaufela, ni likeleke kaufela, ni tutekisema kaufela, ni lika kaufela, kono cwale ha ifita kwa Linzwi lani, ona museto wa kusila wani, ba li, “Oh, Ha ni zibi cwale ka Zani, keleke ya hesu ha iluti litaba Zateni ka nzila yani.” Hanina taba se iluta keleke ya mina, Bibebe ibulezi kuli Ki yona nzila ona yeo. Mi kipeto muli, “Kana Ni ka ziba cwani kuli Ki yona niti?” Úka ipaka, ni ku ibonisa!

<sup>130</sup> Cwale, Bibebe ka zazi lani, neiize, “Kuna ni naха yende mwabuse kwani, mi itezi fela mabisi ni linosi, ni magilepu amande ni bisansa bwa litowlana, mi, oh, ki sibaka sesinde.”

<sup>131</sup> Kihande, se bali, “Cwale, babañwi ba ku mina mu nanaalele mi mu yo talimisia teni, mi mu yo kuta, kuli lu to ombo ombo sicaba. Lu ka silela mwabuse ona cwanoñu fa cwale, haiba fela mina kaufela mulumela.” Kihande, se ba ya.

<sup>132</sup> Mi ki ba se bayo kuta, oh, bababeli ba bona, inge ba huwa fela, “Kihande, kulumbwe Mulimu! Lu zo ibona! Lu zo ibona! Oh, ki yende, hakuna ye swana ni yona!” Baba siyezi, baba lishumi bali kuyema, bali, “Oh, batili, batili, batili, batili, halukoni kueza cwalo.” Ki babakai bene ba silile? Neli bababeli! Yeo ki niti. Neli bababeli, kakuli ne ba ziba kuli Mulimu na ka bonisa Linzwi la Hae kuba le li lukile. Mulemuhe, ne kusina Jordani ye bayuzi, batili sha, nekusina likamba le li tibile kaufela ki muunda wa Jordani, kamba hakuna mangangalume ba Kanana bene ba kona ku ba paleliswa. Mulimu na pakile Linzwi la Hae ku ba ona cwalo, Na ba isize ku ba kenya mwa naха.

<sup>133</sup> Uka eza nto yeswana hape, eeni, sha, mwa lisepiso za kacenu. Wa bonahalisa Linzwi la Hae. Hakuna taba ka sikamañi, Yena u ka bonahalisa Linzwi la Hae.

<sup>134</sup> Na kwalile milomo ya litau ze shwile tala ze ne canga batu zazi leliñwi, ili ku paka Linzwi la Hae kuli ki la niti, kuli Na

ka lipeta, ku Daniele mupolofita. Mi ne ba uta litau zani kuli lipile nama ya batu. Mi ne ba uta litau zani lina ni tala hahulu, ili kuli mutu ha na ka wela mwani, kamba ibe mwanana, kaufela sene ba ka nepela mwateni, neli koto yetuna, tau yani ne ika ba pazaula mwa liemba emba, ka zona litau ze shwile tala zani. Mi ba ikungela mupolofita yoo, ni Linzwi la Mulena kwa bana ba Isilaele, yana polofitile kuli ne ba kanga sibaka sani. Mi ki yani nali ni bona kwani. Kono Mulimu na siyo ku zona, Na bata ku bonisa Linzwi la Hae, Na ka li paka. Mi bainisa ni tala litau zani, ni kunepela mupolofita yani mwateni, ni ku matela kuyena sina cwalo. Siita sa Mulilo sani ne si yemi fani, (mi folofolo kaufela ya saba mulilo), ona Siita sa Mulilo sali kuyema fani, litau ze libutilefafasi. Na bulukile Linzwi la Hae. Wa swana maabani, kacenu, ni kuyakuile. Mulimu ubuluka Linzwi la Hae, Wa li pakanga, U lipakanga kuli Li cwalo.

<sup>135</sup> Cwale, A nga mufutumala kuzwa mwa ondo ya mulilo o sabisa wani, ili kupaka kuli Linzwi la Hae nelili cwalo, kuli Na ka ba lamulela kwa mulilo. Ona mwahala malimi a mulilo ani, mone ku nepezwi banana bani, ni kuina ona mwani fa nako yetelele, mane nihaiba baana bene ba nepezi babañwi mwateni, mufutumala o cisa wa—wa ondo wa bulaya masole bani bene baba nepela mwateni. Mi Mulimu atuhela kuli mulilo utuke hahulu ha buhali, kono A zusa kucisa kwani mwateni. Wa bonahalisa! Haiba mu yema bukaufi ni Yena, Uka yema bukaufi ni mina. Kuyema bukaufi ni mina? Kihande, luli! Kasamulaho wa hola, ba to kwalula sikwalo, mi bali, “Amu bulele, ki babakai bene mu nepezi mwahali mwani, kanti?” Ali, “Lu bona babalalu baba nepezwi mwahali mwani.” Mi ali, “Kuna ni babane mwahali mwani, mi alimuñwi wa bona ubonahala inge Mwana Mulimu.” Mwabona, Wa bonisa! Kakuli kiñi? Ki yena Linzwi.

<sup>136</sup> Mi se bali, “Mulimu wa kona ku lu lamulela kwa ondo ya mulilo o sabisa, kono, ni hakuli cwalo, ha lu kubamelisawaniso sifi kaufela, kakuli lu yemi ka Linzwi.” Sisaniso kaufela, mufuta wa bulapeli, mu sabe kwatensi. Mulimu uka yema bukaufi ni mina. Uka zusa mufutumala mwa manyando. Uka nga—uka zusa bupilo mwa kansa. Uka nga ni . . . Uka eza sika kaufela; Yena ki Mulimu. Mu yeme bukaufi ni Yena; Uka yema bukaufi ni mina. Upaka Linzwi la Hae kuba la niti, ka nako kaufela. Azusa mufutumala mwa malimi a mulilo, akwala milomo ya litau, ni zeñwi cwalo.

<sup>137</sup> Ki ye taba yeñwi hape ya na ezize Mulimu, ku bonisa kuli Na li Mulimu. Mutu na bile cwalo, kasamulaho mwa lihalupa mwani, kuli ne ba ipumanela tuso ya sikolo, banze ba ikeza ili bona kuba batu babatuna. Neba nani tutengo totuñwi to tubizwa kuli Baifarisi, Basaduki, Baheroda, ni babañwi bao kaufela. Mi neli baana babatuna. Neba ipumanezi baprisita ku yomuñwi ni

yomuñwi. Mi ba eza lika zetuna sina ze cwalo, baeza baprisita ba bahulu ni baana babatuna, ni manduna ni babañwi cwalo.

<sup>138</sup> Kono Mulimu, mwahala zona zani kaufela, A zusa mupolofita, mwana muprisita. Kwali kuba...naile mwa mwa lihalaupa ka myaha ye naini ya kupepwa. Na sa koni nihaiba kubala libizo la hae, haiba neli mwa litaku neli ku likana ni mota ya fa sitima. Kiñi, ki kabakalañi ha na ezize sani? Na li mupolofita. Kambe na lutilwe mwa tuto ya bo ndatahe, na kaba Mufarisi kamba Musaduki, kamba alimuñwi wa likwata za bona. Kono nana ni musebezi o butokwa, sani neli ku zibahalisa Mesia. Kakuli kiñi? Mulimu na bulukile Linzwi la Hae, ni ku li bonahalisa. “Linzwi la ya huweleza mwa mukopano wa za bulapeli kuli, ‘Amubone, Nina ni digri yaka ya bukutazi’”? Sani—sani si lukela kuba mwa buka ya kale ya Kupuzo ya Kupepwa ya Basali ye bizwa Almanac, kono isiñi mwa Linzwi la Mulimu. Mi ali, “Linzwi la ya huweleza mwa lihalaupa lili, ‘Mulukise nzila ya Mulena, mi mu sungamise linzila za Hae!’” Kana Na sweli kulukisa nzila ya Linzwi ka nako yani, kuli Linzwi li bonahalizwe nji? Haleluya!

<sup>139</sup> Kana ha muboni, mwa miluti nji? Muyeme fani ka muzuzu fela. Mwa mazazi a mafelelezo, kuna ni kuba ni sibaka se si lukisizwe kuli Linzwi liiponahaze, mi cwale lu pila ka bupaki bwa Naha yenca, amen, yena Mwana mutu.

<sup>140</sup> Tumo ya Joani, asina tuto, asina sika kaufela, na pila mwa lihalaupa. Likutazo za hae nelili mwa mifuta. “Silepe si yendekilwe kwa mubisi wa kona,” zani kona za na bonanga. Kulema ka capu, kuyaha sipapela sa hae, kutumbula mulilo cwalo wa kucisa likota. “Mawe, mina lusika lwa linoha,” zani kona za na bonanga. Nto ye masila hahulu ni kunyenyisa, ku yena, mwa mushitu, neli noha. Ali, “Mina bana ba linoha, ki mañi ya mi lemusize kusaba kwa buhali bo bu taha? Mu sike mwa ipulelisa kuli, ‘Luna ni sa *kuli*, mi luba sibaka sa *kuli*, mi luba neku la *lani*’ Mulimu wa kona kuzusa Bana ba Abrahama kuzwa kwa macwe a. Silepe si yendekilwe kwa mubisi, ni kota kaufela ye sa beyi muselo omunde...” Ki sikamañi sa eza mwa lihalaupa hane li sike la...mutiseza limbimba ni lika za hae, kipeto wa ilema ni ku icisa. Mwabona? “Uka kubukanya buloto mwa sishtete, kono haili muuku, Uka ucisa ka mulilo o sa timi.” Mutu ya cwalo, mane ki yana tokwile nihaiba koti ya bukutazi, mane ki ya na tokwa nihaiba kuwani. Mwabona? Na tile ni litalo la ngu inza italelize lona, ni kaemba ka mukata kene ka zwile fa mukokoto wa kamele, inza itatelize mwa teka, mi ataha ni mahaha ni milili ye shangalakani cwalo, ali, “Silepe se si yendekilwe kwa mubisi wa kota.” Amen. A taha, inza bemba. Kiñi? Neli Linzwi la Mulimu lene li pakiwa, “Mulimu wa kona kufetula ona macwe aa!” Mulimu na sepise ona cwalo, “Amubone, Ni luma numwana wa Ka fapila Ka.” Isiñi wa bulapeli, ne si ya pakilwe ka sayansi kamba ka bulapeli, kono

neli kupakiwa ka Linzwi la Mulimu. Mulimu na nza bulukile Linzwi la Hae, mwabona. Isiñi muituti wa sikolo nihanyinyani, kono neli mupolofita, ya lumilwe ka Libizo la Mulena. Na ezize sani, kiñi? Ili kupaka Linzwi la Hae.

<sup>141</sup> Cwale, baprisita bani se bali, “Cwale, lu ziba kuli kuna alimuñwi ya taha mwa mazazi a maungulo, kona kuli luka luta sikolo mushimani kaufela ye lunani, mi aitukiseze zona. Mañi ni mañi wa mina bashimani ululela kuba ni tuto ya koleji. Mu swanelu kutaha kwetu. Hakuna kukakanya kono fela konji ze kaba mwa mukoloko wa lusika, uka taha mwa nzila ya Malevi, kakuli kwani kona ko ku zwelela buprisita.” Kono yena na si muprisita, nali mupolofita! Mi yani ki keto ya Mulimu. Ha towki ku zwelela kwa kopano yeñwi kamba mukoloko omuñwi wa lusika. Ki kuketa kwa Mulimu, ka kulemuha kwapili, temuhu ya makalelo. Utaha ka keto ya Mulimu. Kacwalo ne ba si ka mu lumela, kakuli na si ka taha ka nzila yene ba ezize, yene ba hupula kuli na taha ka yona. Sani si ka kutela hape, mwa ziba, kamita kucwalo. Kono lufumana kuli na tile ka nzila yana lukisize Mulimu, ili ku bonahalisa Linzwi la Hae.

<sup>142</sup> Mulemuhe, Na ezize kuli mwalyanjo a itwale, kuli abonahalise Linzwi la Hae. Isaya 9:6, mi lu fumana kuli, “Lu pepezwi Mwana, lu filwe wa Mushimani.” Cwale, lu fumana kuli Na bulezzi kuli mwalyanjo uka itwala. Mi Mulimu aeza kuli mwalyanjo aitwale. Sikamañi? Kuli abonahalise Linzwi la Hae. Cwale amuteeleze fela ka mizuzu yelikani, lu kabe lu kwala. Na ezize kuli mwalyanjo aitwale, kuli abonahalise Linzwi la Hae. Sani neli sa niti lulu... Ne si hatikezi ba sayansi kaufela. [Hakuna manzwi fa tepu—Mu.]... ni kuikela.

<sup>143</sup> Mu utwisisize sani, nji cwani? Mwabona, lifasi li kutilwe. Lifasi kaufela li kutilwe, bakeñisa sibi sa Adama. Kono cwale peu nyana ye... Cwale, musali hana peu. Yena una ni simu mo kuina peu, isiñi kuba peu, kakuli hakuna kokwani ya bupilo, kokwani ina ni ku... peu ina ni kuba ni bupilo mwahala yona. Haiba ha ibi cwalo, ki sikapi fela, bupilo habuyo mwateni. Kacwalo peu iinzi ku muuna. Kona libaka peu ya noha hane ikeni ku musali, mwabona, kakuli ne si peu ya Mulimu. Lwa ziba cwalo. Muzwelepili, mulibelete kufitela muba ni buka ye ni kuibala, mi kona muka—muka bona, kamba ku mi bonisa fela ka Mañolo, ki kulwalula fela taba yateni kaufela ku swana inge kolobezo ya mezi mwa Libizo la Hae, mwabona mo kuinezi. Mulimu ali kuba afose, Yena kamita u lukile. Ni ha mu sa koni ku Li utwisia, mu Li lumele fela. Mwabona? Yona ki Niti fela ona cwalo.

<sup>144</sup> Mi cwale lu fumana kuli Na—Na bulezzi kuli, Na ezize kuli taba ye iezahale. Cwale, fani peu nyana ye, kusina muuna, hane ikeni mwa lii nyana la mwa simu ya Na bupile, konakuli peu nyana yani, kokwani nyana ya bupilo ikena mwa lii, mi kipeto muhata nyana wa kala ku minyauka ni kuhula kuba selu, ipila

kwa bupilo bwa ma yona, mubili wa hae, mi mwahali mwani u mu fepa kufitela mwa mali a hae. Mi lu fumana kuli, cwale, wa mu fepa; isiñi mali a mwana; kono ki mali a mahe. Batili, hakuna nihaiba mali azwelela ku mahe. Kono ica kwa ma vitameni a maa yona, kono isiñi ka mali a mahe. Kaufela zona liinzi mwa sikocela sa mali, ku mu babalela kwa ku sa nyanganya ni zeñwi cwalo, ni mwa mezi, kono hakuna nihaiba mali a mahe mwateni. Mahe wa kona kushwa kwa TB, ni kupepwa ki mbututu; ha ikoni kuba ye yambula cwalo, kakuli TB ki butuku, itaha mwa misinga ya mali. Kono mahe wa kona . . . wa kona . . . Butuku bwa TB ha bu hoziwi; bufokoli bu cwalo, kono isiñi TB, kakuli bu lukela kuswalana ni kubuyela kwa mahe ni kuyambula kokwani, mwa bona, kakuli kwa konahala cwalo. Mbututu yena u lukuluhile luli ha pepwa, kakuli ha ki mali a bo mahe.

<sup>145</sup> Cwale, lu fumana kuli Mulimu natile mwahala selu yenyinyani ye, mwabona, mi Akala kuhula mwa likalulo za mali a pila, u Anya kwa ma vitameni a bomaha ni lika za sweli kuca. Mi cwale Ha sa hulile kuli aicele ili Yena, U kala kuca. Mi kisikamañi sani? Kono ki—ki liluli la lifasi, le li taha ku to cala bupilo bwa simela ni bwa folofolo ni zeñwi cwalo, mi Akala kuca litapi ni sinkwa ni zeñwi cwalo, ukala kuhula mwa likalulo za mubili. Mi cwale ha sa hulile luli ka myaha ye mashumi amalalu a kupepwa, A kolobezwa ka kuipeya kutwela Joani kwa neku lani, kamba ku Mulimu, mwa mezi, ni kuzwa mwateni. Mi ki sikamañi sene si ezahalile? Liiba, yeneli yena Mulimu, ashetumuka kuzwa mwa Lihalimu, ka Linzwi le lili, "Yo ki Mwana Ka ya latwa, Mo Ni katelwa kupila teni." Ki sikamañi sa Na tezi ku to eza? Ku to liulula siemba sa lifasi. Nali yena makalelo a pupo ya Mulimu. Kakuli, Mulimu ha ki pupo, konji ku Kreste fela kona Mwa li pupo, kakuli Mulimu ki Moya wa Kuyakuile, mi Moya ha u si ka bupiwa. Na li yena makalelo a pupo ya Mulimu, mi Mulimu a liulula mubili *wani*. Mwabona, fani ha Na tile mwa lifasi ali, "Yo ki Mwana Ka ya latwa, Ni katelwa kupila ku Yena."

<sup>146</sup> Kacwalo Yena, Mulimu, ashetumuka kasamulaho wa kufita ku se, mi cwale mwana kaufela, kuli muca ni kupepwa ka kukopana kwa nama, mo mu tahela; mi cwale ha si fita fa sibaka ko mu lukela kufita mwa kolobezo ya mezi, konakuli kolobezo ya Moya o Kenile, konakuli Moya o Kenile utahafafasi ka kolobezo ya Mulilo ni ku ikungela pupo ye, ka mukwa o swana sina mo ne kubezi ku Yena. Moya o Kenile ni Mulimu ki Moya o swana. Mwabona? U tahafafasi ni kuikungela mubili wo mwa zuho. Mi Na hulisizwe kuli ibe kuluka kwa luna, "Kaufela ba Ni file Ndate ba ka taha, hakuna nihaiba alimuñwi ya ka lateha. Ni ka mu zusa ka lizazi la mafelelezo. Hakuna nihaiba mulili wa kwa toho o ka shwa." Ani kona makalelo a pupo ya Mulimu. Ye ki zwelopili ya pupo ya Mulimu. Konakuli lifasi kaufela lina ni ku ba ni kolobezo. Mi kipeto Moya o Kenile utaha mwa tolopo ku

to ina mwa lifasi, mi tabernakele ya Mulimu i inzi ni batu, mi ipila ni bona, Mulimu u yahile tabernakele ya hae mwa lifasi. Ona mulelo wo kaufela wa kuliululwa, kutapiswa, kukeniswa, kolobezo ya Moya o Kenile, kuswana inge mo ne kuinezi ka nako yani.

<sup>147</sup> Cwale mulemuhe, Na ezize kuli mwalyanjo yo aitwale, mi ki ku yena ha na pepile Mwana yo kusina kuzibana ni muuna. Se si sitatalize sayansi mwahala masika. Si sa eza ona cwalo. Mwendi ne ba sehile Isaya fani ha na bulezzi kuli mwalyanjo yo na ka itwala, “Cwale, sani ne si kaba cwani?”

<sup>148</sup> Na akaleza, Isaya, ka kuswaba, fani hana utwile Mulimu ha li, “Ni kabafa sisupo sa buipiteli, Ni kabafa sisupo se si ka ina kamita, mwalyanjo uka itwala.” Cwale, yena, na lemuhile mwahala sicaba, sicaba sa hae, neli mupolofita, yana pakilwe ki Mulimu. Cwale ki ha zwela kwande fapila madokota ni babanwi cwalo, ka mubulelelo wa kuli, “Mwalyanjo uka itwala.” Mwabona, ne ku sikaba kale ze cwalo, kuzwa kwa makalelo a nako, kukuta ka foo koo Mulimu na bupile mutu wa Hae wa pili. Kono fa, cwale, kuli, musali ya li fa lifasi fa ne ka itwala. Mu nahane fela fateni ka mukwa wa ngana yeiketile, seo mupolofita yani na swabile ka sona, kono na ziba kuli Mulimu na ka buluka Linzwi la Hae, Na ka libonahalisa. Na akaleza, lubasi kaufela lwa Siheberu ne ba lukisa mwana bona wa musizana kuli abe ni mbututu yoo, mwabona, ku mu lekela cimo makatulo ni manjombo, kamba kaufela ze ne batinanga, ni matebela amanyinyani, mi ba ituksa za—za mbututu yana taha. Masika a fita, kono Mulimu a bonahalisa Linzwi la Hae! Mwalyanjo a itwala, mi apepa Mbututu yani, apaka kuli Linzwi la mupolofita wa Hae neli la Niti. Yena uyemanga ni bona.

<sup>149</sup> Yena Mwana mwalyanjo yo neli Linzwi le li bonahalile. Cwale Muñoli Joani 1, haiba mubata kubala fateni. Muñoli Joani 1, mupolofita yo, mupolofita yo, niyena. Kono Mwana mwalyanjo yo nali Linzwi le li bonahalile, ili makalelo a pupo ya Mulimu. Cwale, lifasi kaufela ki pupo ya Mulimu, kono i latehile. Mwabona? Mi A liulula lifasi le. Mi mina mu siemba sa lifasi, mi U mi liulula ka nzila yeswana Ya liulula lifasi kaufela. Mwabona? Cwale, yena Mwana mwalyanjo yo neli Linzwi le li bonahalile, “Kwa simuluho nekuna ni Linzwi, mi Linzwi nali ku Mulimu, mi Linzwi nali Mulimu. Mi Linzwi la eزوا nama mi ato yaha ku luna.”

<sup>150</sup> Satani na likile mikwa kaufela kuli A paleliswe sani. Satani na likile lika kaufela za na kona kuli—kuli a Mu paleliswe se, na likile ku Mu fa mibuso kusina kunyanda, kulika ku Mu nga kuli abe ni lona kusina kuliululwa (kanti neli mulelo wa Mulimu mwa simu ya Edeni fani ha Na bulaile ngunyana yani, kuli Na ka ba fela ni yona ka malii), mane a Mu sepisa mibuso kaufela ya lifasi haiba Na ka iamuhela. Mu nahane fela kuli ki sepiso ye cwani!

<sup>151</sup> Kana ha mulemuhi, balikani baka babande, ka muzuzu wo, kuli Satani u mi sepisa kuli . . . uka mi eza alimuñwi wa bakutazi babande hahulu mwa katengo. Uka mifa sipula sa kwapili mwa keleke kaufela ni ku mi eza kuba dikoni. Uka eza sika kaufela, haiba fela mukona fela kuzwa kwa Linzwi le.

<sup>152</sup> Cwale mulemuhe, kueza kuli kaufela . . . ku Mu fa lifasi kaufela ni mibuso kamukana, Na ka ba ni zona. Na lika ku Mu beya fakuli alobe Linzwi lani, kakuli na zibile kuli na kaba ni Yena ona fani ha na ka kona. Na ezize kuli Mushe a Li lobe, na ezize Eva kuli a Li lobe, kono na potezi Mutangana usili ka nako ye. Kiñi? Nali yena Linzwi, mi na sa zibi cwalo. Nali yena Linzwi lani, yena Kasibili.

<sup>153</sup> Na mu bona. Lu bata ku mu talimanga kuba siswaniso sa mwanana. Ni bona mafufa amansu amatuna ani inge afufela ku Eva, mi uli, “Cwale, Na ku bulelala, ki nto yemunati. Ulukela ku lika kwateni.”

“Kono Mulimu naize, ha lu ka tamuna, lu ka shwa.”

<sup>154</sup> “Oh, kihande, kaniti hamuna kushwa. Mwabona? Oh, bwani ki bukuba. Wani ki mulelo omuñwi wa kale o museta. Usike wa lumela ze cwalo ze siyo.” Kono Mulimu na bulezi ona cwalo! Mulimu na pakile kuli ku lukile. Mi Usweli wa si bonahalisa ni ka nako ye, batu basweli kushwa ka muzuzu wo. Usa bonisa kuli ku lukile.

<sup>155</sup> Mulemuhe, mi fani hana tile ku Mushe, abulela kuli, “Mushe, wa ziba una ni toho tata.” Hmm. “Una ni kacimacima. Talima se ba ezize batu bani ba bakwenuheli, mwabona. Kiñi ha u sa yi fela kwani u yo ba bulelala ka zona?” Mi aeza ona cwalo.

<sup>156</sup> Kono cwale hana ti lo nata fa Muhala wo cisa ka buhali bobulikana ni ma sauzande a lishumi, Ne li cisize mafufa a hae fani hana matezi ku Yena. Mi ali, “Oh, teeze,” ali, “Ni ka Kufa mibuso kamukana.”

“Ku ñozwi!” Mwabona? “Ku ñozwi!”

<sup>157</sup> A bulela cwale kuli, “Haiba U Mwana Mulimu.” Mwabona, yena kamita ubile akakanya Cwalo. Usa luta babañwi kuli ba Mu kakanye. Na lutile Eva kuli a Mu kakanye, aluta Mushe, na lutile kaufela bona kulika ku Mu kakanya.

<sup>158</sup> U mi luta kuli mu Li kakanye. Cwale mina babaliteni mo ka yona nako ye, haiba mubata kuli ni mi bize ka mabizo a mina, yaani ki, Satani ya sweli kulika fa nako yetelele ku mi eza kuli mu kakanye ka na. Musike mwa eza cwalo. Kezeli, haiba mueza cwalo, kihande, mina . . . kamba, isiñi na, kono ku kakanya fela. Mulumele fela Linzwi le. Ha mu lukeli ku ni lumela, kono mu lumele Se. Mwabona? Ha Ni bulela Linzwi la hae, Ha ki la ka, Ki la Hae. Manzwi aka ashutana, kono Le ki la Hae. Mwabona? Mulemuhe cwale, mulemuhe. Hani lati kufita ku zani cwale.

<sup>159</sup> Mulemuhe, sepiso, Manzwi a Hae kaufela, ka kusepahala ki a niti. Na A bonahalize cwalo. U pakile, kakuli Na pakile kuli Nali yena Linzwi la niti. “Mutu hana kupila ka buhobe fela, kono ni ka Linzwi kaufela le li zwelela mwa mulomo wa Mulimu.”

<sup>160</sup> Sikamañi, upila cwani kana? Ka, “Kihande, hane mukanga fela siemba sa Linzwi la Mulimu, wa kona kupila nji”? Cwale, sani ha ki sona sa Na bulezi. Kana mulemuhile, k-a-u-f... “Linzwi kaufela”? Kana upila cwani? “Oh, wa ca ku lona”? Batili, u shwa kapili. Yani ki nama. “Kihande, kiwa, oh, kiwa siemba sa keleke. Wa lumela lika kaufela kwanda *Sani*

“Yena ukona fela kupila ka Linzwi kaufela le li zwelela mwa mulomo wa...” Muprisita yomutuna, wa bishopu, wa nduna, wa mulisana? “Mulimu! Linzwi kaufela le li zwelela mwa mulomo wa Mulimu.” Lu ziba cwani kuli ki Linzwi la Mulimu? U bulela cwalo, mi kipeto Wa Li bonahalisa. Wa bonahalisa Linzwi la Hae. Mulemuhe cwale, haiba kuba cwalo, buipuleli bwa mina habuna ku mi pilisa. Bu membala bwa keleke ya mina habuna ku mi pilisa.

Mulemuhe, ka Linzwi la Hae fela, isiñi Linzwi li liliñwi fela le li latehisizwe. Hakuna mutu ya ka... Linzwi lililiñwi la bulaya lusika lwa batu. Mwa Bibele, mwa Sinulo 22, linzwi li liliñwi fela li ka bulaya hape sika kaufela, libizo la hae li ka takulwa mwa Buka ya Bupilo. “Yo kaufela yaka ekeza linzwi li liliñwi, kamba kusuza Linzwi kwateri.” Isiñi li liliñwi! Isiñi... Batili, Ni talusa, isiñi—isiñi manzwi amabeli, kono ki li li liñwi fela! Isiñi mubamba ulimumu; linzwi li liliñwi! Linzwi li liliñwi! Oh, sicaba, kana mwa utwisisa?

<sup>161</sup> Cwale, Hani buleli fela kwa nyangela ye kihona. Se sa tepiñiwa, mwa bona, mi La ya mwahala lifasi kaufela. Kana mwa utwisisa, batu ba lifasi, ona Linzwi lililiñwi lani, Linzwi lililiñwi, isiñi mubamba ulimuñwi, isiñi kalulo tuna iliñwi, Linzwi lililiñwi, ona zeo kona za na palezwi kulumela Eva. Atisa... Mulimu abonahalisa cwalo. “Kono he haiba mubuluka Linzwi kaufela, mu ka pila.” Ne ba kakanyize Linzwi lililiñwi, la tisa lifu mwahala lusika lwa batu. Kono mutu hana kupila ka buhobe fela, ka mata ahae a butu fela, kono ka Linzwi kaufela, Linzwi kaufela ona cwalo mo Li ñolezwi fela. Bibele ibulezi kuli, “Haina mutolokelo wa kwa mukunda.” Hakuna mutu ya na ni zona kai kaifela, nihaiba iliñwi hakuna, kulika kutoloka Linzwi la Mulimu. Mulimu ki mutoloki Ili Yena.

<sup>162</sup> Fani ha Na sepsize, Na ize, “Hakube liseli,” mi kwaba liseli. Ki hali, “Mwalyanjo uka itwala,” mi a itwala. Mwabona, kaufela sa bulela Mulimu, Mulimu wa si bonahalisa.

<sup>163</sup> Hakuna taba ka mo ka likela kunahana kuli zuho ya nama haina kukona, mi sicaba sani siteni mwa buse bwani, ki liluli fela la lifasi, mi bafitelezi liluli cwale, bainzi fela mwa mezi a

sileze amañwi ni mioya yeo mibili ya bona ipangilwe teñi. Mioya ya bona i sa pila. Mulimu ali, “Ni ka izusa.” Jobo ali, “Kamba likokwani li ka sinya mubili wo, kono ona mwa mubili wa ka mo Ni ka bona Mulimu.” Mwabona, hakuna taba, Linzwi kaufela li swanela kubulukiwa, mi mutu uka pila ka Linzwi lani kaufela. Azusa mutu kwa bafu, kasamulaho wa kushwa mazazi amane, kupaka kuli Nali yena zuho ni Bupilo. Fani mutu hana shwile mazazi amane ni kununka, ngo ya hae ne se imbolezi kale mwa mazazi amane. Yani ki niti. Nto ya pili ye kalanga ku nyana, mwa batu, ki ngo, ya mbobelala ni kuwela fa situpu, ya telela ni ku mbobelala. Kona kutatama litalo, likokwani, mina . . . Mu beiwa mwa likwati le li tibilwe hande, seo kaufela sikona kuba sona, kono ni cwalo likokwani za mubili li ka ha li swaneli kuzwelela mwa mubu, li pila ku mina. Kana mwa ziba cwalo? Jobo naize, “Nihaiba ona—ona likokwani za mwa mubili li ka ni sinya.” Isiñi likokwani za mwa mubu, hakukoni kufumaneha ni zekana. Likokwani ze li ku mina, li libelezi ku mi sinya, lifu libeleka mwa mubili wa mina wa nama. Kono hamuna ni Kreste, fohe kipeto Bupilo bu beleka mwa mibili ya mina ya nama, ku mi zusa hape. Mwabona? Na zusize mutu kwa bafu, kasamulaho wa kushwa mazazi amane, “wa nunka,” ku bonahalisa fani ha Na ize kuli, “Kina zuho ni Bupilo.” Cwale, ki mañi yakona kubulela cwalo kwanda Mulimu, mwabona, “Kina zuho ni Bupilo. Ya lumela ku Na, ni ha ka shwa, kono uka pila.” Mwa lumela cwalo njii? Mi A zusa muuna yani, ku paka Linzwi la Hae kuli ne li lukile. Kulukile!

<sup>164</sup> Mulemuhe, Nali yena Linzwi. Maheberu 4:12, haiba mubata ku ñola zeo. Maheberu 4:12, ibulela kuli, “Linzwi la Mulimu li buhali kufita mukwale o lozizwe kafa ni kafa, li buhali kwa kulemuha milelo ni maikuto a mwa pilu.” Kana ku cwalo? “La lemuha.” Ka kupaka kuli nali Yena Linzwi lani, ki sikamañi sa Na ezize? Pitrosi na tile ku Yena, libizo la hae neli Simoni. Mi ataha ku Jesu, mi A li . . . aina fani, mi Jesu, ona fani hana tile ku Yena, A bulela ali, “Libizo la hao ki wena Simoni, mi u mwana Jonasi.” Ya si ka ituta, kusina pampili ya digri mwa mulaho wa hae, nasina sika kwanda kuba fela ndui, kusina tuto, Bibebe ibulezi kuli na li “sitimbi ya si ka ituta,” kono natiloba bishopu wa keleke ya—ya Jerusalema. Kiñi? Kiñi? Jesu a mu bulela yo nali yena, ni seo libizo la hae nelili lona, ni libizo la bo ndata he. Mi a ziba kuli yani neli yena Linzwi, kakuli Bibebe ne ibulezi kuli, “Mulena Mulimu wa mina uka zusa Mupolofita ya swana ni na,” mi yani na lukela kuba Mupolofita, mi ne kusina bapolofita bene ba sepisizwe mwa mulaho wa Malaki ku Mesia, myaha ye mianda yemine kusina mupolofita. Mi fa ne ku na ni Mutu yana yemi, inza paka, kamba ku bonahalisa Linzwi la Hae, ku mutu yo yana lukiselizwe kwa Bupilo, ali, “Libizo la hao ki wena Simoni, uzwa kwa kuli . . . Wena u mwana Jonasi, kuzwa kacenu kuya kwapili uka bizwa kuli ‘Pitrosi.’” Munahane cwalo! Ki ku mañi kwa Na li bonahalize? Kiñi ha Na si ka bonahalisa Linzwi lani

ku... Kiñi ha Na si ka bonahalisa Linzwi lani ku Kefasi? Na li yena Mulimu, Na zibile kuli Kefasi na si ke ku li lumela. Kono muuna yo na lukiselizwe kwa Bupilo, na Li zibile ka nako yani.

<sup>165</sup> Nako yeñwi ka kuyema mwahali, kone kuile muuna yomuñwi mazazi nyana fela kasamulaho ni kuyoba ni mulikani mwa malundu, mwendi ka limaili ze lishumi ni ketalizoho kuzwa ko ne ba kutaleza, a mu tisa ka zazi lelitatama. Na yemi fela mwahali, ni kutaha kone ku yemi Jesu. Jesu atalima kafa ni kafa, Nali yena Mulimu, mwabona, Nana ni temuho. Sani ne si bonisa cwalo, mwabona, kueza Linzwi libe ka kuluka, Na bonahalisize Linzwi.

Cwale, babañwi ba ku bona, “Mwa ziba, Muuna yani ki Linzwi.”

<sup>166</sup> “Bukuba,” baprisita bani bali bali, “mutangana yani na si cwalo. Batili. Lani ha ki Linzwi.”

<sup>167</sup> Ali, “Mwa ziba sa bulela Mañolo, ‘Mulena Mulimu wa luna uka zusa Mupolofita ya swana ni Mushe.’ Mi yani ki Yena. Mu Mu utwe.”

<sup>168</sup> Kihande, mi Ali, “Wena, amubone, mu Isilaele, ya sina kaiñole ku yena.”

Mutangana yo ali, “Muluti, U ni zibile lili?”

<sup>169</sup> Mi ali, “Mane Filipi a si ka ku biza kale, fani ha no li mwatasa kota, Ne ni ku boni.” Na ziba ya na Li lumela.

<sup>170</sup> Mi ali, “Muluti, Wena u Mwana Mulimu. Wena ki wena Linzwi.” Jesu nabonahalisize kuli nali Yena Linzwi, ka Linzwi.

<sup>171</sup> Mulemuhe musali yomunyinyani fa siliba. Na libelela Mesia. Na sina sa kueza ka likwata za bona zetuna ni likopano, ni zeñwi cwalo, zene ba na ni mwa mazazi ani. Na libelezi Linzwi. Kacwalo Mutu, ka nako yeñwi, ali kuina fani, Mutu wa fela fela yasina libubo, inza inzi mwa nzila, ali—ali, “Musali, aku Ni fe kwa mezi.”

<sup>172</sup> Musali ali, “Cwale, libelela fa muzuzu fela, Ulika kuba ya utwana ni na,” hakulata na nahaniele cwalo mwa pilu ya hae, kakuli na zibiwa kuli musali wa libubo leli maswe. Ali, “Kiñi, Una ni... Kiñi ha U ni buza puzo ye cwalo? Luna ni ketululo kwanu. Wena—Wena—Wena una ni... Wena u Mujuda, luna lu Masamaria, isiñi... ha ki sizo, ha ki swanelo kuli U ni buze ze cwalo.” Mwabona?

<sup>173</sup> Yena ali, “Musali, kambe u zibile Ya sweli kuambola ni wena, no ka Ni kupa mezi.”

<sup>174</sup> Musali ali, “Wena, ni ku kupe mezi? Hauna nihaiba buleke kamba muhala. Cwale Uka nifa cwani mezi azwa mwa siliba se?”

Mi ali, “Se ha kona siliba se Ni ambola ka sona.” Mwabona?

<sup>175</sup> Kasamulaho nyana, musali ali, “Yo ki Mutangana wa muenyi.” Kacwalo musali akala ku pikulusa sikiso sa mezi, inza hoha.

<sup>176</sup> Ali, “Kihande, mezi e Ni ka kufa akaba maweluwelu a mezi, liweluwelu, le li shelauka Bupilo Bobusafeli, ni mwa moyo wa hao.”

<sup>177</sup> “Kihande,” musali ali, “cwale, libeleka fa muzuzu fela, Na—Na utwisisa, Wena ka kuba Mujuda.” Ali, “Cwale, mina Majuda,” ali, “U ni bulelala kuli Wena u yomutuna kufita ndata luna, Jakobo, yana lu katezi siliba se nji?” Na li Mulimu wa Jakobo. Mwabona? Ali, “Kikuli U talusa kuli Wena u yomutuna kufita—kufita Jakobo, ya na lu katezi siliba se nji?” Mutu ya sina libubo, mwabona, ka mwa na bonahalela. Kona ze mu ka bona fela, kuli ki mutu yasina libubo. Ali, “U bulela kuli Wena u yomutuna kufita ndata luna, Jakobo, yana lu katezi siliba se, mi unwile ku lona ni yena, ni likomu za hae? Kihande, luna lu fuyozwi fela ka kunwa mwa lisima le lana katile mupolofita yani.”

Mi ali, “Uh-huh,” A bulela.

“Mi lu lapelelanga mwa lilundu le. Wena uli ‘ki kwa Jerusalema.’”

<sup>178</sup> Mi ali, “Puluso ki ya Majuda, musali, lwa ziba se lu bulela.” Yena ali, “Mina mulapela ze mu sa zibi.” Mujuda uswanela ku ziba Linzwi, mwabona, sene si lukela ku ba sona. Kono, mwabona, Na sweli kutalima cwale. Kiñi? Uka ba ni... Ki sikamañi Sa ka ba ni kueza? Kubonahalisa Linzwi la Hae. Mwabona? Kiñi, musali ali... Ki hali, “Ni bulele cwana, zamaya u yo biza muuna hao mi mutahe kwanu.”

Mi ki hali, “Na hanina muuna.”

<sup>179</sup> “Kiñi,” Ki hali, “u bulezi niti, mwabona, kakuli u so bile ni ba ketalizoho, mi yena yo nani cwale ha ki muuna hao.” Mwabona? Mutualime! Sesiñwi sa ezahala, mwabona, sesiñwi ne si apezi Bupilo. Cwale, kambe ne li si yo mwahali mwani ka kukala, kambe musali na sina bupaki bwa kulemuhiwa pili, ne kusike kwa konahala.

<sup>180</sup> Neku yemi baprisita kwani, ali, “Muuna yo ki Baalezezubi.” Mwabona, hakuna za kuyemela.

<sup>181</sup> *Bupilo Bobusafeli*, “kamita u cwalo.” Mwabona, una ni Bupilo Bobusafeli, kuna ni fela mukwa ulimuñwi wa teni, yani ki Mulimu. Ne muli mulelo wa Hae, A hupula ka mina ni ku mi ziba kusikaba kale mutomo wa lifasi, mwa muhupulo wa Hae. Mwabona?

<sup>182</sup> Musali atalima kwa ni kwa. Mutualime mukwa—mukwa wa nali ku ona. Kono, mwabona, Na sika—Na sika ba ni muprisita yani, kakuli muprisita yani neli mutu ya itutile, muituti wa za bumulimu wa Linzwi, kono isiñi muyemeli wa mwa Lihalimu, mwabona, ne li siyo mwa munahano wa Mulimu nihanyinyani.

Kono musali yo nali cwalo. Musali ali, “Muñaka, Ni lemuha kulis Wena u mupolofita.” Ona zani kona za Na bata kuli musali a bone. Mwabona? Ali, “Lu lumela kuli ki Wena yena, Ni lumela kuli ki Wena mupolofita. Cwale, Iwa ziba. Ha lu utwisisi ka za bapolofita cwale, kakuli nako se ifile luli, lu ziba kuli kuna ni Mesia ya taha. Mi cwale Mesia yani ha ka taha, Ukaba yena Linzwi. Mwabona, Uka ziba likunutu za lipilu, Uka eza lika zeswana zona—zona za Na ezize kwani.” Ali, “Wena uswanelia kuba alimuñwi wa bapolofita ba Hae, ku Mu zamaya kwapili kamba nto yeñwi.”

Mi ali, “Ki Na luli.”

<sup>183</sup> Kisikamañi sa Ka eza? Na sweli kubonahaza Linzwi la Hae, kubonahaza siyemo sa Hae, kubonahaza sa Na li sona. Mulimu nali ku Kreste, inza kutisana ni lifasi ku Yena. Mi Mulimu ki Linzwi. Ku lukile. Na laezi liñungwa ni mandinda, kupaka bupolofita bwa Isaya, “Uka bizwa kuli ‘Ki Mulimu ya mata, yena Ndate wa kamita.’” Mwabona? Hape na ekelize sinkwa mwa buñata ni litapi, yena Mwana yana pepilwe ki mwalyanjo yo. Neli sikamañi seo? Kubonahaliza Linzwi. Liñolo kaufela lina ni kutalelezwa. Na pakile Linzwi, ka kubulela kuli Nali yena Jehova ya bonahalile. Nali yena makalelo a pupo ya Mulimu. Mulimu mwa pupo, Mulimu ni siemba nyana sa pupo fa ili mwa na pila Mulimu kuyena Kasibili, Nali yena makalelo a pupo ya Mulimu, “Kuzwa ku Yena kupepilwe bana babañata.” Mulemuhe, Hape na ekelize litapi mwa buñata. Yena ki yena Linzwi ni bupaki bwa Linzwi.

<sup>184</sup> Cwale amuteeleze hande, halunze lu taha kwa mafelelezo. Zazi lani, ze Ni balile ka mizuzu nyana ye fitile, cwale, ha Na tile kwa ndu ya Jairusi. A kena mwahali, fani ha Na keni teni. Cwale, muhupule, Jairusi nali—nali muprisita, mulumeli wa sihalihali. Na bata kulumela ku Jesu, kono na sa lati kutamuluha kwa keleke ya habo, kakuli ne ba bulezi kuli, “Mutu kaufela ya lumela ku Yena uka lelekiwa mwa keleke.” Cwale muteeleze hande, ka kukwala, mu ni fe kutwiso yende luli. Mutualime se. Ni lumela kuli Jesu na zibile sani ha Na sila liwate, kakuli Na ziba lika kaufela. Mi cwale ha Na silile liwate, ayemela ona fani, mi kwa taha muprisita nyana yo fa. Mwana hae wa musizana akula hahulu, madokota ne se ba mu palezwi, ali “Uinzi bukaufi ni lifu.” Cwale, nako ya taha ya kezo.

<sup>185</sup> Mwendi kona mo kuinezi ku mina kakusasana cwana, nako itile cwale kuli ukene mwa kezo. Mwabona? Mwendi mwa kula ha butuku. Mwendi mwa ikolwisia kuli mu fosize. Kwakona kuba cwalo. Mulimu ki yena ya hapeleza lika, nako ya tahanga ya kukena mwa kezo.

<sup>186</sup> Cwale ka tokomelo. Mi a taha, na sa tokemeli ze ne ba bulela babañwi, ona fapila sicaba, ni kutaha ku to wela kwa mautu a Jesu. Ha ki muhato wa—wa muituti ya keni sikolo, ali kuba atahe

ku Alimuñwi ye lu ziba kuli na kile aya kwa sikolo. Mwa na tezi mutu, yana lukela kuba mwa lituto za bulapeli kaufela, ataha ku Mutu yana lukela kuba “muezä libi, mutu wa mwa mushitu, ya lyangani, kuzwa mwa muhupulo wa Hae, ki ya na sina nihaiba munahano o lukile.” Mu ni swalele ka mubulelelo wo, kono “Yena ki wa kacimacima yelunani wa kacenu,” mutu kaufela na Mu nahanelia ona cwalo. Sina hane lu ka bulela kacenu kuli, mwa mushobo wa fa mukwakwa, “Silyangu!” Sina hane Ni kutalize zazi leliñwi ka za sipi ni sitamiso, mwa ziba. Mwabona, sami kona sa Na li sona kwa sicaba, kuzibahala fela ka zazi ni zazi... Bali, “Kiñi, Wena u zwile mwa munahano wa hao! U sikuba! U sipulumuki!” Cwale, ne kuna ni mutu yana na ni tuso kaufela ya sikolo, kutaha ku Alimuñwi yana lukela ku latehelwa ki ngana ya Hae. Na hapelelizwe ku zona.

<sup>187</sup> Mu mutualime cwale. Si ka utwahala kutaba nyana, kono si kaba bunde ku mina. Mwabona, fokuñwi sabo ya kona ku ku zusa.

<sup>188</sup> Mulemuhe, Ataha ku to kena mwa makupo a musizana yomunyinyani yo, ya na shwile, yana sa shwile lihola nyana kwa mulaho, mi ne se ba mu lobalize fande, ni ku mu toza mulyani wa ku mu omisa, ni ku mu beya mwa sipula sa mukanamo. Kona mo ne ba evezanga mwa mazazi, neli ku mu beya fela mwa musima, fa libala. Na lobezi fa kambeta, ni mapalisa kwa matuko a hae.

<sup>189</sup> Mi, oh, yena mulisana yomunyinyani yani, Jairusi yomunyinyani, Ni akaleza kuli neli mulisana yomunde yomunyinyani, mutu kaufela na mu lata. Kakuli, mwa bona, Na kona ku bonisa cwalo, kakuli na li cwalo, mwa pilu ya hae, inza lumela Jesu. Kono na sa koni kuba ni buiketelo, kakuli na si ke kuba ni pene yene ka taha la Pelekelo ni pelekelo kaufela kamba la Mubulo kakusasana. Mwabona? Na palezwi fela kuba ni—ni buiketelo. Mi taba yeñwi, sicaba, bainuneki bwa na nani mwahala sicaba, ne ba bulela kuli, “Mwa ziba kuli kiñi, Jairusi sa fiteleza hahulu tumelo yahae. Mwabona, uile inza latelela mupolofita wa buhata yale. Sani kona fela sa na ezize, bona bene ba lukela kuba lisupo ni zeñwi bani, yena Mupolofita wa Galilea yani, mwa ziba, Jesu wa Nazareta.”

<sup>190</sup> Ha lu lumeli zeo cwale, li utwahala kuba kashwau, kono cwalo kona mo ne kuinezi ka nako yani. Mwabona? “Mi, zazi leliñwi, sina mo kuinezi cwale, ku kaba cwalo ni nako yani.” Mwabona, nto yeswana!

<sup>191</sup> Cwale mulemuhe, naile teñi kwani. Mi na sa koni kueza cwalo, kono nako ya taha fa na hapelelizwe kueza cwalo. Nana ni kueza ona sani. Mi fa a yo nga Jesu, fapila bona kamukana, ni kuwela kwa mautu a Hae, mi ali, “Muluti! Muluti!” Mwa ziba kuli seo ki sikamañi? Puso, buzamaisi. Kulukile.

<sup>192</sup> Mwabona, buñata bwa batu ba tabela kuli Jesu abe Mupulusi wa bona, kono isiñi kuba Mulena bona. Mwabona, *Mulena* ki

“mibusisi.” Eehe. Mu li, “Jesu, U ni pilise mi ni yeme fela ona fa, mi fo kipeto ku lukile, mi Ni ka eza mikwa ya ka. Cwale, Usike wa kena mwa misebezi yaka. Kono Wa kona kuba Mupulusi wa ka, kono isiñi Mulena ka.” Ubata kuba Mulena, mwa bona, kipeto Uba Mupulusi wa mina.

<sup>193</sup> Kono cwale, ki hali, “Muluti, Mupulusi!” Mwabona? “Ni . . . musizana wa ka yomunyinyani, yena mwana fela anosi, ki wa myaha ye lishumi ka yemibeli ya kupepwa, madokota ba mu palezwi.” Haku kakanyiwi kuli muprisita yomutuna naize kuli, “Wa ziba, kaufela bona ba bulezi ka Wena kuli U fiteleza hahulu tumelo, kono, Wa ziba, Muluti, Na—Na—Na Ku lumela. Na lumela. Na ziba Una ni temuho. Mi nto fela ye Ni bata kuli U bulele, ki kuli, utahe fela mi u beye mazoho a Hao ku yena. Mi kipeto uni bulelele sa kueza, Ni ka si eza.” Oh, cwale mu libile kokuñwi!

Ali, “Ni ka ya. Ni ka ya.” Mi A kala ku zamaya.

<sup>194</sup> Kasamulaho amano zamaya lihola nyana, kwa taha muuna inza mata, sina ka sizo ka nako yani, ni mufuse fa toho ya hae, ali, “Usike wa kataza Muuna yo, mwana hao ushwile. U shwile kale, ba mu apesize ni ku mu lobaza fande.”

<sup>195</sup> Oh, pilu ya hae ye nyinyani! Jesu a fetula meto ani, amu talima, mi ali, “Oh! Oh! Oh!”

<sup>196</sup> Ki hali, “Kikuli ha Ni si ka ku bulelela?” Cwale, sa Na ezize kwani, Na sepisize Jairusi. Cwale Una ni ku si bonahalisa. Amen. “Ni ku bulelezi. Ki kulumela fela mi uka bona kanya ya Mulimu.” Cwale, Na zibile sa Na eza. Na bulezi kuli Ha ezi sika konji Ndate a Mu bonise pili. Muñoli Joani—Muñoli Joani 5:19, “Ni eza fela sa Ni bonisa Ndate,” kacwalo A Mu bonisa se ne si ka ezhala.

<sup>197</sup> Kacwalo fani ha Na keni mwa ndu, ni kuyema kwa tuko a mibili, wani o no omelezi ulobezi fani, yana kulile kalisunda nyana. Ni mibili wa hae o likani, o museta, nekusina lico zene keni mwa mibili wa hae, mi libelenge ni zeñwi, mi musizana na—na sa shwile. Ne ba mu tozize kale mafula a ku omisa ni lika zeñwi. Mi ali kulobala fale, mwa ziba, fa kambeta ni zeñwi, ku libelela fela ku mu putaputa ni ku beya mwa libita, mi se ba beya . . . baba ni mukiti nyana wa bona wa kuba ni lipalisa kwa matuko a hae. Jesu ataha fateni. Mi mutu kaufela, “Oh, Jairusi, musizana wa hao u shwile! Oh, ndate Jairusi, oh! Lwa ku utwela butuku,” ni zeñwi kaufela.

<sup>198</sup> Mi ali, “Oh, amu kuze; mu taza hahulu lilata.” Ki hali, “Ki siyongili sañi se mu eza fa?” Mwa bona? “Siyongili se, fela mu . . . mina—mina mu taza lilata ni kuhuwaka. Musizana yo ha si ka shwa. U lobezi. Shhh.”

<sup>199</sup> Mi ki sikamañi sene ba ezize? Ha ba Muutwa abulela kuli musizana asika shwa, kiha . . . Ba, “Mu seha ku Mu bona bukuba.” Ka manzwi amañwi, ne ba Mu swabisa. “Woo! Kiñi,

Wena! Kiñi, Wena mupolofita wa buhata! Kiñi, Wena lihata la muuna! Musizana yo u shwile. Dokota ubulezi kuli u shwile. Lu mu omisize kale, lu mu lobalize ni fande. U lobezi fale, u shwile.” Mi bali, “Ha, ha, ha! Cwale, Jairusi, ubile u abulelanga ka Yena, cwale ki fo he u liñi?”

<sup>200</sup> Mwa ziba sa Na ezize? Abulela kuli, “Kaufela mina amuzwe mo.” Mwahala ku sa lumela ko u cwalo kwani, ha li koni ku beleka. Cwale, ki sikamañi sa Na bulezi? Ki hali, “Jairusi, haiba fela u lumela, uka bona kanya ya Mulimu.” Cwale, lani kona Linzwi la Hae. Una ni ku bonahalisa sani. Ku lukile.

<sup>201</sup> Mi cwale Ha sa keni mwandu mo ne ba sweli kulila kamukana, ki Hali, “U lobezi.” Sani ne si shutana kwa sayansi. Sani ne si shutana kwa ngana ya mutu. Na shwile, inza omisizwe ka mulyani.

<sup>202</sup> Hane ba shwanga, ne ba ba omisanga ona fani kapili, ona fani fela bupilo bu sa zwa ku bona, ne ba selanga minko yeminde yani ya sende ni zeñwi cwalo ni ku ba tateza masila ni ku ba isa. Mwabona, ku ba pumbeka, baba pumbeka ona cwalo, kihande, fokuñwi mane ne ba sa lemusangi sicaba. Mwa ziba, Ananiasi ni Safira; ne ba pumbekilwe Ananiasi, fani Safira. . . Ananiasi, fani Safira hana tile, mwa bona; ne se ba muisize kale ku yo pumbekwa, mwa bona. Ona fani fela, hana sa shwile, ne ba sela mafula ani ku bona ni ku ba isa kwande ku yo ba buluka. Mwabona?

<sup>203</sup> Kacwalo ni yena na lukisizwe kale kuli aisiwe mwa libita, kono ne ba bata kulibeleta bo ndatahe ku to mu bona ba si ka mu pumbekwa kale. Mi cwale ha Na keni mwahali, mi yena mwa buino bwani, mi ki Hali, “U lobezi fela buloko.”

Kihande, mi bali, “Cwale, haiba Mutangana yani ha si ka lyangana!”

<sup>204</sup> Kacwalo he ki sikamañi sa Na ezize? Na sa bulezi kale kuil u lobezi fela, Nana ni ku bonahalisa Linzwi la Hae. Na sike kueza sani fapila sikuwata sani, kacwalo Yena ali, “Amu balelekele fande.” Mi na Mu bona atalima kwa ni kwa ku Jairusi mi ali, “Usa lumela nji?”

“Eeni, Mulena.”

<sup>205</sup> “Wena ni musala hao mutahe kwanu. Pitrosi, Jakobo ni Joani, a mu Ni latelele.” Ba kena teñi mwani mi ba biza linzwi le, *talita kami*, ye talusa kuli, “Musizana yomunyinyani, zuha.” Mi A bonahalisa Linzwi la Hae, na lobezi fela. Ki niti yeo nji? Na bonahalize fa kuli, Linzwi la Hae neli lukile. Hakuna taba ka ku sa lumela kwa bona, Na sa bonahalisa Linzwi la Hae kuli ne li lukile, ka ku mu zusa, kakuli Na bulezi kuli na lobezi fela. Na lobezi.

<sup>206</sup> Uka eza swana zazi leliñwi, ku mulumeli kaufela wa niti, kakuli Linzwi la Hae ne li sepisizwe ona cwalo. “Babali ku

Kreste, Mulimu uka ba zuseza ku Yena.” Mwabona, “Bao babali ku Kreste.”

<sup>207</sup> Musizana yo wa Mujuda na ezize sikamañi? Se ni kala fela kufitelela Liñolo le fa, kono Ni—Ni ka ba cwale ni—ni ka ibuluka. Ni ziba kuli ikona kuba ka kuliyeña nyana, mi luka kena mwa mukolo wa litapelo ka mizuzu nyana fela. Hanina ku mi bona mwendi fa biki cwalo, kono ha lu liteleni fa muzuzu fela. “Mutu hana kupila ka buhobe fela.” Mwabona? Mulemuhe, mutuhele ni nokele se mwateni cwale, ili ku mi bonisa. Ki kabakalañi Jesu hana zusize musizana yo wa Muheberu? Kakuli na ziba kuli na si ka shwa? Kulemuhiwa. Ka kuswana fela sina mwa Na ezelize ku Lazaro. Mwabona? Mwendi nekuna ni likalibe nyana zeñwi zene shwile ona zazi leliswana lani, Na si ka bulela linzwi ku bona. Na ziba kuli yo nana ni Bupilo Bobusafeli. Mwabona, Na si ka zusa babañwi ba bona.

<sup>208</sup> Mutualime, fani ha Na zwile mwa Jeriko, se bali, “Kiyo, mutangana yo!” Hakuna kukakanya ne baize, “U zusa bafu? Uní bulelela kuli Wa kona ku zusa bafu, luna ni mabita atezi kaufela kwanu, taha, ba zuse bao.” Mwabona, Yena mane na si ka iseza ngana ku bona. Mwabona, ne ku sikaba cwalo, kakuli Na ziba nali Yena Linzwi.

<sup>209</sup> Mulemuhe, na lobezi fela. Na zibile kuli bo ndatahe ne ba taha. Cwale, musizana nyana yo, mwabona, Na zibile kuli musizana yani wa Mujuda na lobezi fela. Mwabona, ba—ba ba lukile ha ba shwangi. Jesu natilo liulula baba lukile. Mi, *kuliulula*, kutalusa “ku kutisezwa kone kubanga mutu sapili.” Mwabona? Na si ke kuliulula baba sa lumeli, hakuna taba ka mo ne ba itutezi madokota bani ni ma digri one ba nani. Na si ke ku ba liulula, kakuli ne ba sa konahali ku liululwa; ne ba na ni kuya kwa libaka za bona. Kono, mwa kulemuha kwa Hae kwa pili, na zibile kuli Lazaro na ka zwa mwa libita. Na zibile kuli musizana yo nana ni Bupilo Bobusafeli. Kacwalo na si ka shwa, na lobezi fela. Mi musebezi wa luna ha u so felile mwa lifasi, haiba lupila kufitela Kutaha kwa Hae, halukoni kushwa, lu lobezi fela. Na li bonahalize ona cwalo fa. Uka li bonahalisa hape. “Kamba likokwani za mubili li ka sinya mubili wo, kono Ni ka zusa mwa kuswana kwa Hae.”

<sup>210</sup> Yena u bonahalisanga Manzwi a Hae, Manzwi a Hae kaufela. Munahane fela ka zona, Manzwi a *Hae* kaufela! Mi mina nemuli Linzwi la Hae. Yena nali Linzwi, mi nemuli siemba sa Linzwi la Hae. Mi, kona libaka hamu lumezwi fa, ku to bonahalisa sibaka sa mina mwa bupilo. Ha—Ha—Ha ni sepi kuli mu utwile seo. Mwabona, Yena ki Linzwi. Cwale mu utwile?

<sup>211</sup> Na li mwa mautu, ku Luther; mwa malupi, ku Wesley; mwa maheta, mwa Pentekota. Mwabona se Ni bulela? Yena ki yena Toho. Muna ni siemba se si konapanya zani hamoho, hola ye ye lupila ku yona cwale; isiñi siemba sa mautu, isiñi siemba sa

silupi, isiñi siemba sa liheta, kono ki siemba sa mulala. Kana ki niti yeo? Si swalani ni toho. Sani kona siemba sa mubili. Baba lobezi ku Jesu Mulimu uka ba zuseza ku Yena. Tolombita ya Mulimu ika lila, mi baba shwile ku Kreste baka zuha pili. Kana ki niti yeo? Mwabona, mu ba siemba sa Linzwi lani, mu fetuha siemba sa Hae. Mi munga Libizo la Hae kuli mu lemuhe zeo, mwabona, mu beilwe ona fani, mu kolobelizwe mwa Libizo la Hae, mwa Mubili wa Hae, “Ka Moya ulimuñwi luna kaufela lu kolobelizwe mwa Mubili ulimuñwi,” mwahaali mo, ona cwalo fela inge siyemo sesiswana. Yena ha cincangi nzila ya Hae. Haiba . . . Ki babakai baba lumela kuli Keleke yapili inzi ku Yena? Halu boneñi, ki babakai baba lumela cwalo? Ne ba kolobelizwe cwani? Ku lukile. Mwabona, Yena ki Mulimu ya sa cinci. Lu boni kale zeo. Ne luka inelela fani kufitela mwahala busihu ukacenu, ku bonahalisa cwalo, ni kuzwelapili ona cwalo ona cwalo ona cwalo. Mwabona, ya sa cinci! Mwabona? Mina mu inzi ku Yena ni siemba sa Hae, kakuli ne muli siemba sa minahano ya Hae. Kusikaba pili mutomo wa lifasi, Na mi bizize!

<sup>212</sup> Bibebe ibulezi kuli sibatana mwa lifasi. . . Yani ki antikreste wa likopano ya taha mwa lifasi, ku panga sibatana kwa Rome, yeneli yona kopano yapili. Mi Katengo ka Likeleke za Lifasi kapanga siswaniso sa sibatana, ona cwalo fela se ne lu beile mwa buka mwani zazi leliñwi. Mulemuhe, si panga ona zani, mwabona, antikreste. Mi Bibebe ibulezi kuli, “Bao kaufela be mabizo a bona na si ka ñolwa mwa Buka ya Ngunnyana ya Bupilo,” (lili, kwa mukopano waancafazo njii?) “ye tabilwe haisamba lifasi litomwa,” (libizo la miba ne li beilwe mwani) “yena antikreste uka mi puma.” Mateu 24:24, ibulela kuli—kuli “Antikreste ikaba bukaufi hahulu mane inge kona nto ya niti mwa mazazi a maungulo, ika puma mane nibona ba baketilwe, kamba baba lamuhilwe. . .” Ki nto yeswana, kuketiwa ni kulemuhiwa ki nto yeswana, Mulimu umi ketile kamba ku mi lemuha kale ku si kaba kale mutomo wa lifasi. “Baka pumiwa be mabizo a bona a si ka ñolwa mwa Buka ya Bupilo.”

<sup>213</sup> Daniele na bulezi ka zona, mo ba ka bela baba butali mwa lizazi lani, mi mane ni bona baba sina butali, ni zeñwi cwalo. Ku lukile, hahulu, kono Ni sweli fela kuya—kuya kwa hule, waci isweli ku cibilika kapili. Mulemuhe, cwale mutualime, Na lemuhihe kasamulaho. . . Cwale mutualime se ne singile sibaka fa. “Kaufela ba Na zibile pili, Na ba bizize. Kaufela ba Na bizize, Aba beya baba lukile. Kaufela ba Na beile baba lukile, U ba file kanya.” Musipili wa mina ufelile, mu pila siemba sa mina. Sishemo kona sa mi ezelize Mulimu. Misebezi kona ye mu eza ka buitumelo.

<sup>214</sup> Kubonahalisa ka taba ya Hae yeswana, kuli Na zibile lika kamukana, yena Mwana yana pepilwe ki mwalyanjo yoo. Na zibile ko ne kuna ni litapi mwa mezi, zeo bo Pitrosi ni babañwi ne ba yambile mane batokwa kuswala nihaiba ya lubandangoti.

Sani ne si bonahalize Linzwi la Hae. Ki niti yeo kana? Na zibile lika kaufela.

<sup>215</sup> Mi ha Na itukisize kulifa mitelo ya Hae, ne si bonisize kuli Na ziba lika kaufela. Na ziba kone kuinzi tapi yene nani sheleñi mwa mulomo wa yona kuli balife za... Kuna ni yana iwiselize mwateni, mi tapi yani se iimiza. Mi ki Ha li, "Pitrosi, uyo cimbeka kashuto mwateni, mwabona, mi uyabule tapi mi unge sheleñi yani mwa mulomo wa yona. Kutuha fo uye uba tabise, ulife mitelo." Oh, eeni!

<sup>216</sup> Mawawa ana ni misima ni linyunywani lina ni liyaleto, kono Yena na nani Linzwi, Nali yena Linzwi, mi apaka kuli nekuli cwalo. Yena kamita upakanga Linzwi la Hae. Zeswana U ka lieza ni cwale, mwa lusika lufi kaufela U pakile ze swana.

<sup>217</sup> Kasamulaho wa lizazi la bulalu, kasamulaho wa lifu la Hae, kupumbekwa, ka lizazi la bulalu, A zuha hape, ku paka Linzwi la Hae, kakuli mupolofita naize kuli, "Hanina ku tuhelela Ya Kenile wa Ka kubona kubola, kamba Ni haiba kusiya moyo wa Hae mwa lihele," ka zazi la bulalu, kubola kusika kala kale mwa lihola ze sebente tu. Mwabona, ne isika kwanelela mwa mazazi a malalu, kakuli kubola kukalisanga mwa lihola ze sebente tu. Mwabona, konakuli Na si ka ya ka nako yetuna, kakuli mupolofita na bulezi, mwabona, mupolofita na bulezi kuli, "Hanina kutuhelela Ya Kenile wa Ka kubona kubola." Na bonahalize Linzwi la Hae.

<sup>218</sup> Na folisize bakuli, lianga, ili kupaka Linzwi la Hae lana bulezi Isaya ni bapolofita babañwi.

<sup>219</sup> Na lumile Moya o Kenile ka Lizazi la Pentekota, kuto bonahalisa Linzwi la Hae. Mubata kuñola Mañolo a zeo cwale, Joele 2:28, Na ize, "Ku ka ezahala cwana mwa mazazi a maungulo, kubulela Mulimu, kuli Ni ka sulula kwa Moya wa Ka fa libupiwa kaufela, ni fahalimwa batanga ba basizana ba Ka ni batanga ba bashimaní Ni ka sulula kwa Moya wa Ka. Micaha ya mina ika bona lipono, mitangana ya mina ilole litolo," ni zeñwi cwalo. Na li bonahalize ka kusuluha kwani! Hape, Na bulezi kale kusika fita kale nako ye, mwa Luka 24:49, haiba mubata a kuñola, Na ize, "Amubone, Ni mi lumela sepiso Ya Ndate. Kono muine pili, mwa munzi wa Jerusalema kufitela mu tala ka mata a zwa kwa Lihalimu." Ki fo he cwale, Na li petile, A luma Moya kuli uwzelepili ku bonahalisa Linzwi la Hae. Kono mutualime sa Na bulezi. Kana Na ezize cwalo? Ku lukile.

<sup>220</sup> Mareka 16, Na ize, "Muye mwa lifasi kaufela, mukutazi Evangelí kwa sibupiwa kaufela." Kuisa kai? Lifasi kaufela. Kubo mañi? Sibupiwa kaufela. "Ya lumela mi akolobezwá uka uka piliswa. Ya hana ku lumela uka beiwa mulatu, mi lisupo ze li ka latelela baba lumela." Na bulezi mwa Mareka 4, Na bulezi mwa Joani 14:12, hape Na bulezi kuli, "Ya lumela ku Na," isiñi ya likanyisa kulumela, kono, "Ya lumela ku Na, misebezi ye Ni eza

uka ieza ni yena.” Ne si lwezi Moya o swana onoli ku Yena kueza misebezi ye swana. Kakuli kiñi? Moya no taha ku to bonahaza Linzwi la sepiso kwapili. Mwabona, Na ezize nzila, kakuli Na zibile lika ze kaufela kuli li ka ezahala.

<sup>221</sup> Cwale, kasamulaho wa myaha ye mianda ye naintini, ni masika a likeleke inge a fita, ni lika kaufela za Na sepisize ku Luther, Wesley, kona lu sa zo fita ku zona fela ne si swanisizwe, mi kweli ya taha ku to swanisa ona cwalo, mi Mulena a lu swaniseza sona fa limati kwanu, ni ku si bonisa, ni kutahafafasi yena Kasibili ni ku to si bonahalisa kuli si lukile. Kasamulaho wa myaha ye mianda ye naintini, mi lu kwa maungulo a Keleke ya Lusika lwa Laodesia, Na sepisize, mwa Luka 17:30, kuli yena Mwana mutu ya swana yo (Na sepisize ona cwalo) kuli na ka patululwa mwa mazazi a swana ni Sodoma, fa lifasi. Kikuli Na ezize nji? Kana sina ni ku to ezahala nji? Ha ku konahali... Cwale, muhupule, Na tile ka mabizo amalalu: ali Mwana mutu, ali mupolofita; ni Mwana Mulimu, yena Moya; Mwana Davida, mwa Mileniamu. Kono mwahali, ona swalisan ye, cwale kuya ka Manzwi a Hae luli, mwa lizazi fani Mwana mutu ha ka patuluha, kuipatulula ili yena Kasibili ka (sikamañi? isiñi Mwana Mulimu) Mwana mutu. Uka ipatulula Iliyena mwa nzila yeshutana. Cwale, sani sieza sikamañi? Malaki 4, kulukile luli. Mwabona, Mwana mutu uka ipatulula Iliyena, isiñi mwa likopano zetuna ni zeñwi, sina mo lubezi ni zona mwahala masika, kono Uka iponahalisa Iliyena kakuba Mwana mutu hape, ku bonahalisa Malaki 4. “Mwa lizazi lani, Ni ka mi lumela Elia mupolofita, mi uka fetula lipilu za bana kukutela kwa bashemi ba Tumelo ya baapositola, kuzwa kwa buino bwa likopano, ni kukutela kwa Linzwi la pili hape,” ili ku bisa Kota ya Munyaliwa wa lizazi la mafelelezo ya Na sepisize. “Mwa nako ya manzwibwana ku kaba Liseli,” isiñi lizazi la puka, ku kaba liseli; ikaba lizazi le li si ke kubizwa musihali kamba busihu. Mwabona, ki kupanga Mubili. Kono yona Toho yeswana yeneli kwanu kwa Upa, iteno kwanu kwa Wiko hape, “Ku kaba Liseli mwa nako ya manzbwana.” Oh, mawi, Ni ikutwa inge ni ka opela pina!

Ku kaba Liseli ka nako ya manzbwana,  
Nzila ya kanya mu ka ifumana luli;  
Mwa nzila ya mezi, kuna ni Liseli kacenu,  
Mupumbekwe mwa Libizo la Hae lelinde.  
Banana ni babahulu, mubakele libi za mina  
kaufela,  
Mi Moya o Kenile uka kena ku mina;  
Liseli la manzbwana litile,  
Ku zibahalile niti yakuli Mulimu ni Kreste ki  
Alimuñwi.

<sup>222</sup> Mi Mwana mutu usweli wa ipatulula Iliyena mwa mata aswana ka mwa Na inezi, (isiñi mwahala lusika lwa keleke, kuya

ka kutapiswa, kukeniswa, lika ze kaufela fa) kono ki Mwana mutu. Mwana mutu ki mañi? Ki Linzwi! Mi Linzwi la akufa kufita, limata hahulu kufita mukwale o lozizwe kafa ni kafa, mi li lemuha milelo ya mwa pilu. Ki sikamañi sa Na ezize? Una ni kupaka Linzwi lani. Ki sikamañi sa Na ka eza? Mulemuhe sani ha lu si bona ha si ezahala, mu Si talime mwa mukwa o swana o Na li kuona fa kwa simuluho, sona Siita sa Mulilo. Mawi! Kubonahalisa kuli ki Yena Maheberu 13:8, aiize, “Jesu Kreste ya swana maabani, kacenu, ni kuyakuile.” Neli sikamañi sani? Jesu Kreste, ya swana maabani, yani neli Kreste yanali mwa lihalaupa ni Mushe. Ki babakai baba ziba kuli Bibele ibulezi cwalo? Maabani! Yani neli Kreste fani Paulusi hana bulela fa kacenu (mwa lumela cwalo?) mwa Testamente ye Nca. Konakuli Mwana mutu, yena Kreste yaswana, mwa lizazi la mafelelezo. Mwabona? Ku lukile.

<sup>223</sup> Mulemuhe hape Joani 14:12, Na ize, “Misebezi ye Ni eza mu ka ieza ni mina.” Mañolo asili a kaufela, ki sikamañi Sa eza? Utensi mo cwale wa bonahalisa (isiñi lusika lwa Luther, isiñi lusika lwa Wesley, isiñi lusika lwa Mapentekota, isiñi lusika lwa ba Baptist, isiñi lusika lwa ba Presbyterian, lu se lufitile kale ku zona ni ku lipaka ka litaba za kale za Bibebe; kono ki sikamañi?) lusika lwa Mwana mutu ha patululwa, ku to tisa lika ze mwateni ku taleleza Linzwi fo lika kaufela ha li swanela kutalelezwa. Mwabona? Lwa si bona, mi ki niti!

<sup>224</sup> Mi, munahane, ka mikwa yeswana ya Na ezize ka yona ka nako ya pili, zeo ha li si ka pakiwa mwahala luna, kono si pakilwe ka sayansi. Bana ni kuitumelela kuli Li lukile. George J. Lacy, yomuhulu wa ba katengo ka FBI, ka mapampili a ku nyatelwa kwa minwana, naize, “Liseli ne li monyehile fa siiponi. Na ne ni si biza kuli ki minahano ya nama, kono,” ali, “Bo Branham, kamera ye haikoni kuswanisa ngana ya nama. Li teni.”

<sup>225</sup> Ki sikamañi sani? Bupaki, kwani kale kafoo fani Siita sa Mulilo hane si yemi fani mwa sicacani sani sina kakundukundu, abulela, ki Hali, “Usike wa be u zuba kamba kunwa, kuna ni musebezi o lukela kueza ha u so hulile.”

<sup>226</sup> Batu ba bulela kuli, “Mushimani yani ulyangani mwa booko.” Boma babata kubiza dokota, Ne ni ikalelwa.

<sup>227</sup> Kono neli sikamañi? Na lulile ona kwanu fa likamba na la nuka kwani, fa Nuka ya Ohio, mi ali, “Sina Joani Mukolobezi ha na lumilwe kuli alukise sicaba kwa Linzwi lene li na ni kubonahala, kukaba cwalo ni kwa Liñusa la hao.”

<sup>228</sup> Mane Moluti Davis ni babañwi mo ne ba ni bizezanga kuli “ni lyangani” mwa “booko,” kubata ku ni leleka mwa keleke, kakuli ne Ni sa lumelelani ni yena fa bakutazi ba basali ni lika zeñwi zani zene si yo mwa mañolo. Yena ali, “Mi ubulela kuli uka kutaza ni kutisa ancafazo kunata lifasi?”

Se nili, “Isike na, kono ki Yena yabulezi cwalo.”

Mi ali, “Billy, ubile ni tolo ye sabisa.”

Se nili, “Na tubula kadi yaka ona fa, Hani sa li wa mina ni kamuta.”

<sup>229</sup> Na Si bulezi, Na Si lumela, mi U Si bonahalize. Sani kona siemba sesinde, U Si bonahalize, u bonahalize Linzwi la Hae ka Linzwi, kakuli Yena ki Linzwi. Mwabona? Mi Linzwi li eza sikamañi? Li ziba likunutu za mwa pilu. Ki niti yeo kana? Ku lukile, la paka cwalo mwa Maheberu 13:8.

<sup>230</sup> Mi Ukaba ni Keleke ya Munyaliwa ye itukisize mwa mazazi a maungulo. “Kana Uka eza cwani zeo, Muzwale Branham?” Hani zibi. Kono U bulezi kuli Uka eza. Uka libonahalisa. Ya bizizwe kuzwa ku babañwi kaufela, yani ki niti, nyunywani ye tampakani yene tampakani ka Mali a Hae. Mwabona? Kubizezwa kwande, zeñwi kaufela za mutapi li ka Mu timbooka. Wa ketululwa ni ku haniwa.

<sup>231</sup> Kono, nyunywani ye tampakani, cwale, Hanina taba kamba mukalisi ubata ku kanana cwani ka Zona, u fosize. Muhipupule, kisikamañi sene si ezahalile kwa nyunywani, nyunywani ye tampakani neli ifi? Ne ba lwezi zepeli, iliñwi ya bulaiwa, ya muuna, ne isulela fa nyunywani yeñwi, mi neli kukeniswa kwa mbingwa, ka maloteli a mali, ni kuhuwa kuli, “Uyakenile, uyakenile, uyakenile, wena Mulena.” Mi yani neli yena Muuna luna, Jesu Kreste, yana bulailwe, mi Mali a Hae nali fahalimwa luna, inza huwa kuli, “Uyakenile, uyakenile, uyakenile, wena Mulena.” Linyunywani zeñwi kaufela... Ni tabile kuli libizo la ka liteni mwa Buka ya hae; isiñi fa lifasi fa, kono kwahalimu kwani; isiñi fa mukata wa puli, kono fa mukata wa Ngu. Yani ki niti.

<sup>232</sup> Kukaba zuho ya bafu. Uka li bonahalisa. Yani ki niti. Uka li paka. Kukaba Kuungelwa kwa Keleke. “Ikaba cwani kana?” Hani zibi, kono Uka ibonahalisa. Manzwi a Hae ki a niti. Ku kaba ni Mileniamu. U ka ibonahalisa, Kona Linzwi la Hae. Ku kaba lihalimu le linca ni lifasi le linca. Uka si bonahalisa, kakuli Linzwi la Hae libulezi ona cwalo. Mi konji fela baba lukile kona baba kaba kwani. Uka li bonahalisa, hape. Yani ki niti. Kwanda ona bani fela baba bile siemba sa Linzwi le (mwabona, ku kaba siemba sa bona ni kalulo ya bona mwa Linzwi le la lusika lwa bona) kona fela baba kaba kwani. Kakuli, sani kona fela mo siinezi, Yena ki yena Linzwi. Mi musali ki sikamañi? Ki siswaniso sa muuna. Mi Keleke ki—ki sikamañi? Ki siswaniso sa Linzwi. Mwabona, yani ki niti luli. Mwabona? Konakuli ikaba kwani, ona cwalo luli. Kwanda balumeli ba niti fela mwa Linzwi la Hae kona baba ziba Se mi bakona ni ku Si lumela. Mi Mulimu wa ba tusa kuli ba li bonahalise, yani ki niti, kuli ki niti.

<sup>233</sup> Kana cwale mwa lumela Cwalo? Kana mwa lumela Sani njii? Haiba kucwalo, mu yeme ka tumelo mi muswale sapalo sa Hae, kakuli Usweli kufita ka nzila ye. Uka bonahalisa kuli Wa swana

maabani, kacenu, ni kuyakuile, Maheberu 13:8. "Amubone, Ni inzi ni mina kamita, kuisa kwa mafelelezo a lifasi," Mateu. Mi Yena ki Muprisita Yomutuna, kuya ka Maheberu, Buka ya Maheberu, kauhanyo ya 4 ni timana ya 15, "Ki yena Muprisita Yomutuna ya kona ku swalawa ka maikuto a matuku a luna." Kikuli mwa lumela cwalo? Mu nanuhe mu swale Mulena. Yena uteni kamita, "Amubone, Ni inzi ni mina." Mutualime mwahala masika kaufela. "Mubonahalise lika kaufela. Mu kumalele ku ze lukile."

<sup>234</sup> Cwale, haiba mu ba siemba sa keleke ye sa lumeli kuli Wa swana maabani, kacenu, ni kuyakuile, wa swana mwa mikwa kaufela, mu sabe ku zona. Mubonahalise!

<sup>235</sup> Cwale, lu bulela kuli U zuhile kwa bafu. Ne ni sa buleli kuli, Linzwi ki mo li bulelezi. Se baize, "Na zuhile kwa bafu." Na bulezi kuli Wa swana maabani, ni kuyakuile. Mwa lumela cwalo? Na sepi size kuli lika ze li ka ezahala mwa lizazi la maungulo, kuli yena Mwana mutu ya swana uka bonahala.

<sup>236</sup> Cwale, muhupule, kuli yani ne si Jesu ya na ambola ni Abrahama kwani, yana konile kulemuha milelo ya Sarah kwa mulaho wa Hae. Yani ne si Jesu, Na si ka pepwa kale. Kono neli Mutu mwa nama ya butu, yo Abrahama na bizize kuli "Elohim, Yamata kaufela yomutuna." Kubonisa... Mi Jesu ali, "Sina mone kuinezi mwa mazazi a Sodoma," cwale mutualime hande, "mwa mazazi a Sodoma, kona mo ku ka bela ka kutaha kwa Mwana mutu, foo Mwana mutu ha ka patululwa." Isiñi hape kuba sina keleke, mwabona, isiñi hape; kubizwa kuli Munyaliwa, mwabona. "Mwa lizazi la ka patululwa Mwana mutu." Sikamañi? Ku tamahanya Keleke kwa Toho, kuswalana, kwa linyalo ku Munyaliwa. Pizo ya Munyali ikataha ku to utwahala ka yona, fani Mwana mutu ha ka taha ni kutaha mwa nama ya butu ku to tamahanya zepeli hamoho. Keleke ilukela kuba Linzwi, ki Yena Linzwi, mi zepeli li swalana hamoho, mi, ka kueza cwalo, si ka lwala ponahazo ya kupatuluha kwa Mwana mutu. Isiñi mutu wa lituto za litumelo. Ha—Ha ni zibi, Ha... Kana mwa bona se Ni talusa? Mwabona, ki Mwana mutu, Jesu Kreste, ya ka taha mwa nama ya butu mwahala luna, mi uka eza Linzwi la Hae kuba la niti hahulu kuli li ka tamahanya Keleke ni Yena kuba alimuñwi, Munyaliwa, mi kipeto Uka ya kwa Mulalelo wa Sinawenga. Amen. U tamahani kale, mwabona, lu ya kwa Mulalelo wa Sinawenga, isiñi kwa linyalo. "...muikutwa mubili...mina bañi, kwa nama kaufela ya baana baba mata, kakuli linyalo la Ngunyana litile." Kono, Kuungelwa, ki kuya kwa Mulalelo wa Sinawenga. Mi, Linzwi fa litamahana ni mutu, mi bababeli bao baba alimuñwi. Mi cwale sieza sikamañi he? Li bonahalisa Mwana mutu hape, isiñi baituti ba lituto za litumelo. Kono ki Mwana mutu! Linzwi ni Keleke li ba nto iliñwi. Kaufela sa na ezize Mwana mutu, Nali yena Linzwi, Keleke ieza lika ze swana.

<sup>237</sup> Na ipatuluzi cwani Iliyena mwahala masika? Ka bapolofita, bene ba bulela Linzwi, bene ba ziba milelo ya bona. Kona mwa Na zibahalezi, cwalo. Na sepi sizwe kwa lusika lwa keleke, ataha mwahali mwani “kusina busihu kamba musihali,” kono ka nako ya manzibwana fani Mwana mutu ha ka patululwa. Li ka taha hape. “Ku kaba Liseli ka nako ya manzibwana.” Mwabona? Ki sikamañi Sa eza? Kubonahalisa Linzwi la Hae.

<sup>238</sup> Cwale mutualime kwa mulaho, kana Na tile sina mwalyanjo, kikuli Na tile sina mo ne ba bulelezi, kuya ka mwalyanjo, nitaluse? Kikuli Na tile ona cwalo mwa Na bulelezi? Mutualime kacenu, Na bonahalize Linzwi la Hae hakuna taba kamba baba sa lumeli neli babakai, ku sa lumela mwa bulapeli, kusa iseza pilu, U sa taha ona cwalo, inza bonahalisa Linzwi la Hae. Ki luna ba, kutaha mwa lusika lo lwa likeleke kaufela ni zeñwi cwalo, lu zwile kwateni sina mo ne ba ezelize kuzwa ku Malaki ku to fita fa kutaha kwa Kreste. Bapolofita kaufela ni babañwi ne se ba felile kale, mi ne ba keni mwa lituto za butuna ni zeñwi cwalo, kono, ona cwalo fela, mutualime mufuta wa mutu ya Na lumile. Ona cwalo fela inge Elia, ya toile mikwa ye masila ye maswe ya basali, ni bene ba ipentaka hahulu, pauda ni misili yeminwi ya kwa meto ni lika zeñwi zani. Mi baana ba lituto za bulapeli, aba bulaya kwa silyo ni nzohoto. Azwa mwa lihalaupa, na si ka lumelelana ni yomuñwi kaufela wa bona, mi ali, “Mesia u mwa nzila. Ni ka Mu ziba Ha taha, Ni ka Mu zibahalisa. Amen. Musike mwa kala kunahana kuli mu ba siemba *se kamba sani*.” Inge fela mwa na ezelize Elia!

<sup>239</sup> “Mi mwa mazazi a mafelelezo, ku ka ezahala, i si kaba kale lizazi le li sabisa la Mulena, kuli Ni ka mi lumela sani lizazi le lituna le li sabisa la Mulena li si ka taha kale, Ni ka be ni mi lumezi Elia mupolofita, mi uka kutiseza Tumelo ya bana kwa bashemi ba bona.” Mi amutalime, Tumelo ya bashemi kwa bana, Majuda. Mwabona? Sepiso ya bona Mañolo, Bamacaba ni ko ne ba wile. Mutualime ku zepeli zani ka kuswana fela, ona cwalo. Mi fa lwa li bona, Mulimu u bonahalisa Linzwi la Hae.

<sup>240</sup> Halu inamiseni fa nako nyana. Mulimu Yomunde, Yana zusize hape Mulena luna Jesu kwa bafu, ku to bonahalisa Linzwi la Hao, mi Wa pila kacenu, wa bonahalisa Linzwi la Hao. “Amubone, Ni inzi ni mina kamita, mane kuisa ni kwa mafelelezo,” sipaka Linzwi la Hae. “Jesu Kreste, ya swana maabani, kacenu, ni kuyakuile.” (Kambe ne kusina “kamita,” mwendi ne mu ka—ne mu ka sitatala ku zeñwi za teni.) Ha ni si ka tuhela kutoloka cwalo, Mulena. Kono, *kamita*, ba ziba, fela ki “ka—ka nako nyana fela.” Mi cwale kasamulaho wa lusika lo, hakusana kuba ni kamita yeñwi hape, ikaba Kuyakuile. Konakuli Nali Mulimu ya swana yanali ku Mushe ni mwa bapolofita. Mi ki Ha taha kasamulaho wa nako nyana, ni ku toipo—...—haza Iliyena kwa... ku iponahaza Iliyena kuba

Mulimu mupolofita. Mi cwale hane luna ni nako nyana, mi Wa taha hape. “Yaswana maabani, kacenu, ni kuyakuile.”

<sup>241</sup> Lu nahana ka ze, Solomoni, mwa mileniamu yomutuna yani wa Majuda, kuli fani hane kusina na ha ye ne ika nyamatala ku ba swala, mi ni mpo yetuna ya Mulimu yani neili ku mupolofita kufitela a zibahaza ku mulena wa musali likunutu za hae kaufela za pilu ya hae, hakuna sa na mu patezi. Lusika lo lutuna, kubonisa ni ku swanisisa kuli nekuna ni Lusika lo lutuna lone lu taha.

<sup>242</sup> Mi cwale, Ndate, yani neli Wena, isiñi Solomoni. Yani neli Wena ku Jesu, kakuli Na ize, “Mulimu nali ku Kreste, inza kutisana ni lifasi ku Yena. Nali yena makalelo a pupo.” Mubili wa hae neli pupo ye liuluzwi. Mi cwale mwahala masika a likeleke na latehezwi ki lilato la ona la pili, mi cwale mwa mazazi a mafelelezo U sepisize kubiza kakwata nyana, ili Mutapio omunyinyani, kwa mazazi a maungulo.

<sup>243</sup> Ndate, lipilu za luna za tulaka, mi pilu yaka isweli ku sita, ha Ni nahana ka zani ni kuziba kuli Manzwi a Hao ki a niti, hakuna nihaiba leliñwi le Ona lelika palelwa. Batu ba haba utwisise sani kacenu, mi ni muezalibi ha Ku bate ka hola ye, minyako isika kwaliwa kale mi hakusike kuba nako hape. Tuhela kuli Munyaliwa, hanza kala kuzwa mwa muzamao o swanelia wa se ni *sani*, kambe na ka kutela mwa muzamao hande sina pono mo ne iboniselize libiki nyana za kwa mulaho.

<sup>244</sup> Na Ku lapela, Ndate, kuli ufuyole cwale, ni kufolisa bakuli. Kuna ni masila abeilwe fa, litaulo ze zwa...ze zwelela kwa libaka zeshutana. Mi cwale, mwa Mañolo, Ne kuizwe, “Ne ba ngile masila ni liapalo, litaulo, mwa mubili wa Paulusi, mi ne ba li isa kwa bakuli, ni Mulimu na ba folisa.” Cwale, lu ziba kuli ha ki luna bo Muñoli Paulusi, kono lu ziba kuli ne si Muñoli Paulusi, neli tumelo ya sicaba ku yena kakuba mutanga Hao. Mulena, sicaba se ne ba si ke ku zamaya ba koboca mwahala mianda anda ya limaili ze kambe ne ba sa lumeli. Yolisa tumelo ya bona, Mulena, hanze Ni...isiñi ku toza litaulo (Paulusi na si ka li toza oli, na ngile za fa mubili wa hae), hanze Ni swala litaulo ze, Mulena, isiñi kuli mubili wa ka (kakuli ki omunde), kono ki sibyana sa Hao se si liuluzwi, kacwalo Na lapela, Mulimu, kuli U kuteke tumelo ya bona. Mi mutu ni mutu wa bona a foliswe, bakeñisa Mubuso wa Mulimu. Cwale, Mulena, Liñusa le li telele, ni sa talusi kuli lifitelele ka mizuzu nyana, kono li fitelezi kukena mwa lihola zepeli ni zeñwi fahalimu. Cwale tuhela kuli bakuli ba foliswe, Mulena, tuhela sicaba kuli sibone kuli Utensi mo, kuli ha Ni si ka ipulelisa fela ka na ninosi. Ki Wena, Mulena. Na lapela ka Libizo la Jesu. Amen.

<sup>245</sup> Cwale, ka mizuzu fela mwendi ye lishumi. Ha ni zibi... (Kana—kana mufile amañwi kwani, neli sikamañi?) Billy na bulezi kuli ufile kwateni amañwi. Ne ni mu bulelezi kuli

aeze cwalo kakusasana wo. Mi Ni tile fela ka mizuzu nyana kasamulaho se ni ba kwamulaho kwani, mi ha Ni si ka ba ni kolo ya ku mu buza, kakuli ne Ni ambola ku Muzwale Ben ni babañwi kwani. Ha ni si kaba ni kolo ya ku mu bulelala. Uni bulelezi fela kuli u file kwateni amañwi. Kadi ya tapelo B, ki mwanda... (Alimumu kuisa fa mwanda?) B. Kihande, halu, Na lumela, kadi ya tapelo ya pili, B. Ki mañi yana ni B? Kana mwakona... Haiba mwakona ku yema, munanule lizoho la mina, haiba mwakona ku zamaya. Ki musali yomuñwi kwa mulaho. Ku lukile, B, nombolo ya pili, nombolo ya bubeli, yabulalu, yabune, yabu ketalizoho, amutahe neku *le*. Mi Ni ka kupa fela kuli banana ba batahe ba to inela kwanu kwa pata kwamulaho kwanu cwale. Ku lukile. Cwale, cwale Na mi bulelala, amu ba lume, mu zamaye cwalo mwa kanzila kao, mina sicaba kukala ku wa pili kuisa kuisa ku wa bu ketalizoho, mu fite cwana mi mutahe ka mukwa o mi mushetumuke. Bao baba li mwa kanzila kao, haiba ba kona, batahe ona cwalo kwanu bukaufi ni lipula za bona. Cwale, bana baba nyinyani baba inzi kwanu, mutahe ona kwa mulaho kwanu kwa katala. Ni bata kuli ba tahe bainele kwanu, kuli sicaba, Ni kone ku ba lapelela.

<sup>246</sup> Cwale, halu boneñi cwale. Na bona. Ki bomañi bo Ni buzize, alimumu kuisa ketalizoho, nji cwani? Alimumu, bababeli, babalalu, babane, babaketazoho. Alimumu... Mutu kaufela yana ni kadi ya tapelo kafo, alimumu kuisa fa ketalizoho, munanule mazoho a mina, mubone haiba kaufela bona ba nanuhile mi bayemi. Ki bani ba libamu, bababeli, babalalu, babane. Ni sialezwi ki alimuñwi. Alimuñwi, bababeli, babalalu, babane, babaketazoho, mwa B. Mina kaufela ki alimumu, bababeli, babalalu, babane? Alimumu, bababeli, babalalu, babane? Wa bu ketalizoho uinezi kai, B? Ketalizoho, kuta kwa mulaho kwani, kezeli. Ku lukile, sha, zamaya kwa tuko neke lani. Ona foo. Mukutele kwa mulaho mi mutahe sincia, ketalizoho. Silezi, supile, eiti, naini, lishumi. Ku lukile, B, kadi ya tapelo yabu silezi, supile, eiti, naini, lishumi. Mwabona, lueze cwalo, kona kuli hamuna kulyangana kasamulaho. Silezi, supile, eiti, naini, lishumi. Cwale Ni nani... Na sepa. Kikuli muna ni kadi, sha, wena ya yemi fa? Supile? Ku lukile, zamaya kwa neku lani, u yoba ni bona. Nina ni fela bababeli, Sa sepa, kwani. Ku lukile, silezi, supile, eiti, naini, lishumi, kadi ya tapelo ya bu silezi, supile, eiti, naini, lishumi. Nina ni fela amabeli, ki ye... Muna ni iliñwi, sha? Ki fo he cwale. Ki bani fani. Lishumi, ilebene, twelufu, setini, foutini, fifitini. Cwale fo ikaba alimumu, bababeli, babalalu, babane, baketalizoho. Ku lukile, sikisitini, seventini, eitini, naintini, twenty. Alimumu, bababeli, babalalu, babane, cwalo. Ku lukile, twenty, twenty wani, twenty tu, twenty sili, twenty fo, twenty faifi. Alimumu, bababeli, babalalu, mufite kwa tuko neku le, sha, myue ona cwalo mupotolohe, mukene mwa mukoloko, twenty faifi, twenty faifi. A mu batuse fo, mutuhele baye ka nzila ye kamba yaale mo babatela kuzamaela.

Ki fo he, muzwale, ki kwanu, ba mi kwalulezi nzila kwanu. Batu ba mi siyezi nzila kwanu. Amu ba tuse mwa kuzamaela kafo, haiba mukona. Mutuhele ba ye kwa mulaho cwalo ni kukena mwa mukoloko kwani. Na mi bulelela, mu ba inisefafasi foo, mi nombolo ya hae haika bizwa, mu ka ba beya mwateni. Mwabona? Habaka kena mwa nombolo, muba beye mwa mukoloko. Ku lukile, Ni sepa kulikani kona fela baba—baba swanela ku ya cwale.

<sup>247</sup> Cwale, ki babakai mo babasina kadi ya tapelo, mi mwa sepa, kuli mu—kuli mwa ikolwisisa kaniti kuli Mulimu wakona kufolisa bakuli? Munanule mazoho a mina. Kana mwa lumela cwalo? Ki babakai mo babazwa kwa...mina babaziba kuli hakuna se Ni ziba ka mina, bao ni sa zibi za matuku a mina? Kibao—kibao sicaba fa cwale, tabernakele yaka, ku yomuñwi wa mina baenyi, ku tata kubona nihaiiba kuli Ni bone alimuñwi, kwanda bakutazi ba. Fafasi fani Ni bona mutu ye Ni ziba. Ha ni inangi kwanu nako yetelele, mwabona, mi bona ki batu fela baba zwa kai ni kai. Ki babakai mwahali mo...Ni mi bonise zona. Ki babakai mo baba ziba kuli Na hakuna ze ni ziba ka mina? Mu nanule mazoho a mina mwahalimu. Amatalime kwanu. Mwabona? Mwabona? Leo ki lizoho la mina fapila Mulimu, mwa bona. Hakuna se ni ziba ka bona. Cwale, Hani zibi haiba Ni ka kona kubiza mutu mwa mukoloko wa tapelo sina cwana, bao Ni zibile, kono ha Ni koni kuziba se ba tezi kwanu. Mwabona, ha Ni koni kuziba se ba tezi kwanu.

<sup>248</sup> Cwale se Ni lika kueza ki kuli mubone se, cwale mubone, “Misebezi ye Ni eza muka ieza ni mina.” Kana mwa lumela cwalo? Kikuli mwa lumela kuli Uka bonahalisa Linzwi lani? Ku lukile. Kikuli Na bulezi kuli Uka i patulula Iliyena kakuba Mwana mutu kwa mafelelezo a lusika lwa keleke? Ki babakai? Mi ni lifasi li ka talimela, libe mwa buino bwa Sodoma ni Gomora? Kana mwa lumela cwalo?

<sup>249</sup> Cwale, Billy, kiñi ha u sa ba tuheli fela batahe kwanu? Eehe, ku lukile. Kihande, kulikani, ku lukile.

<sup>250</sup> Kwa—kwa mafelelezo a lusika, Uka ipatulula Iliyena. Cwale, mutualime, kikuli mwa lemuha cwalo, cwale, kuli ha ku konahali? Cwale, kuna ni batu baba yemi mwa mukoloko wo, bao Ni si ka bona kale mwa bupilo bwaka. Kuna ni batu babainzi kwani, bao Ni si ka bona kale fateni. Kono, muhupule, Maheberu 4:15, Na lumela ki yona, ye bulela kuli “Yena ki Muprisita Yomutuna cwale yakona ku swalawa ka maikuto a matuku a luna.” Ki niti yeo nji? Cwale, haiba Yena ki Muprisita Yomutuna, kona kuli ki Yena Maheberu 13:8, kanti, “Ya swana maabani, kacenu, ni kuyakuile.” Ki niti yeo nji? Cwale, Uka ipatulula cwani Iliyena? Sina ha Ni mi bulelezi, Yena ubulelanga ka bapolofita ba Hae. Yena kamita ulumanga li—li—li liñusa kusika ba kale katulo. Ona lika ze kaufela, Yena ha cincangi linzila za Hae.

<sup>251</sup> Na ketile mwa simu ya Edeni, mwa na Ka piliseza mutu, kuya ka kusulula mali nto yesina mulatu. Ali kuba acince fateni zeo. Lwa lika ku li cinca, kuya ka tuto, kuya ka tawala ya Babele, kuya ka mileneñi yemituna, ni lika zeñwi ze cwalo. Lwa lika ku li cinca, kono ha lina kubeleka. Lwa ku li cinca, ka kukenya lifasi mwa tuto ya Hae. Lwa lika ku li cinca, ka kopano ya batu. Ha li si ka beleka fateni. Ki sibaka silisiñwi fela seo mutu aka kopanela teñi mwa kulapelela, mwatasa Mali. Likopano za mina li ka mi aba fahali, kono mwatasa Mali mwa swana. Yena ha cincangi.

<sup>252</sup> Cwale, haiba nji Yena ki Muprisita Yomutuna ya sa cinci, mi ili ya swana maabani, kacenu, ni kuyakuile, kona kuli Una ni kubuluka Linzwi lani. Isiñi kakuli lu bulezi kuli U li bulukile, kakuli Na bulezi kuli *Uka* li buluka. Mwabona? Cwale, cwale, haiba *Uka* eza cwalo... Cwale, muyeme fela fa muzuzu fela, munahane. Cwale, ki babakai mwa mukoloko wa tapelo wo baba ziba kuli hakuna se Ni ziba ni se sikana ka mina, mayuku a mina? Fohe munanule mazoho a mina, mwa ziba kuli Na... Ki babakai mwa mukoloko wa tapelo wo baba ziba kuli ha Ni mi zibi? Munanule mazoho a mina.

<sup>253</sup> Mutualime mwahala sicaba, mwabona. Cwale, mina kwande kafo, hamu lukeli kuba mo, mu swale fela sapalo sa Hae. Mu bulele fela, kuli, "Mulena Jesu, Na Ku lumela." Cwale mubulele kuli, "Na lumela Cwalo. Mi Ni—Ni lumela kuli—kuli Wa kona kupatulula ku Muzwale Branham, kakuli..."

<sup>254</sup> Cwale, isiñi kakuli ki Muzwale Branham, yena ki mutu fela inge babañwi. Mi mane haiba Kuungelwa kuezahala kakusasana cwana... Mu nahana za Kuungelwa? Haiba nji Kuungelwa ku ezahala kakusasana cwana, Ni bulela se ka kuishuwa, hakuna kukakanya kuli licika la puteho ye, haiba ne lukaya ka—ka liswanelo, kuya ko lu lukela kuba, licika la mina ne mukaya na ni si kaya kale. Yeo ki niti. Ha ni... Mutualime fa musebezi o Ni nani, ni kamo—kamo Ni ulwalela ka lisheha. Na ni mutanga ya sina tuso ku Kreste, kuziba se Ni ziba ka Yena mi ni kupila ka mo Ni pilela; isiñi ka butanya, isiñi ka masila, hakuna ze cwalo, Mulimu uziba kuli yeo ki niti. Mwabona? Ni lika ku pila ka swanelo, kono Ni—Ni—Ni bona fela kuli Ni palelwa kutuhela taba yateni. Mwendi kambe ki yomuñwi, mwendi ki ya itutile hahulu kamba zeñwi cwalo, na ka kona ku li tisa kwa sicaba. Kono he kuna ni taba ya kulemuha, ha ki batu kaufela baba ka li utwa, nihakuli cwalo. Mwabona? Mwabona? Mwabona, Wa ziba Sa ka eza. Kacwalo Ni ipeya fela ku Yena ni ku bulela kuli, "Mulena, Ni mwa mazoho a Hao, eza ku na ka Mo bonela kuli ki swanelo." Cwale, haiba Jesu Kreste ki ya swana maabani ni kuyakuile...

<sup>255</sup> Cwale, Ni sepa Na ziba musali. Hani hupuli fela kuli ki yena mañi, kono Na mu ziba. Na mu ziba, ka mukwa omuñwi. Kono Ni boni fateni sifateho sa hae, kono Ha—Ha ni zibi kuli ki mañi ka nako ya cwale. Kono Na—Na—Na mu ziba, ka mukwa omuñwi.

Kana ha u ni zibi? Uh-huh. Ne—Ne ni hupula, ha Ne ni talima fa sifateho sa hae, Ne ni hupula kuli Na muziba, kono ha Ni koni kupunda libizo la hae. Kono Na lumela yena . . . Kikuli bo muuna hao . . . Kana ha ki wena musali ya sebeza kwa . . . Bo muuna hae ba sebeza kwa Sebene—Sebene—Sebene . . . kamba Sebene—Ilebene, kamba nto yeñwi ye cwalo, kwani kwa New Albany. Musala bo Agan, yani ki niti. Cwale, u bile kwanu, wa tahanga kwa keleke. Roy, ha ki kona ko ne luile kwani zazi leliñwi la . . . Kana yani—kana yani kona ye inzi fa lilundu? Ubulela cwani? Kezela hae. Yani neli, cwalo kona, mwabona. Ni hupula Roy ni Na ha ne lu zamaya ni mota cwalo, mi abulela libizo lani, mi Mulena a ni luna kwateni ni ku folisa musali yani ona kwani. Eeni, sha, mi kona Ni hupula cwale.

<sup>256</sup> Cwale, kono kuli ni zibe ze fosahalile ku wena, Hanina mukwa. Wa ziba cwalo. Kono haiba Mulena Jesu wa kona ku mu bulelela sika sa ezize. Kamba haiba mwendi una—una ni butata bwa masheleñi. Mwendi yena ni bo muuna hae bana ni butata cwalo, mwendi ki yena ni bana ba hae, mwendi ki alimuñwi wa bana ba hae, haiba nji una ni bana, Hani zibi. Kono haiba unani, mwendi yomuñwi kwa bana ba hae usweli—usweli ku nyanda. Mwendi uyemi mo kuli a to ziba nto yeñwi ka zona. Hani zibi. Hanina mukwa wa kuziba ka ona. Ha—Ha—Ha ni koni kuku bulelela. Kono Yena wa ziba. Mwabona? Kacwalo, mwa bona. Wena bo?

<sup>257</sup> Muteeleze, cwale muutwe hande ka tokomelo. Hani si ka bulela kale taba ye fapila sicaba pili, kono Ni ikutwa ku zamaiswa kuli ni bulele cwalo. Linzwi ki sikamañi? Ki muhupulo o bonahalisizwe. Cwale, Ni kona cwani ku bonahalisa muhupulo wa hae, kamba Ni kona cwani ku bonahalisa ku yena seo mihipulo ya hae ili yona? Ilukela kuba mihipulo yeñwi ye se bulezwi kale, mi hakoni kueza cwalo. Kacwalo Ni lukela kubonahalisa mihipulo ya Hae, mi haiba I lukile. . . Haiba ki muhupulo wa Mulimu, ukaba o lukile; haiba ha ki mulelo wa Mulimu, kona kuli hauna kuba o lukile; uka u ziba, mu ka u ziba, mi lu ka u ziba. Mwabona, hakuna mukwa fela wa ku potoloha. Si lukela kuba Mulimu kamba ha ki Mulimu. Muhau wa Hae wa lu likana. Cwale mwa lumela, cwale, mutu kaufela.

<sup>258</sup> Mi ki babakai baba ka lumela? Kihande, mwendi ha mu si ka bona kale ulimuñwi wa mikopano, kono kana muka lumela haiba Mulimu aeza seo? Mi cwale mina kwande kafo cwale, mina babasike kuba mwa mukoloko wa tapelo, mu—mu lapele, ni mina, mwabona. Kamba, ni mina, haiba mutaha mwa tapelo, ha Ni na taba kuli ki wena mani, mu lapele fela.

<sup>259</sup> Mulena Jesu, cwale Ni ngile nako yeñata, kono ki sebelezo ya Hao, Mulena. Mi Ni ezize lika kaufela ze Ni kona kueza ka butu, kono Wena ki wena Mulimu, cwale ze siyezi li mwa mazoho a Hao, Ndate. Ha ku zibahale kuli Wena ki wena Mulimu, mi Linzwi la Hao ki la niti. Bonahalisa Linzwi la Hao, Mulena, la

lizazi la mafelelezo le foo Mwana mutu ha ka patululwa. Na itibahalize cwani Iliyena? Nali yena Linzwi. Linzwi ki sikamañi? Ki mulemuhi wa milelo ni maikuto a mwa pilu. Na lemuhile milelo ya bona, na bulelezi Petrosi, Filipi, Natanae, musali wa fa lisima, kaufela babañwi kwani, kuli hane tile, na zibile kuli musizana yani na lobezi, isiñi kushwa. Na lapela, Mulimu, kuli U ka itusisa tabernakele ya luna ye ishuwile kacenu, ya lifasi mubu ye, kuli Uikeze Iliwena ku zibahala. Ka Libizo la Jesu Kreste. Amen.

<sup>260</sup> Cwale ku folisa, Na hani koni, mwa ziba cwalo. “Mpo ki sikamañi, Muzwale Branham, ki sika so mu amuhela?” Batili. Ki nto ya kuziba mwa kuzwela mwa nzila. Mwabona? Haibile fela mu ipeya fateni, haina ku beleka. William Branham ki yena sila sesituna se Ni nani. Mwabona? Kono ha Ni mu zusa mwa nzila, mwabona, kona kuli Jesu Kreste wa kona kuitusisa mibili. Mwabona? Mwabona, cwale, Ni tile ku musali yo. Cwale ku ezahala sikamañi? Cwale mu bulele haiba—haiba wa—haiba na kula.

<sup>261</sup> Ki yo fa kalibe ya kambekile liutu la hae fa—fa sipula. Cwale, haiba Ni . . . haiba Jesu na kaba fa, ni kuya ku yo swala mazoho a Hae ku musali yoo, liutu lani ne li ka fola. Hakuna ku kakanya ka sona. Kono, mwa bona, luna lu batu ba butu ba mazoho a masila. Mazoho a hae a kenile, Mulimu u Mu pakile. Nali yena Linzwi. Mwa lumela cwalo? Luli, Na sa kakanyi. Na ka beya mazoho a Hae ku yena, na kali, “Mwana ka, u foliswe,” mi na ka foliswa. Kono he Na lu lumile kueza nto yeswana. Ni sepa kuli U sa li bonisize kale.

<sup>262</sup> Cwale, kucwani ha Na ka nifa pono, ni kubulelela musali yo sa kueza? Kuli, kihande, Ni lumela hane Ni ka beya mazoho a ka ku yena, na ka ba hande. Kikuli mwa lumela cwalo? Kono kucwani kambe Na si ke kufa pono? Pono neika eza sikamañi? Ini fanga fela tumelo. Ku shimbulula tumelo yaka, ona mata a sa bonwi a Mulimu. Mwabona? Cwale, haiba mina, mañi ni mañi wa mina ha mushwa ka ona muzuzu wo, ne musike kubona kuipona *hamuzwa* mwa mibili wa mina. Ngana ya mina kaufela ya butu, kaufela ze muli zona ne li ka zwa, kono hamukoni ku li bona. Mwabona? Ne u kaba mwa- . . . Mata aeza kuli ni nyanganyisa mazoho a ka, ani ki mata, nji cwani? Ona mata aeza kuli ni nahane, ona mata ani eza kuli ni kutaze, ona mata a ni konisa kupila, kueza lika, ona mata aswana ani akona kutabisa mibili wo ha na ka zwa kono hamukoni kubona mata azwa. Ki mata asa bonwi. Kona mo iinezi ni tumelo! Musike mwa latehisa se. Tumelo! Mi Jesu naize, “Ba ka beya mazoho abona ku baba kula.” Cwale, mwabona, hane Ni kayo ba ni pono ni ku mu beya mazoho, Ni lumela kuli ukaba hande, kakuli Ni boni pono, sepo ya ka inzi mwa pono. Kono kucwani ka Lizwi? Ku mu beya mazoho ka tumelo yeswana. Pono ifiwa fela kwa ku tabisa tumelo yaka ka mata. Ka tumelo yeswana kusina pono, ika

beleka fela ka kuswana. Batu babañwi ba filwe tumelo yetuna. Babañwi habana tumelo ya mufuta o cwalo wani, ba filwe lipono kuli libafe tumelo yani. Mwabona? Cwale, mwabona, ikaba ona mazoho a swana a masila ani, ibe yena mutu yaswana yani, kono ki ku ba beya mazoho fahalimu.

<sup>263</sup> Cwale, mutuhele kuli Moya o Kenile upake Kubateni kwa Hae, upake Linzwi la Hae la Na sepi size. Cwale, Ni libezi libizo la hao. Ki wena mañi libizo, cwale? Agan. Kihande, Na ka ni bulelela sani kambe Na lata, mwabona, kono Ni bulela fela kuli Ni—Ni ziba kuli Na ku ziba. Cwale, a kutahe fela kwanu fa muzuzu fela, fa kaufi nyana, kuna ni batu babayemi kwani baba lapela, mwa bona. Sani ki... Cwale, Musala bo Agan, haiba Ni—haiba Ni mutanga wa Kreste, mi Ni kutalize Linzwi le Ni lumela kuli ki la Niti, kikuli wa lumela cwalo? [Musala bo Agan uli, “Eeni.”—Mu.] Wa lumela sani. Cwale, haiba una ni so tokwile, Na hanikoni kukufa sona, kakuli Hanina sa ku fa; konji kambe ki masheleñi alikaní cwalo kamba nto yeñwi, kamba Ne ni ka yo ambola ni muuna hao kamba bana kamba balatiwa ba hao kamba nto isili, Ne ni ka eza. Kono haiba no tokwa foliso, Hani koni kukufa yona, zeo li lukisizwe kale. Kono kuya ka mpo, Ni kona kukutusa kuli u lemuhe, haiba una ni tumelo, kuli zeo li lekilwe kale, kakuli Yena ya Na li lekile, yena anosi fela Yo ulukela kuba tumelo ku yena, ki Mwana Mulimu. Muleki wa zona uyemi ona mo. Mwabona? Ki niti yeo? Muleki wa zona utwni mo.

<sup>264</sup> Cwale, wa ni ziba ka kuba muzwale, wa mukutazi, mi Ni kuziba kakuba kezeli. Lu Mu ziba kakuba Mulimu. Cwale, haiba nji Mutu ya sa bonwi yani, ka mpo ye Ni nani ya kuli ni zwe mwa nzila, aka ni bulelela, ku ku bulelela kufitela ku na, ka milomo yaka, mwabona. Cwale, ha Ni lapela, Mulimu ha boni na, Yena uutwa fela linzwi laka kuya ka Mali a Jesu. Mwabona, Ha boni na, Yena uutwa linzwi laka. Mi Mali ani kwani ayemela se Ni kupa. Mwabona? Konakuli U utwa linzwi la ka, kono Yena ubona fela Mali. Mwabona, Ha boni na, kacwalo ha Ni koni kuba ni masila ha Ni inzi mwataswa Mali. Mali a kenisa. Mwabona, Yena ki sitabiso mwahala ka ni Mulimu, mi na sepi size kuli, “Mukupe Ndate sika kaufela, Ni ka si eza.” Kana mwa lumela seo kuba niti?

<sup>265</sup> Cwale, haiba mutu kaufela...mo ku bonahalela...Kana mwabona se si ezahala? Amutalime, kutaha mwahali mo, kuna ni Liseli, lelihubelu, le li sweli kupikuluha.

<sup>266</sup> Cwale hakoni kupata kambe na ka kona kupata. Batili, batili. Utensi mo bakeñisa taba yeñwi yetahile ka lika zeñwi ze ezahalile ku wena. Ubile ni katabi, mi no keni mwa sipatela. Ubile mwataswa tende ya okisijini. Mi ukuliswa ki linepo zetahile ka zona. Uka ba hande. Jesu Kreste uka ku folisa, Na bona cwalo. Zwelapili cwalo, unzo lumela. Zwelapili cwalo, unzo lumela fela, Kezeli Agan. Ni ka ku beya mazoho, ka Libizo la Jesu.

Mulimu aku fuyole, kezeli. Zamaya, ube ya tabile cwale, usike wa kakanya ka Sa bulezi.

<sup>267</sup> Uikutwa cwani, kezeli? Ha—Ha ni sepi kuli Na ku ziba. Lu baenyi. Cwale, ki yo fa musali ye Ni sa zibi. Ha ni ku zibi. Hanina mukwa wa ku ku ziba ka ona. Kono kana wa lumela kuli Mulimu wa kona kupatulula ku na, kuya ka Linzwi la Hae, kakuli, bona, kakuli Na sepisize cwalo? Wa lumela kui Wa kona ku ni bulelela sesiñwi ka wena? Mi seo si ka kueza kuli u lumele, ki niti njí, ka kuziba kuli ha ki na, muzwale wa hao, ikaba Yena, Mupulusi wa hao. Kana wa lumela cwalo? Ulibelezi kuya kwa kupazuliwa. Ubulelezwi kuli ulukela ku yo pazuliwa. Kana wa lumela kuli Wa kona ku ni bulelela so ka yo pazulelwa? Ki mwa mba, mi ki mwa mala. Yeo luli ki niti. Ubata ku picuka zeo. Kikuli wa lumela cwale, ka Moya wo fa, ona Moya wa Kreste o lubeile mwahali ni ku yema fahalimwa ka . . . ? Uziba kuli sesiñwi si ku bulelezi, kakuli Na hani ku zibi. Kana wa lumela, ka kubeya mazoho, seo si kona ku shimbulula tumelo ye Ni lumela ku yona, hamoho ni wena ni tumelo ya hao, mi fapila Mulimu, Ndata luna, uka foliswa? Mi, Mulena Jesu, Ni utwela litaelo za Hao, ha No ize, “Lisupo ze li ka latelela baba lumela. Haba ka beya mazoho ku baba kula, ba ka foliswa,” kezela luna ha foliswe kwa kanya ya Mulimu; ka Libizo la Jesu, amen. Cwale u zwelepili, usike, ubilale kwateni ka zeo, mwabona, uzwelepili unzo lumela ka pilu ya hao kaufela.

<sup>268</sup> U ikutwa cwani? Ni bulela fela cwalo kuli ni lemuhe moya wa hao, kalibe. Inge fela Jesu mwa na ezelize fa lisima, ali, “Ni fe kwa mezi.” Cwale, Na lumela . . . Hani lumeli kuli Ni kile na kubona fateni, Ni lumela kuli u munyi ku na. Ki niti yeo njí? Haiba yeo ki niti, nanula lizoho la hao kuli batu ba bone. Hani mu zibi kalibe yoo.

<sup>269</sup> Ye ki foliso ya niti, ki tumelo ya niti, Mañolo a niti, Linzwi la Mulimu le li si ka zwakiwa le li iponahalize ni kupakiwa kuli Ha si ka shwa. Wa pila kuyakuile. “Mi ya lumela ku Na, misebezi yo Ni eza ni yena u ka ieza, mi mulumeli yo uka beya mazoho fahalimwa bakuli mi bao ba ka foliswa.” Oh, mukona cwani ku kakanya zani? Mwabona? Cwale, Na zibile ya na ka lumela ni ya na si ke kulumela, Na hanizibi. Zeo li itingile ku Yena.

<sup>270</sup> Kono cwale haiba kalibe ki muenyei . . . Na hani mu zibi, nali kuba ni mubone fateni mwa bupilo bwaka. Ki musali yomunyinyani, ki mwanana ku—ku na. Kono Na—Na li kuba ni mu bone. Mi utile kwanu ka mulelo omuñwi. Kana wa lumela kuli lika ze Ni latile mwa Bibele ze, kalibe, ki za Niti? Wa lumela kuli ki za Niti. Mi kana wa Li amuhela njí, isiñi kakuli Ni Li bulezi, kono kakuli ki Mulimu ya Li bulezi?

<sup>271</sup> Wa lumela kuli lupila mwa mazazi a mafelelezo fo Mwana mutu ulukela ku bonahala? Lani ikaba Linzwi kaufela le li kopanyizwe kukala ku Luther, Wesley, Baptist, ni bani kaufela,

ni ba Pentekota, kaufela kukopanela kwa sinulo ya se si bile teni. Lingeloi la busupa ne li swanela kukwalula kunutu ya swayo yabu silezi. Kaufela li lukela kukopana ku Mwana mutu, mutalelela wa Hae wa nako utile kwa mutalelela wa Linzwi la Hae, ku to bonahalisa mutalelela wa Mubili wa Hae. Lani *kona* Linzwi, mi, lani *kona* Linzwi le libulezwi le li bonahalile ka Linzwi, li patulula Linzwi.

<sup>272</sup> Cwale, haiba Mulimu wa *kona* ku ni bulelela matata a hao, ali sona, buli sona nitaluse... U ku bupile, Wa ziba za hao kuafela. Mi haiba Wa *kona* ku li patulula... Ubonahala inge mutu ya iketile mwa mibili. Kono haiba Uka patulula ku na, uka ziba haiba ki niti kamba nee. Kana uka li lumela? Cwale ni talime. Kaniti luli, utinile magilasi, ubile ni—ni ku atinanga. Sani luli ha kisona so tezi kwanu. Ni boni kuli Si kutile kwa mulaho, mwabona. Cwale, utile kwanu bakeñisa mali a kangezi. Mwabona? Mwabona? Kana wa—kana wa lumela Wa *kona* ku ni bulelela fo kuna ni taba yeo? Mwa mautu a hao. Kana wa lumela kuli ki Mulimu yaeza cwalo? Kana wa lumela kuli Mulimu wa *kona* ku ni bulelela zeñata ka wena? Huh? Ki hande kuli u muwnyi, mi Na fela... ni bulele ni wena fa muzuzu fela. Kana wa lumela kui Wa *kona* kueza cwalo, kana wa lumela kuli Wa *kona* ku nibulelela ko zwelela? Uzwelela kwa Gary, Indiana. Kana wa lumela kuli Wa *kona* ku ni bulelela libizo la hao? Musala bo Ogden. Yani ki niti. Cwale ukute kwa hae mi ufoliswe, ka Libizo la Jesu Kreste. Mwabona?

<sup>273</sup> U ikutwa cwani? Lu baenyi ku yomuñwi ni yomuñwi, hape. Na hani ku zibi, mwabona. Kono wa lumela kuli Mulena Jesu wa *kona* kupatulula butata bwa hao? [Kezeli uli, “Na ziba cwalo.”—Mu.] Wa ziba cwalo. Ni itumezi, kezeli. Yeo ki nto yende luli. Ku lukile, kakuli wa ziba cwalo, konakuli, mutuba uka ba hande. Mi una ni—mi una ni—ni se si melile kwa makupo a hao. Yani ki niti, nji cwani? Ubata kuli ni ku bulelele neku la makupo nji? Ki kwa neku la silyo sa hao. Yani ki niti luli. Cwale ikele mwa musipili wa hao mu ulumele, mi ukaba hande.

<sup>274</sup> Wa lumela? Kaniti, ki Niti. Kana wa lumela kuli Mwana Mulimu, Mwana mutu, utile mwahala masika kuya ka mwa Na sepiselize? Kono, fela, kana wa lumela kuli lifasi li mwa mufuta wa Sodoma, ku libelela kucisiwa ka mulilo, inge mo ne kubezi mwa Sodoma? Masodosa neli Bamacaba, muhupule. Kono ona kwani, mwa Sodoma, nekuna ni batu babañwi babande, Mulimu na lumile numwana kuli a ba bize; babañwi ba ku bona ne batile, babañwi ne ba si ka taha, buñata bwa bona ne ba itulezi. Kono ne kuna ni sikuwata se ne siinzi fa lilundu, Abrahama, mi ne kuna ni Numwana yana tile ku yena ku mu bonisa sene si ka ezañala. Na si ke kuba mwahala zona, niteñi. Kono he lifasi li mwa buino bo buswana bwani kacenu, mi Jesu Kreste ki Mwana Mulimu, Mwana mutu, Mwana Davida, mi Na tile ku to iponahaza Iliyena.

<sup>275</sup> Ni lemuhele nto yeñwi ye ezahalile ku musali. Utezi taba yetuna kwanu. Ha si ka tela makulano kwanu. Mwa ziba sa bata kukupa kuna? “Ku mubeya” mazoho, uka “amuhela kolobezo ya Moya o Kenile.” Mwabona? Mwabona? Nji ha ku cwalo? Nanula lizoho la hao haiba ki niti. Mwabona? Mwabona, una ni taba yetuna. Ndate Yomunde yakwa Lihalimu, ufe mwana Hao yo takazo ya pilu ya hae, mi ha amuhele kolobezo ya Moya o Kenile. Mi a I amuhele. Amen. Uka I amuhela, keleze. Mulimu aku fuyole. U Mufe tumbo ni kanya.

<sup>276</sup> Mwa lumela nji? Kucwani ku mina kwande kafo, kikuli mwa lumela, ni mina? “Haiba wa kona kulumela, lika kaufela za konahala.” Ubonahala ya sephahala ka zona, kana wa lumela kuil kukangela kwa mali koo kwa kona kutuhela, ni kona? Wena yainzi fo ya apezi hembe yetala. Nanula lizoho la hao haiba wa lumela kuli li ka kusiya, li ka kusiya. Nali kuba ni bone muuna yani mwa bupilo bwaka, kono nakiti, ki muenyi ku na. Ha ni si ka mubona kale fateni.

<sup>277</sup> Kana mwa lumela cwalo, mina kaufela baba siyezi, sicaba? Cwale, ha mu boni, kuli ilukela kuba Yena nji?

<sup>278</sup> Kansa ha ki nto yetata kuli Mulimu afolise. Wa kona ku ibisa hande, nji Hankoni? Kana wa lumela Uka eza cwalo? Ku lukile, kona kuli, amuhela, ka Libizo la Jesu Kreste. Ulumele fela ka pilu ya hao kaufela.

<sup>279</sup> Lumela, mulatiwa. Wa ziba, Jesu na suluzi Mali a Hae, kuli—kuli mali a hao abe a iketile. Kana wa lumela cwalo? Mulimu Yomunde, Ni fuyola mwana yo, mi haabe ni mali mwa mubili wa hae kuzwelela kwa Kalvari. Zusa shuka yani kaufela mwateri, Mulena, mi tuhela kuli abe hande, ka Libizo la Jesu. Mulimu aku fuyole.

<sup>280</sup> U ikutwa cwani? Kana wa lumela kuli Wa kona kufolisa mukokoto wo ni ku eza hande? [Muzwale uli, “Na ziba Wa kona.”—Mu.] Ku lukile, zamaya, lumela cwalo, ube ni tumelo. Lwa ku beya fela mazoho kuli ukupe cwalo. Mulimu aku fuyole, muzwale.

<sup>281</sup> Kana wa lumela? Na pangile lico, A bupa ni mba ya ku li kaya. Mi sesiñwi ha si fosahala mwa mba mwani, ki Yena Mufolisi wa zona. Kana wa lumela cwalo? Ku lukile, kona fela zo lukela kuziba, ulumele ka pilu ya hao kaufela.

<sup>282</sup> Bakeñisa kuli no nani taba yeswana, uzwelepili fela unzo lumela ka pilu ya hao kaufela, ni wena.

<sup>283</sup> Ki hande, a mu tise kalibe yo kwanu. U i kutwa cwani? Musizana yomunyinyani yomunde, u sa li mwanana hahulu kuli abe ni matuku a sisali. Kana wa lumela kuli Jesu uka ku folisa ku sani? Mulimu Yomunde, musizana yomunyinyani yo, Na kuta sila se ona fa Pila Jesu Kreste, butuku bo bu mu siye, mi a foliswe. Ka Libizo la Jesu. Amen. Ufuyolwe mulatiwa, u kaba hande.

<sup>284</sup> Kana wa lumela? Cwale muluti o munsu u shenyile, lifu. Kansa ha ki... Mulimu wa kona kufolisa kansa ni ku ibisa hande. Kana wa lumela cwalo ka pilu ya hao kaufela? Kana wa lumela kuli Uka ku folisa kwa butuku bo? Ka Libizo la Jesu Kreste, Ni kuta nto ye kutilwe ye mwatasa litapi ze shutana zani, mi Sifapahano sa Kreste si ise kwa hule. Eza kuli bu zamaye, ka Libizo la Jesu. Usike wa kakanya, zamaya, ulumele ka pilu ya hao kaufela. "Haiba wa kona ku lumela, lika kaufela za konahala."

<sup>285</sup> Uikutwa cwani? Kakuli, kuopa kwa hao mwa lingongo ku ka zwa, mi uka ba hande haiba u lumela. Wa lumela kuli uka ba hande mi ukone kuzamaya hape ni kuiketa? Mulena afuyole kezeli yomunde yoo, mi abe ya iketile, ka Libizo la Jesu Kreste. Zamaya, unzo lumela ka pilu ya hao kaufela.

<sup>286</sup> Kikuli wa lumela kuli nto yeswana ya kona ku ezahala ni ku wena? Kihande, Ni lumela kuli iezahalile. Uka ba ni... Haiba ulumela kuli ufolisizwe ona fa. Ni lumela kuli si zwile ku wena, na kasibili. Ka Libizo la Jesu Kreste, tuhela muzwale wa luna azamaye mi abe hande mi aikete, kwa kanya ya Mulimu. Amen.

<sup>287</sup> Kakufelegeza kuezahalile. Wena yainzi fo, inge ulila, kana wa lumela kuli misinga ye opa yeo kwa mainelo ika ku siya? Uinzi ona fa seli licika la hola, kona mo kubonahalezi, ona fapila ka, Uyemi kwatuko fela a muuna yo. Usweli ku lumela, nji cwani? U lumele ka pilu ya hao kaufela, mi wa kona kukutela kwa Texas mi u be hande. Nali kuba ni bone muuna yo mwa bupilo bwaka.

<sup>288</sup> Kana wa lumela kuli mukokoto o munyinyani wani ukaba hande mi uka itukisa ku foliswa? Mulena Jesu, swala nto yenyinyani ye ni kuifolisa, ka Libizo la Jesu Kreste. Amen. Ulumele ka pilu ya hao kaufela.

<sup>289</sup> Cwale Moya wani usutelela fakaufi, U inzi mwahala muyaho kaufela. Kutata kubulela ko kuzwelezi sani, kuikalelwa. Mutuhele ni mi bonise nto yeñwi. Ki babakai babaikalelwa, kwande kafoo, munanule mazoho a mina. Mwabona, kutata kubulela kuli mukete ki mukete. Kono Mulimu wa ziba zateni kaufela, litakazo za mina kaufela. U likile lika kaufela, kutata, ku likoma. Liki zeñata mwa bupilo ulikile ku itoboha, mi ubata kusebeleza Mulimu ni lika kaufela ze li ku wena. Kubonahala kuli kuna ni se si ku kutiseza mwa mulaho nako ni nako. Kana wa lumela kuli si ka ezahala ona fa cwale, kakusasana cwana, uka lukuluha kwa lika ze? Kana wa lumela cwalo?

<sup>290</sup> Ndata luna Yakwa Lihalimu, fakuli babañwi ba babone kuli ki Wena Kreste, yena Mwana a Mulimu, folisa musali yomunde yo ya yemi fa, Ndate, mu kuzise. Kaufela luna lwa ziba sa kula, Mulena, mi lu lapela kuli U mu eze hande. Ha Ni nze ni beya mazoho ku yena ka tumelo kaufela, Nina, hape, nina ni kutisezwa ona fa, kukatala, Satani, ubelekile katata, misinga yaopa ha butuku. Mu siye, Satani. Ni beya mazoho aka ku yena

ka tumelo kaufela ye Ni nani, mu siye, ka Libizo la Jesu. Zamaya, u lumele ku Yena. Sani kona so no bata kuli ni eze.

<sup>291</sup> Ha ni ku zibi, wena u muenyi kuna. Ona mutuba wo, haiba u lumela, uka ba hande. Mi nto yeñwi, wa opa mwa lingongo. Haiba u lumela, ukaba hande. Butata bwa hao bwa mukokoto bu ku siile. Zamaya, ulumele.

<sup>292</sup> Kana wa lumela ka pilu ya hao kaufela? Mo, kuli...ki babakai...Kana ki bona bao kaufela mwa mukoloko? Kana ku sa na ni babañata mwa mukoloko? Mina kaufela mufite kwany kuli Ni beye mazoho aka ku ba ba kula. Halu inamiseni litoho za luna fa muzuzu fela, seli kasamulaho wa wani kiloko. Mulimu Yomunde, Ni beya mazoho aka ku kezela ka, fo ha kusana ni tozo ya Moya o Kenile mwahali mo. Mu folise, ka Libizo la Jesu. Ndate Yomunde yakwa Lihalimu, Ni beya mazoho ku muzwale wa ka...[Hakuna manzwi fa tepu. Muzwale Branham uwelapili kulapelela bakuli—Mu.]...mulumele.

<sup>293</sup> Oh, wena ha u si ka lapelelwa, muzwale? [Hakuna manzwi fa tepu—Mu.]...muzwale, mwa ziba sa ezize? Ki muzumi yomunde wa kale wa liputi. Ubulezi kuli nana ni tobolo yana zumisanga liputi kamita, ubulezi kuli na sa supezi hahulu cwale kuli aye kwa kuzuma. Na bata kutisa tobolo ni ku to nifa yona. Amen. Lu bulele kuli, “Kulumbwe Mulena.” [Puteho ili, “Kulumbwe Mulena.”]

Na Mu lata,...

Musike mwa libala puzo ya mina ye likani, mu ibeye ona cwalo. Haiba nji haina kualabiwa kacenu, muitise la Bulalu kamba la Sunda.

Kakuli Uni latile  
Ni kuleka...

Kana mina kaufela nemuli mwa mukoloko wa tapelo, mukoloko wa tapelo?

... pulusi  
Fa Kalvari.

<sup>294</sup> Munahane ka Mwa bezi ya munati ku luna, cwale. Munahane fela, Wa bonahalisa Linzwi la Hae! Mwabona? Cwale mubone, kambe Na kona kufolisa, ne ku ka shutana, mwabona, kono ki Yena Ya ezize kale zeo. Mwabona? Konakuli Yena ubonahalisa fela Kubateni kwa Hae mo, “Kina ya Na shwile, mi na pila kuyakuile.” Nekusina mutu yaswana ni Yena. Yena nali Mutu ka yena Anosi. Na li yena Mulimu. Mwabona? Hakuna mutu yakile apila inge mwa Na pilezi yena. Hakuna mutu yakile apepwa inge mwa Na pepezwi yena. Hakuna mutu yakile a eza...inge mwa Na ezelize. Hakuna mutu yakile a shwa inge mwa Na shwezi yena. Haku si kaba kale fateni mutu yakile azuha kwa bafu inge mwa Na zuhezi yena. “Oh,” mu li, “libelela fa muzuzu, Muzwale Branham, babañwi ne ba zuhile kwa bafu.” Eehe, kono ba shwile

hape. Kono Yena wa pila kuyakuile. Mwabona? Hakuna mutu yakile azuha inge mwa Na zuhezi yena. Na zuhile kwa bafu, kuyakile.

<sup>295</sup> [Muzwle Branham uňuňuna pina yetwi *Na Mu lata—Mu.*] Halu ipeleleni fela ku Yena cwale.

Oh, Na Mu lata, Na Mu lata  
Kakuli Uni latile  
Ni kuleka puluso ya ka  
Fa Kalvari . . .

<sup>296</sup> Halu inamiseni fela litoho za luna. Mulena Jesu, Na lata sicaba se. Mi Ni ba bulukile fela Mulena, ne si mulelo wa ka wa kueza se. Kono kwanu, buňata bwa banana babanyinyani bani ba libelela, ba lapile, haba utwisisi. Kono ba ikinezi fela ona fa, hakuli ba ziba kuli muuna yani hakoni kupila, konji ka Linzwi la Mulimu fela. Mi cwale Linzwi ha li bulelwa, mi ni ku zibahaliswa, ku bonahaliswa, kupakiwa, kona kuli ba ziba kuli ikona fela kuba Wena. Ni lapelela mutu ni mutu. Ba fuyaule, Ndate. Hababe baba iketile mi baba tiile mwa musipili o li fapila luna. Ba fuyaule mwahala biki. Mi haiba ki tato ya Hao, Mulena, kuli lu to kopana kwanu hape Sunda yetaha, la Sabata yetatama, kutaha kwanu ku to lapela, Na lapela, Mulimu, kuli U ba tiise. Babaňwi ba kubona ha bakoni, babaňwi ba ka ya kwa malapa a bona mwa libaka ze shutana za naha, mwendi ki mwabuse bwa liwate, kamba kwande a Linaha. Lu lapela kuli Ube ni bona ni ku ba tusa. Lu yo kopanela kwa mautu a Jesu, zazi leliňwi. Lumeleza cwalo, Ndate. Lu tuse cwale, hanze lu latana yomuňwi ni yomuňwi, ni kulumela ku Wena, ni kusepa kuli zazi leliňwi muhala o tama lipilu za luna hamoho cwale ikaba muhala wa Kuyakuile, ha lu pileni mwa Muleneňi wani wa maneku amane, mwa Kuyakuile kaufela. Ka Libizo la Jesu. Amen. Ku lukile.

Unge Libizo la Je- . . . wena,  
Mwana ya . . . (Cwale muitumelise mwa  
mazoho yomuňwi ni yomuňwi) . . . manyando;  
Li ka kufa tabo . . .

Mufetuhe mi muitimelise mwa mazoho ni yomuňwi, muli, “Ni tabile kuba mo ni mina, kakusasana cwana.”

U Li nge kaufela.

Libizo Lelinde, O lelinde! (Mulimu aku fuyole,  
Ben.)  
Sepo ya mwa lifasi ni tabo ya Lihalimu;  
Libizo Lelinde, O lelinde!  
Sepo ya mwa lifasi ni tabo ya Lihalimu.

Cwale, muteeleze ku se cwale, cwale muopele cwana:

Unge Libizo la Jesu kaufela ko uya,  
Ku ba tebe ya hao;

Cwale amu teelete hande.

Miliko ha i kutela.  
(Mueze sikamañi?) Bulela Libizo le likenile  
mwa tapelo.  
Libizo Lelinde (Libizo lelinde), O lelinde!  
Sepo ya mwa lifasi ni tabo ya Lihalimu;  
Libizo Lelinde!



*KUBONAHALISA LINZWI LA HAE* LOZ64-0816  
(Proving His Word)

Liñusa le ka Muzwale William Marrion Branham ne li kutilizwe lwa pili mwa Sikuwa la Sunda kakusasana, Muyana 16, 1964, ili fa Branham Tabernacle Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)